

**BIBLIOTHECA  
THEOLOGICA**

THE UNIVERSITY OF CHICAGO  
LIBRARY

1954

# BIBLIOTHECA THEOLOGICA SEPTEM LIBRIS DISTINCTA.

I N Q U A

Exacto ordine reponuntur cuncta ad completam Sacræ Doctrinæ , vel Theologiæ notitiam spectantia, tam secundum se, quàm secundum diuersa eius munera , *Deducendi conclusiones beneficio Artis Syllogisticæ, vndè Scholastica, vel Argumentatiua: Ordinandi, & explicandi locos Theologicos, vndè Positiua, siuè Thetica, & Fundamentalis: Defendendi sua principia aduersus omnia infidelium genera, vndè Polemica: Disponendi suas materias vndè Methodica: Viendi metaphoris, vndè Symbolica: Prouocandi, vel dirigendi affectum in Deum, vndè Mystica.*

A V T H O R E

MA

F. DOMINICO A SS. TRINITATE

CARMELITA DISCALC. PROVINCIAE PARISIENSIS.

T O M V S S E X T V S.

*Complectens Librum quintum, in quò agitur de Sacra Doctrina quatenus suas disponit materias, nec non aliquas præscribit regulas illas tractandi, vndè vocatur Methodica.*

*Bibliothecæ Soc.<sup>æ</sup>*



*Catalogus in scriptis*

R O M A E,

Typis Philippinarię Mancini . M.DC.LXXVI.

SVPERIORVM PERMISSV.

THE  
E E E  
THE

Carroll in 1911

1911

1911



# I N D E X

Sectionum , & Caputum Libri Quinti ,  
hoc Sexto Tomo Bibliothecæ Theo-  
logicæ contenti .

## LIBER QVINTVS.

*De Sacra Doctrina, quatenus suas disponit materias , nec non aliquas præ-  
scribit regulas illustrandi , unde vocatur Methodica .*



### SECTIO PRIMÆ.

*De methodo , siue dispositione vestiti se-  
nente ex parte materia. pag. 1.*



AP. I. Quanta sit methodi  
utilitas in sacra doctri-  
na. pag. 1.

Cap. II. De methodo, siue  
ordine, quem seruauit S.

Dionysius Ateopagita in tradenda  
sacra doctrina. pag. 4.

Cap. III. De methodo à S. Augustino  
obseruata in ordinanda sacra doctri-  
na. 10.

Cap. IV. De methodo, quam Sanctus  
Ioannes Damascenus reuie in col-  
ligenda , & tradenda Sacra Doctri-  
na. 12.

Cap. V. De methodo, quam in distin-

guendis Sacræ doctrinæ materijs  
Petrus Lombardus adhibuit. 13.

Cap. VI. De methodo Ioannis Sapien-  
tis, cognomento Cyparissioti. 16.

Cap. VII. De methodo seruata ab An-  
gelico Doctore Dno Thoma in di-  
sponenda Sacra Doctrina, tribus  
summæ Theologicæ partibus. 17.

Cap. VIII. Sacræ doctrinæ partitio se-  
cundum usum Catechismi. 22.

Cap. IX. Aliæ Sacræ doctrinæ partitio  
in Speculatiuam, Practicam, & Pa-  
ræneticam. 27.

Cap. X. Sacræ doctrinæ materiæ Aristoteli  
Dialecticæ Methodicè ada-  
ptatæ. 30.

Cap. XI. Afferuntur aliæ nonnullæ Sa-  
cræ doctrinæ partitiones. 31.

SECTIO

# I N D E X

## SECTIO SECVNDA.

*De methodo veluti se tenente ex parte  
forme, quatenus per illam prescri-  
buntur regula tractandi materias  
Theologicas.* 33.

Cap. I. Proponuntur regulæ generales

tractandi materias, vel quæstiones  
Theologicas. 33.

Cap. II. Afferuntur regulæ pro Theo-  
logia potissimum speculatiua. 43.

Cap. III. Proponuntur regulæ pro  
Theologia Morali, seu ad praxim  
spectante. 47.

Cap. IV. Regulæ pro Theologia Paræ-  
netica. 49.



*Imprimatur,*

Si videbitur Reuerendissimo Patri Magistro Sacri Palatij Apostolici

*I. de Angelis Archiep. Vrbin. Vicefg.*



**V**ltimos huiusce Bibliothecæ Theologicæ libros à Reu. admodum Patre Dominico à Sanctissima Trinitate Exgenerali Patrum Carmelitarum Discalceatorum compositos ex iussu Reuerendissimi Patris Capisucchi Sacri Palatij Apostolici Magistri perlegi, & accuratissimè perlustravi: in quibus doctrinam Catholicæ Fidei consonam peritissimo tanti Viri stylo, & perucidissimo ordine elaboratam inueni; quos proindè cum cæteris à me quoque examinatis, typis prolatis in lucem publici iuris fieri dignos iudicavi. Romæ die 8. Iunij 1676.

*Frater Ioannes Malgoires in facultate Parisiensi doctor, & Procurator Generalis Ordinis Cisterciensis in Curia.*



*Imprimatur;*

Fr. Raymundus Capisucchius Ord. Præd.  
Sac. Palatij Apost. Magister.







# BIBLIOTHECAE THEOLOGICÆ LIBER QUINTVS

De Sacra Doctrina, quatenus suas disponit ma-  
terias, nec non aliquas præscribit Regu-  
las illas tractandi, vnde vocatur  
Methodica.



## SECTIO PRIMA.

De Methodo, siue dispositione veluti se tenente ex  
parte materiæ.

### CAPVT PRIMVM.

*Quanta sit methodi utilitas, in Sacra Doctrina:*



**S**I in alijs disciplinis, vel à Magistro tradendis, vel à Discipulo comparandis, methodus vtiliter adhibetur; vt enim quæ confusè traduntur, nec intelligi exactè, neque diu memoria teneri possunt: ita quæ ordine discuntur, & faciliùs percipi, & hærere firmiùs, atque sic paulatim in naturam quasi abire solent. Qua-

*Biblioth. Theol. Tom. VI.*

re etiam non aliundè scientiæ omnes, à maioribus nostris per manûs veluti traditæ, feliciùs ad nos peruenerunt, quam quod optimi, & doctissimi quique viri, id vnicè studuerint semper, vt quæ in illis essent sparsæ, & confusæ, ea methodica ratione in certa quædam capita colligerent, existimantes nihil ea neque ad memoriam iuuandam commodiùs, neque ad res maximas propriè explicandas efficacius

A

cxco-

excogitari posse. Si ita, inquam, se habet in scientijs naturalibus, multò magis id in Sacra doctrina locum habere debet, sicut enim illas dignitate longè superat, ita etiam fatendum est eam diuinitus fuisse reuelatam, vt nò solùm peculiari quadam arte, & ratione nos ad præpotentis Dei perduceret cognitionem, sed vt ipsa aliarum artium omnium suo quodammodo forma esset atque regula. Indeque Sacri Doctores in tradendis cælestis doctrinæ mysterijs singulari semper vti fuerunt artificio, variasque methodos adinuenerunt, quarum potiores hinc referemus.

Quia autem methodus latè accepta diuiditur in ordinem, & methodum, improprie dictam, sui que generis nomine appellatam; siue quod idem est, in methodum veluti se tenentem ex parte materiæ, aut subiecti scientiarum, debite illud ordinando; & in methodum veluti se tenentem ex parte formæ, præscribendo modum, aut regulas, quibus in rerum tractandarum cognitionem, vel probationem deuenire possimus; de prima agemus in præsentia, de secunda autem in sequenti sectione; si tamen prius vtrumque diuisionis membrum breuiter explicuerimus, quantumque sufficit pro instituti nostri ratione.

Igitur cum methodus in genere sit habitus logicus, docens procedere ab hoc ad illud, cognitionis adipiscendæ gratia, duplex esse potest iste processus: aut enim res ipsas tractandas disponimus, vt prius de hac, postea de illa agamus, aut à cognitione huius quædamur in cognitionem illius; aliud enim est hanc rem prius esse tractandam, vel cognoscendam, quàm illam; & aliud ex hac re nota nos duci in cognitionem illius ignoræ: hoc quidem methodi improprie sumptæ munus est, illud autem ordinis, ordo enim nullâ facit illationem huius rei ex illa, sed solùm disponit eam, quæ tractanda sunt, vt si dicamus ordinem Sacræ doctrinæ

postulare, vt prius de Deo vno, quàm de Deo trino agamus: vnde talem ordinem doctrinæ definire, vel describere possumus esse instrumentalem, habitum, per quem apti sumus cuiusque disciplinæ partes ita disponere, vt quantum fieri possit, optimè ac facillimè illa disciplina discatur. Methodus verò non disponit scientiæ partes, sed à noto ducit nos in cognitionem ignoti, inferens hoc ex illo, veluti quando ex inotu venimus in cognitionem primi motoris immobilis: propterea dicitur, proprium esse ordinis disponere, methodi autem notificare; definiturque methodus sic sumpta, quod sit intellectuale instrumentum faciens ex notis cognitionem ignoti: ita vt intellectualem instrumentum, genus methodi sit, quod ordinem quoque complectitur, facere autem ex notis cognitionem ignoti, sit differentia, qua methodus ab ordine distinguitur.

Ad quod discrimen declarandum, videntur illa aptari posse, quæ docet Aucroes in primo commentario lib. 1 postea. analyticorum; videlicet præcognitionum demonstrationi necessariarum duo esse genera, alia namque est præcognitio dirigens, alia verò agens; dirigens illa dicitur, sine qua conclusio non colligeretur, sola tamen ad illam inferendam non sufficit, veluti præcognoscere quod subiectum sit, & quid eius nomen, & quid nomen affectionis significant, nam si vna aliquarum istarum desit, nihil potest demonstrari, ex his tamen solis nihil demonstratur. Præcognitio autem veritatis propositionum est præcognitio agens: quia iam agit, & infert necessariò conclusionem. Dicitur igitur in præsentia potest, tam ordinem, quàm methodum esse progressum à notioribus, ordinem quidem à notioribus cognitione tantum dirigente ad aliorum notitiam, methodum verò à notioribus etiam cognitione agente, quæ vt diximus est propria illius differentia;

necc

nec ordini competit, nisi quatenus est in eo aliqua methodus.

Rursus adæquatè diuiditur ordo in compositiuum, quem vocant à principijs, & inferuit scientijs contemplatiuis, & in resolutiuum, quem vocant ad principia, & inferuit scientijs practicis: vbi enim multa ordinatè tractanda sunt, quorum alia sunt aliorum principia, nullus alius videtur conuenientior ordo seruari posse, quam vel à principijs ad vltima, vel ab vltimo ad principia. Insuper cum præter scientias contemplatiuas, & practicas non detur tertium disciplinarum genus, sequitur etiam non dari præter duos illos, alium ordinem, quo aliqua disciplina scribi, vel tradi possit. Pro contemplatiuis enim, quæ solam rerû tractandum cognitionem pro fine habent, & in quibus proinde à primis principijs inchoando, progredi debemus ad posteriora principia, & ad ea, quæ ex principijs constant, & à simplicibus ad composita, vt perfecta rerum cognitio tradatur, datur ordo compositiuus. Pro practicis autem, in quibus non amplius ipsam propter se rerum cognitionem querimus, sed propter operationem, & alicuius finis adæptionem, atque adeò cogimur ab illius finis notione auspicari, & ad prima principia inuestiganda procedere, à quibus operationem postea incepturi sumus, datur ordo resolutiuus. Propterea definitur, esse instrumentum logicum disponens, quomodo à notione finis, qui ab homine liberè operante produci, & generari queat, progredimur ad inueniendâ, & cognoscendâ principia, ex quibus operationem postea inchoantes, producere, & generare finem illum possumus: Compositiuus verò, esse logicum instrumentum, quo cuiusque contemplatiuæ scientiæ partes ita disponimus, vt à primis vti principijs exordiendo, & ad secunda transeundo tandem ad proxima perueniamus, vt quantum in eo genere fieri possit, optimè, & facillimè

rerum tractandum scientiam adipiscamur.

Methodus etiam proptèr distinguitur ab ordine, diuiditur in demonstratiuâ, & resolutiuam; cum enim methodus sic sumpta vim habeat illatricem, & hoc ex illo colligat, quam ordo quatenus ordo est non habet, sed disponendi solum, nil aliud videtur esse methodus quam syllogismus: quia igitur in syllogismo sciendi gratia constructo, necesse est vel à causa ad effectum, vel contra ab effectu ad causam progressum fieri, inde etiam duæ scientiæ methodi oriuntur, vna demonstratiua, altera resolutiua, quamuis adhuc demonstratiua non incongruè vocari possit compositiua, cum enim compositio sit via contraria resolutioni, necesse est vt quemadmodum progressus ab effectu ad causam dicitur resolutio, ita eum, qui est à causa ad effectum, liceat appellare compositionem.

Notandum est autem ita præfatas diuisiones esse suo modo adæquatas; vt adhuc plures aliæ dati possint accidentales, v.g. in ordine, quot sunt diuersi modi accidentaliter disponendi per suas partes obiectum vniuscuiusque scientiæ; in methodo verò, quot sunt diuersi modi illas tractandi, & explicandi; de quibus omnibus hic promiscuè agimus. Similiter licet sit difficultas inter Doctores, quid sit Methodus propriè dicta, siue in quo propria eius ratio consistat; aliqui enim putant Methodum esse instrumentum notificans, id est faciens ex notis cognitionem ignoti; alij verò probabilius docent esse tantum disponens, vt ea scilicet anteponat, quorum cognitio nos dirigat, & nos iuuet ad ea, quæ posterius tractantur cognoscenda; cum facere cognitionem ignoti, siue esse ignoti manifestatiuum, sit potius proprium modi sciendi, quàm methodi; vnde definitur modus sciendi, oratio ignoti manifestatiua, nec solum comprehendit argumentationem, sed etiam definitionem, & diuisionem; cum enim

## 4 Bibliothecæ Theologicæ Lib. V.

ignotum sit duplex, complexum videlicet, ac incomplexum; si illud fuerit complexum, manifestatur per argumentationem: si verò incomplexum, vel ignoramus essentiam; & hanc explicat definitio: vel partes eius, & has manifestat diuisio. Licet, inquam, ita dubitetur inter Doctores de propria methodi ratione, nemini tamen dubium esse potest, quin larga quadam significatione talis ratio competat, omnibus illis rebus, quæ in aliqua disciplina conducere possunt, vt meliorem, ac faciliorem eius cognitionem consequi possimus. Sed de his satis, de quibus videtur dicta lib. 3. sect. 7. cap. 6. in fine.

### C A P V T I I.

*De Methodo, siue ordine, quem seruauit  
S. Dionysius Areopagita in tra-  
denda Sacra Doctrina.*

**I**nter Sacros Doctores, qui diuersas methodos adinuenerunt, vnde fidelibus facilius ad Sacrosanctam Theologiam mysteria pateret aditus, primum inter Græcos obtinet locum S. Dionysius Areopagita, Galliarum Apokolus, & primus Parisiorum Episcopus. Hunc enim Dionysium, quem Paulo Apostolo Athenis prædicante, ad fidem Christianam fuisse conuersum Act. Apostolorum testatur, scripsisse quæ eius nomine circumferuntur opera, tam constans Ecclesiæ in breuiario traditio est, totque Scriptorum tam Græcorum, quam Latinorum autoritate, & testimonio comprobata, vt id negare, videatur aliquibus temeritate non carere; quod quia iam à multis copiosè demonstratum fuit, possunt illi consili, præsertim Andreas du Saussay in lib. de script. mysticis; Petrus Halloix Societ. Ies. in quæst. de vita, & operibus S. Dionysij; Martinus Delrius in Vindicijs Areopagiticis; Petrus Lancellius in disputat. Apologetica, Ioannes de Chauxmant in defensione Areo-

pagitæ aduersus Hæreticum Caluinistam, Antonius Possseuinus in Appar. Sacro, alijque ab ipso citati.

Nunc ergo ad rem nostram veniendo, S. Dionysius habita ratione loci, diuidit Theologiam in Cælestem, Subcælestem, & Supercælestem; agendo de sacris fidei nostræ arcanis, sub titulo Cælestis, siue Angelicæ, Subcælestis siue Ecclesiasticæ, & Supercælestis, siue Diuinæ Hierarchiæ, cum de diuinis nominibus, & Mystica Theologia.

Vel insuper cum ex doctrina huius Sancti, quadruplex de Deo discurrendi ratio habeatur; Prima prout est in seipso, concipiturque secundum eas proprietates, ac perfectiones, quæ illi ex natura rei, seu ad intra, & substantialiter conueniunt, vt sunt esse vnum in natura, trinū in personis, & similia.

Secunda, prout consideratur Deus cum respectu, & ordine ad creaturas, quatenus videlicet primus earum author est, gubernator ac finis, & sic illi, desumpta ex creaturis nomina via causalitatis, & affirmationis accommodantur. Tertia, pro vt Deus in Sacris Scripturis variarum rerum corporearum, figuris repræsentatur, & earumdem nominibus afficitur, vt cum vocatur Ignis, Leo, agnus &c. Quarta, pro vt per omnium rerum conceptibilium ablationem, & nostri ipsius abnegationem, diuinæ charitatis subuecta pennis mens nostra in Deum erigitur, & inaccessibili præsentie ipsius luce obtenebrata, caligando penitus extra supraque se rapitur, & absorbetur.

Iuxta hanc quadruplicem diuinam cognoscendi rationem, videtur Diuinus Areopagita sacram doctrinam sapienter ordinasse, ac diuississe. Primam enim rationem tenuit in libro Hypotyposicon, seu Theologicarum informationum, cuius meminit cap. 1. & 2. de diuinis nominibus, & cap. 3. Theologicæ; sed magno Ecclesiæ damno excellentissimus ille tractatus perijt. Secundam rationem obseruauit in libro de diuinis nominibus, qui adhuc

Summo

Summo Dei beneficio nobis superest. Terciam in Symbolica Theologia tradiderat, cuius mentionem facit c. 19. de coelesti Hierarchia, & cap. 1. & 13. de diuinis nominibus, & cap. 3. de Myſtica Theologia, & epistola 9. quæ est ad Titum, sed hic etiam tractatus desideratur. Quartam denique, maximeque mirabilem præſice Theologizandi rationem tradit in mystica Theologia. Ita ut nulla Theologiæ pars ab illo diuinissimo plane viro prætermiſſa videatur, cuius firmissima non iecerit fundamenta. Et relicta modo Theologia symbolica, & mystica, de quibus Deo dante in sexto, & septimo huius operis libro agemus; sufficienti probatione demonstratum iri puto, primam in Theologia etiam Scholastica laudem sibi vindicare S. Dionysij opera, si breuem illorum, quæ supersunt indicem, nec non etiam locorum, quæ Diuus Thomas tam in Summa, quam alibi citat, hic eruditi lectoris oculis subtecerit.

*De Coelesti Hierarchia.*

**C**Ap. I. Diuinam omnem illustrationem, secundum bonitatem, diuersimodè ad ea quæ prouidentia reguntur emanantem, manere simplicem; neque hoc solum; verum etiam vnificare ea quæ illustrantur.

II. Quod aptè res diuinæ atque cælestes dissimilibus etiam signis expli- centur.

III. Quid sit Hierarchia, & quænam eius utilitas.

IV. Quid Angelorum nomen significet.

V. Quare omnes essentia cælestes communi nomine Angeli vocentur.

VI. Quænam sit prima cælestium, essentiarum distinctio, quæ media, quæ postrema.

VII. De Seraphim, Cherubim, & Thronis; deque prima eorum Hierarchia.

VIII. De Dominationibus, Virtuti-

bus, & Potestatibus, & de media eorum Hierarchia.

IX. De Principatibus, Archangelis, & Angelis, deque vltima eorum Hierarchia.

X. Repetitio, & conclusio Angelici Ordinis.

XI. Cur omnes cælestes naturæ communi nomine virtutes cælestes appellentur.

XII. Cur hominum Antiqui Angeli vocentur.

XIII. Cur à Seraphim purgatus Iul- se dicatur Iſaias Propheta.

XIV. Quid significet traditus Angelorum numerus,

XV. Quæ sint formatæ imagines Virtutum Angelicarum.

*De Ecclesiastica Hierarchia:*

**C**Ap. I. Quæ sit Ecclesiasticæ Hierarchiæ traditio, & quis eius scopus.

II. De ijs, quæ in illuminatione, seu Baptismo peraguntur.

III. De ijs quæ in Synaxi peraguntur.

IV. De ijs quæ in vnguento fiunt, ac perficiuntur.

V. De Sacrorum Ordinum consecrationibus.

VI. De Ordinibus, qui initiantur.

VII. De ijs, quæ fiunt circa defun- ctos.

*De Diuinis Nominibus.*

**C**Ap. I. Quis libri finis, & quæ de Diuinis Nominibus prodita sunt.

II. De copulæ distinctaque Theologia, & quæ sit diuina vniõ, & distinctio.

III. Quæ sit vis orationis, & de Beato Hierotheo, de religione, & conscriptione Theologica.

IV. de Bono, Lucæ, pulchro, amore, extasi, zelo; & quod malum neque ens sit, neque ex entibus, neque in entibus.

V. de Ente, in quo etiam de exemplatibus.

VI. de Vita. VII. de Sapientia, mente, ratione, veritate, fide.

VIII. de potentia, iustitia,

tia, salute, redemptione; ubi etiam de inæqualitate. IX. de magno, paruo, eodem, alio, simili, dissimili, statu, motu, æqualitate. X. de Omnipotentia, Antiquo dierum; in quo etiam de ævo, seu æternitate, & tempore. XI. de pace, quidque sibi velit ipsum per se esse, quæ sit per se vita, quæ vis ipsa per se, & quæ ita dicuntur. XII. de Sancto Sactorum, Rege regum, Domino dominantium, Deo deorum. XIII. de perfecto, & vno.

*De Mystica Theologia.*

**C**AP. I. Quznam sit diuina caligo. II. Quomodo oporteat etiam vniuersas laudes referre omnium authori, qui est super omnia. III. Quæ sint affirmantes de Deo locutiones, quæ negantes. IV. Quod nihil rerum sensibilium sit is, qui omnis rei sensibilis secundum excellentiam est author. V. Quod nihil rerum intellectuum sit is, qui omnis rei intellectus secundum excellentiam est author.

*Epistola.*

**I.** Caio Monacho, de ignorantia, & cognitione Dei. II. eidem Caio, quomodo Deus sit supra principium diuinitatis, ac bonitatis. III. eidem Caio, quid significet *inaginis* seu repente in Mystero Incarnationis. IV. eidem Caio, quomodo Christus verus homo, ac Deus. V. Dorotheo Ministro de caligine. VI. Sosipatro Sacerdoti, de defendenda veritate. VII. Polycarpo Antistiti, quomodo ei cum Apolloniano agendum sit. VIII. Demophilo Monacho, de propria operatione, & clementia. IX. Tito Episcopo, roganti per epistolam, quæ sit domus Sapientis, quis crater, & quisna eius cibus, ac potus. X. Ioanni Theologo Apostolo, & Euangelistæ in Patmo insula cantanti.

Tantum de operibus Diuini Areopagite, quæ adhuc supersunt; nam

præter illa magno Ecclesiæ damno perierunt libri de Symbolica Theologia, de anima, de diuinis hymnis; Theologicarum informationum, de iusto, & diuino iudicio; de ijs quæ intelligentia, & sensu percipiuntur. Hos enim libros Dionysium scripsisse, nulli magis quam ipsi credimus, qui locis superius citatis de Theologia Symbolica, & Theologicis informationibus meministi de anima; item de iusto, & diuino iudicio meministi cap. 4. de diuin. nominibus; De hymnis diuinis cap. 7. cælest. Hierarch. De ijs tandem quæ intelligentia, & sensu percipiuntur cap. 1. & 2. de Ecclesiastica Hierarchia.

Cum autem S. Theologia sit scientia secundum verbum Dei, illiusque authoritati principaliter innixa. Magnus Dionysius vt sapiens architectus, vbique semper præfatorum operum Theologicorum fundamentum posuit verbum Dei, tum scriptum tum traditum; cap. 1. 2. & 6. Cælestis Hierarchiæ; item cap. 1. Ecclesiast. Hierarchiæ, ubi præclara hæc habet verba. *Substantia enim Hierarchiæ nostra sunt diuinitus tradita oracula. Maxime verò ista oracula dicimus veneranda, quæ à Sacris nostris initiatoribus, diuino Spiritu afflatis, in Scripturis Sacris, librisque Theologicis tradita nobis sunt; vti & illa, quæ ab iisdem viris sanctis, subtiliori, non omnino diffusa ab ordine cælesti institutione, de mente in mentem mediante verbo, corporis quidem illo, simul tamen immateriali, sine scriptione, institutores nostri Sacra quadam translatione sunt edocti.* Item in lib. de diuinis nominibus cap. 1. hanc sibi legem præfigit, vt nihil nisi ex Scriptura dicat. *Quæ etiã vt maius apud nos momentum habeat, per sublimissimas, & prorsus diuinas loquendi formulas; eius authoritatem nobis inculcat.* Sic cap. 1. de cælesti Hierarchia vocatur in titulo *diuina illustratio*; & in contextu. *à Patre mota illustrationis emanatio*; Eandemque ob causam SS. Apostolos, aliosque Scripturæ Sacræ autores, passim

*Theo-*

# Seccio I. Caput II.

7

*Theologos, diuino numine afflatos, Sacros nostros initiatores, ex superessentiali diuinitate, sacro ipsos munere repleos appellat.*

Non desunt quoque huic diuinissimo viro phrascs propriæ, modique loquendi mirabiles, & plusquam humani, tam ad exprimendam suorum conceptuum sublimitatem, quam ad ipsiusmet diuinitatis supra omnia creata mente conceptibilia eminentiam significandam. De quibus videri possunt eius interpretes, & nouissimè Balthasar Corderius Soc. Iesu in Onomastico Dionysiano, vbi verba, & nomina singularem aliquam formationem, ac significationem habentia explicat. Nos iam promissum indicem dabimus locorum ferè omnium, quæ D. Thomas citat, & in diuersis operum suorum partibus interpretatur.

## *Ex celesti Hierarchia.*

**C**aput primum citatur 1. par. quæst. 1. artic. 9. in corp. & ad 2. & 3. Item quæst. 9: art. 1. ad 3. quæst. 88. art. 2. & q. 108. art. 1. & 4. Prima Secundæ, qu. 99. art. 3. Tertia parte, qu. 60. art. 4. In 1. sentent. disp. 22. qu. 1. art. 1. & dist. 34. q. 3. art. 1. In 2. sentent. distinct. 9. q. 1. art. 3.

Caput secundum citatur 1. p. quæst. 13. art. 3. & 12. quæst. 54. art. 2. Secunda Secundæ quæst. 112. art. 1. in 1. sentent. dist. 4. quæst. 2. art. 2. dist. 22. quæst. 1. art. 1. & 2. distinct. 34. quæst. 3. art. 1. In question. disputat de Potentia Dei q. 3. art. 4. q. 7. art. 5. q. 9. art. 7.

Caput tertium citatur 1. p. qu. 106. art. 2. q. 108. art. 1. & 2. Secunda Secundæ q. 181. art. 8. Tertia parte. qu. 84. art. 3. In supplemento q. 37. art. 1. q. 72. art. 1. In 2. sentent. distinct. 9. q. 1. art. 1. & 2. dist. 10. art. 1. & 2. in questionibus disputatis de Potent. Dei q. 2. art. 3. de malo q. 7. art. 3. de veritate q. 9. art. 3.

Caput quartum citatur 1. p. q. 12.

art. 11. quæst. 13. art. 3. q. 57. art. 1. q. 108. art. 3. q. 211. art. 1. In Prima Secundæ q. 3. art. 7. q. 98. art. 3. q. 111. art. 1. In Secunda Secundæ q. 2. art. 6. & 7. In Tertia parte q. 10. art. 4. q. 12. art. 4. quæst. 10. art. 1. qu. 27. art. 5. qu. 30. art. 2. qu. 55. art. 1. & 2. In supplemento qu. 77. art. 2. In 1. sentent. dist. 17. q. 1. art. 1. In 2. sent. dist. 9. q. 1. art. 1. distinct. 12. in expositione textus, & q. 1. art. 3. In quæst. disput. de malo q. 3. art. 4. de veritate qu. 10. art. 1. & quæst. 11. art. 3.

Caput quintum 1. p. quæst. 1. art. 10. qu. 106. art. 3. q. 108. art. 2. & 5. q. 113. art. 2. In 1. sententiarum distinct. 17. q. 1. art. 4. In quæst. disput. de Potentia Dei q. 6. art. 7. de malo q. 3. art. 7. quæst. 6. art. 7. & quæst. 9. art. 5.

Caput sextum citatur 1. p. q. 56. art. 1. q. 58. art. 5. q. 106. art. 2. q. 108. art. 1. & 3. In tertia parte q. 2. art. 2. In 1. 2. sentent. distinct. 9. q. 1. art. 2.

Caput septimum citatur 1. p. q. 12. art. 8. q. 57. art. 5. q. 106. art. 2. & 4. q. 107. art. 2. q. 108. art. 1. 2. 5. & 6. In Prima Secundæ q. 28. art. 5. q. 67. art. 2. q. 111. art. 1. q. 112. art. 1. In secunda secundæ quæst. 2. art. 6. & 7. In tertia parte q. 12. art. 4. q. 13. art. 2. qu. 30. art. 2. q. 59. art. 6. q. 67. art. 1. In 1. sententiarum dist. 37. q. 3. art. 1. In 2. sentent. distinct. 9. q. 1. art. 7. distinct. 10. q. 1. 2. & 3. In questionibus disputatis de veritate q. 9. art. 3.

Caput octauum citatur 1. p. q. 66. art. 3. q. 106. art. 1. & 2. q. 108. art. 2. 5. & 6. q. 112. art. 2. & 4. In prima secundæ q. 111. art. 1. In supplemento q. 73. art. 3. In 1. sententiarum distinct. 37. q. 4. art. 3. In 4. sententiarum dist. 24. q. 2. art. 1.

Caput nonum citatur 1. p. qu. 108. art. 2. 5. & 6. In prima secundæ qu. 98. art. 5. In secunda secundæ qu. 2. art. 7. In 3. p. q. 64. art. 7. In 2. sentent. dist. 11. q. 1. art. 2.

Caput decimum citatur 1. p. q. 108. art. 2. & 3. In 2. sentent. distinct. 9. q. 1. art. 2.

Caput

Caput undecimū citatur 1. p. q. 79. art. 1. In supplemento q. 73. art. 3. In 2. sententiar. distinct. 10. quæst. 1. art. 2.

Caput duodecimum citatur 1. p. qu. 55. art. 3. q. 106. art. 4. In secunda secunda q. 2. art. 6. In 2. sentent. distinct. 10. q. 1. art. 2. In quæstionibus disputatis de veritate q. 29. art. 5.

Caput decimum tertium citatur 1. parte q. 112. art. 2. In 1. sentent. distinct. 15. q. 1. art. 1. distinct. 17. qu. 1. art. 4. In 2. sententiarum distinct. 10. q. 1. art. 2. & 4. distinct. 11. q. 1. art. 2.

Caput decimum quartum citatur 1. parte. q. 50. art. 3. In quæst. disput. de Potentia Dei; q. 6. art. 6. de virtutibus q. 1. art. 8.

Caput decimum quintum citatur 1. parte. qu. 51. art. 3. qu. 106. artic. 1. quæst. 107. art. 5. q. 115. art. 1. In prima secunda q. 31. art. 4.

*Ex Libro,  
De Ecclesiastica Hierarchia.*

**C**aput primum citatur 1. parte q. 108. art. 4. In 3. parte qu. 64. art. 6. In supplemento q. 31. art. 3. In 2. sentent. distinct. 9. q. 1. art. 8. In 4. sentent. distinct. 3. q. 2. art. 1. In quæst. disputatis de veritate; q. 8. art. 7.

Caput secundum citatur in 3. parte; q. 63. art. 2. q. 65. art. 1. q. 66. art. 1. q. 67. art. 1. & 7. qu. 69. art. 5. qu. 71. art. 4. q. 80. art. 9. quæst. 83. art. 5. In supplemento q. 29. art. 1. in 4. sentent. distinct. 1. art. 2. distinct. 6. q. 2. artic. 1. 2. & 3. distinct. 11. q. 2. art. 1.

Caput tertium citatur 3. parte q. 63. artic. 6. q. 65. artic. 1. & 3. q. 66. art. 11. q. 67. art. 1. q. 80. art. 9. qu. 83. art. 4. & 5. In supplemento q. 29. art. 6. q. 37. art. 2. in 4. sentent. distinct. 8. qu. 1. art. 1. distinct. 24. q. 2. art. 1. & 2.

Caput quartū citatur 3. parte q. 16. art. 3. qu. 72. art. 2. In 2. sentent. distinct. 9. quæst. 1. art. 8. In 4. sentent. distinct. 3. q. 2. artic. 1. distinct. 7. qu. 1. artic. 1. & 2. distinct. 7. q. 2. art. 1.

Caput quintum citatur 1. parte; q. 1. art. 10. q. 106. art. 3. q. 108. art. 2. q. 113. art. 2. In prima secunda q. 106. art. 4. In 3. parte q. 61. art. 4. q. 67. art. 1. In supplemento q. 31. art. 1. & 2. qu. 34. art. 1. q. 37. artic. 2. & 4. qu. 40. art. 4. & 5. qu. 72. art. 2. In 4. sententiar. distinct. 7. q. 3. artic. 1. distinct. 8. qu. 1. artic. 1. distinct. 23. q. 2. art. 1. In quæst. disputatis de veritate; quæst. 9. art. 3.

Caput sextum citatur 1. parte q. 56. art. 1. q. 58. artic. 5. q. 106. art. 2. In prima secunda q. 76. art. 2. In secunda secunda q. 184. artic. 8. q. 185. artic. 1. q. 186. art. 5. q. 187. art. 3. In 3. parte q. 27. artic. 3. In supplemento qu. 71. artic. 3.

Caput septimum citatur 3. par. q. 67. artic. 7. & 8. qu. 68. artic. quæst. 72. artic. 4. q. 79. art. 3. q. 80. artic. 4. q. 84. artic. 3. In Supplement. quæst. 71. art. 3. In quæstionibus disputatis de Malo; q. 8. artic. 1. quæst. 16. artic. 6. de veritate q. 9. artic. 1.

*Ex Libro,  
De Divinis Nominibus.*

**C**aput primum citatur 1. parte; q. 12. artic. 1. & 2. q. 13. artic. 1. & 2. quæst. 15. artic. 3. q. 32. artic. 2. q. 36. artic. 2. q. 39. artic. 2. q. 57. art. 1. q. 88. art. 2. In secunda secunda q. 13. artic. 1. q. 91. art. 1. q. 101. art. 3. q. 106. artic. 3. In 3. parte q. 20. art. 1. In 1. sentent. distinct. 22. q. 1. artic. 2. & 4. In quæst. disputatis de Potentia Dei; q. 7. art. 5. de Malo q. 5. art. 1. de Virtutibus q. 2. artic. 2.

Caput secundum citatur 1. parte; q. 32. artic. 1. q. 67. artic. 2. q. 93. art. 2. In 1. sentent. distinct. 15. q. 2. artic. 2. distinct. 21. q. 1. art. 1. distinct. 28. q. 1. art. 1. In 2. sentent. distinct. 13. q. 1. artic. 3. In quæst. disputatis de Potentia Dei; q. 10. artic. 1. de Malo. q. 16. artic. 7. de veritate q. 4. art. 6.

Caput tertium citatur 1. parte; q. 5. artic. 2. q. 13. artic. 111. qu. 19. artic. 9. In secunda secunda q. 83. art. 2. q. 101. artic. 3.



# Seccio I. Caput II.

9

artic. 3. In 1. sentent. distinct. 37. q. 1. art. 2.

Caput quantum citatur 1. par. q. 48. artic. 1. 2. 3. & 6. q. 49. art. 1. q. 50. art. 2. 3. & 5. q. 51. art. 1. q. 54. art. 2. q. 55. art. 1. q. 57. art. 1. q. 58. art. 4. & 5. q. 63. art. 4. q. 64. art. 1. & 2. q. 67. art. 1. & 4. q. 82. art. 2. q. 93. art. 2. q. 93. art. 2. q. 94. art. 2. q. 106. art. 1. q. 115. art. 3. In 1. 2. q. 1. art. 4. q. 2. art. 3. q. 10. art. 4. q. 18. art. 1. 11. q. 19. art. 1. & 6. q. 24. art. 1. q. 26. art. 1. 2. & 3. q. 27. art. 2. q. 28. art. 1. 3. 4. 5. & 6. q. 29. art. 3. & 4. q. 35. art. 7. & 8. q. 46. art. 1. q. 51. art. 4. q. 55. art. 4. q. 60. art. 5. q. 63. art. 1. & 2. q. 70. art. 4. q. 71. art. 2. & 5. q. 72. artic. 1 & 9. q. 80. art. 4. q. 87. art. 1. qu. 78. artic. 1. q. 109. art. 3. & 6. q. 112. art. 3. In 2. 2. q. 8. art. 1. qu. 24. art. 2. q. 25. art. 4. & 7. q. 27. art. 4. & 5. qu. 29. art. 3. q. 31. art. 1. q. 82. art. 2. q. 92. art. 1. & 2. qu. 110. artic. 3. qu. 123. art. 1. & 12. q. 129. art. 2. q. 141. art. 1. & 2. q. 145. art. 2. q. 158. artic. 1. q. 159. art. 8. 162. art. 1. q. 165. art. 1. q. 167. art. 1. q. 175. art. 2. q. 177. art. 1. q. 180. art. 6. In 3. Parte q. 44. art. 2. q. 46. art. 1. In supplemento q. 49. art. 5. q. 50. art. 1. q. 89. artic. 4. In 1. sentent. distinct. 1. q. 4. distinct. 2. q. 2. art. 1. & 4. distinct. 17. qu. 2. text. distinct. 17. q. 2. art. 1. dist. 34. q. 2. distinct. 34. q. 3. art. 1. distinct. 37. q. 4. art. 1. disput. 42. q. 1. art. 2. distinct. 44. qu. 1. art. 3. distinct. 46. quest. 1. art. 3. distinct. 46. in expos. Text. In 2. sentent. distinct. 7. q. 1. art. 2. distinct. 11. q. 1. art. 2. distinct. 13. q. 1. art. 4. distinct. 18. qu. 1. art. 2. In questionibus disputatis de Potentia Dei, q. 1. art. 6. q. 2. art. 3. qu. 3. art. 6. & 15. q. 4. art. 2. de Malo q. 1. art. 1. 2. 3. & 5. qu. 2. art. 1. 2. 4. 7. 9. 11. & 12. q. 3. art. 1. 2. 9. 12. & 14. art. 1. 2. & 6. qu. 16. art. 1. 2. 3. 4. 5. & 6. de Virtutibus q. 1. art. 1. 17. 18. & 19. de Veritate q. 8. art. 15. qu. 28. art. 2.

Caput quintum citatur 1. parte q. 4  
Biblioth. Theol. Tom. VI.

art. 3. q. 15. art. 3. qu. 44. art. 3. qu. 57. art. 1. q. 91. art. 1. In Prima Secundæ q. 2. art. 5. q. 79. art. 2. In 3. Parte q. 13. art. 1. In 1. sententiarum distinct. 8. q. 2. art. 3. distinct. 17. q. 2. art. 2. distinct. 24. q. 1. art. 1. disp. 35. qu. 1. art. 1. distinct. 36. qu. 2. art. 3. distinct. 46. q. 1. art. 2. In quest. disput. de Potentia Dei q. 7. art. 1. de Malo q. 16. art. 9. de Virtutibus q. 1. art. 8. de Veritate q. 8. art. 8. q. 20. art. 5.

Caput sextum citatur Prima parte q. 18. art. 1. In quest. disputatis de Malo q. 16. art. 4.

Caput septimum citatur Prima par. q. 14. art. 10. q. 55. art. 2. q. 16. art. 3. q. 58. artic. 3. 4. & 5. q. 75. art. 7. In Prima Secundæ q. 112. art. 1. In Secunda Secundæ q. 1. art. 1. q. 8. art. 1. q. 180. art. 3. q. 188. art. 7. In Primum sentent. distinct. 2. q. 1. art. 2. distinct. 4. q. 2. art. 1. distinct. 8. q. 2. art. 1. & q. 4. art. 3. distinct. 19. q. 2. artic. 1. distinct. 38. q. 1. art. 3. In questionibus disputatis de Potentia Dei qu. 6. art. 6. de Malo q. 16. art. 1. de Virtutibus qu. 1. art. 2. & qu. 2. art. 3. de Veritate q. 8. art. 8. & 15.

Caput octavum citatur Prima Parte q. 21. art. 1. q. 56. art. 3. In 2. 2. qu. 175. art. 1. in questionibus disput. de Veritate q. 8. art. 9.

Caput nonum citatur Prima Parte q. 3. art. 1. q. 4. art. 3. q. 21. art. 1. q. 42. art. 1. q. 56. art. 3. In Primum sent. distinct. 3. q. 2. art. 2. distinct. 19. q. 1. art. 2. In questionibus disputatis de Potentia Dei q. 7. art. 7. de Malo q. 3. artic. 1.

Caput decimum citatur Prima Parte q. 9. art. 2. In Primum sent. distinct. 19. q. 2. art. 1.

Caput undecimum citatur Prima Parte q. 44. art. 2. q. 84. art. 5. In 2. 2. q. 29. art. 1. & 2.

Caput duodecimum citatur Prima Parte q. 13. art. 8. q. 108. art. 1. In 2. 2. q. 29. art. 2. In quest. disput. de Potentia Dei q. 9. art. 7.

Caput decimum tertium citatur Pri-  
B ma

## 10 Bibliothecæ Theologicæ Lib. V.

ma Parte q. 1. art. 1. In Primum sent. distinct. 2. q. 1. art. 1. & 3. In quæst. disputatis de Potentia Dei q. 7. art. 5. q. 9. art. 7.

### *Ex Mystica Theologia.*

**C** Apud primum citatur, 1. parte qu. 12. art. 13. qu. 13. art. 6. In 4. parte qu. 92. artic. 1. In 2. sentent. distinct. 9. q. 1. artic. 2. In quæst. disp. de potentia Dei q. 7. artic. 5. quæst. 9. artic. 7. de virtut. q. 1. art. 8.

Epistola ad Caium citatur 3. parte q. 92. artic. 1.

Epistola ad Dorothæum 3. parte qu. 92. artic. 1.

Epistola ad Polycarpum in 2. sentent. distinct. 13. q. 1. artic. 4.

Epistola ad Demophilum in 4. sentent. 19. q. 2. artic. 2.

Ex quibus omnibus faciliè constat Sanctum Dionysium accuratè cunctas totius Scholasticæ Theologiæ partes tradidisse; à quo totam ferè doctrinam suam veluti è purissimo, & limpidissimo fonte Angelicus Doctor hausit.

Imo si illa, quæ maximo Theologorum detrimento interciderunt, opera Dionysij extitissent, nullus præter eum in scholis author fuisset prælegendus, aut explicandus, ut scitè annoravit Balthasar Corderius Societatis Iesu cap. 3. Theologiæ mysticæ. Nam in Theologicis informationibus, quas hipotiposes appellat, luculenter, & amplè divinam naturam cum omnibus attributis essentialibus explicuit, & quidquid Scholastici fustissimis commentarijs de Deo Uno, & Trino, & diuinis processionibus, & personarum inter se oppositionibus, distinctionibusq; earum in se inuicem circuminceptione operosè disputant: quibus si ea, quæ de diuinis nominibus, cælestique Hierarchia, hoc est de Angelis, eorumque proprietatibus scripsit, adiungantur, prima D. Thomæ pars luculentissimè à Dionysio ante descripta numerisque omnibus absoluta habe-

haberetur. Prima verò secundæ, vbi potissimum de actibus humanis, & eorumdem bonitate, ac malitia, viijsq; & peccatis agitur, magnum habet fundamentum in cap. 4. de diuinis nominibus, vbi fustissimè Dionysius disputat de natura vanitatis, & malitiæ, cui tamen materiæ maiorem sine dubio lucem allaturi fuissent libri de anima, & de intellectualibus, & sensibilibus, qui temporum iniurijs interciderunt. Secunda quoque secundæ, vbi de iure, & iustitia disputatur, aliquod saltem habet fundamentum in cap. 8. de diuinis nominibus, vbi agit de iustitia, maius tanè subsidium acceptura ex libro Dionysij, de iusto diuinoque iudicio, nisi similiter maximo Ecclesiæ damno periisset.

Tertia denique pars, vbi agit de diuini Verbi incarnatione, similiter tota, ut testatur Dionysius cap. 3. mysticæ Theologiæ, fuit ab ipso accuratè pertractata in libro Theologicarum informationum, seu institutionum, in quo ait se scripsisse, *quomodo Iesus, qui erat supra substantiam, humana natura veritatem, substantiamque suscepit*. Tractatus autem de Sacramentis, quæ accuratissimè, distinctissimèque in Ecclesiastica Hierarchia videtur expositus.

### C A P V T I I I.

*De Methodo à Sancto Augustino observata in ordinanda Sacra Doctrina.*

**E** Tiam si omnia D. Augustini opera fuerint sine vilo ordine concripta, sed rariùm vbi, & quando opportuna se se offerebat occasio, vel fideles instruendi, vel hæreticos alioquin infideles confutandi; non deest tamen in illis methodus, qua Sacra doctrina debitè ordinari, singulæque eius materiæ ad certa, & præcipuè capita reuocari possint: desumiturque ex libris quatuor de doctrina Christia-

na, qui in tertio operum eius tomo reperiuntur.

Ibi igitur præclarissimum Ecclesiæ lumen, primum aduertit duas esse res, quibus nititur omnis tractatio scripturarum, scilicet modum inueniendi, quæ intelligenda sunt, & modum proferendi, quæ inuenta sunt; de inueniendo, quod potissimum spectat ad præsens institutum, differit in tribus primis libris, de proferendo autem, in quarto, & ultimo. Quoad primum, cum ex ipso omnis doctrina vel rerum sit, vel signorum, ita tamen, ut res per signa discantur, hinc etiam sacram doctrinam per illa duo disponit. Propriè res appellat, quæ non ad significandum aliquid adhibentur, sicuti est lignum, lapis, pecus, atque huiusmodi cætera. Sed non illud lignum quod in aquas amaras Moysen proiecit legimus, ut amaritudine carerent, Exodi 15. neque ille lapis, quem Iacob sibi ad caput posuerat Genes. 39. neque illud pecus, quod pro filio immolauit Abraham Genesios 28. Hæ namque ita sunt, ut aliarum etiam signa sint rerum. Sunt autem signa, quorum omnis vltus in significando est, sicuti sunt verba. Nemo enim vititur verbis, nisi aliquid significandi gratia. Ex quo intelligitur, quid Augustinus appellet signa, res eas videlicet, quæ ad significandum aliquid adhibentur. Quamobrem omne signum etiam res aliqua est. Quod enim nulla res est, omnino nihil est. Non autem omnis res etiam signum est. Et idcirco in hac diuisione rerum, atque signorum, cum de rebus loquitur, ita loquitur, ut etiam si earum aliqua adhiberi ad significandum possunt, non impediunt partitionem, qua prius de rebus, postea de signis differendum proposuit, considerando solum in rebus quod sunt, non quod aliud etiam præter seipsas significant.

Rerum autem aliæ sunt, quibus fruendum est, aliæ quibus vtendum, aliæ quæ fruuntur, & vtuntur. Illæ

*Biblioth. Theol. Tom. VI.*

quibus fruendum est, beatos nos faciunt; isti quibus vtendum est tendentes ad beatitudinem adiuuamus, & quasi adminiculamus, ut ad illas quæ nos beatos efficiunt peruenire, atque his inherere possimus. Nos verò, qui fruimur, & vtimur, inter vtræque constituti, si eis quibus vtendum est frui voluerimus, impeditur cursus noster, & aliquando deflectitur, ut ab his rebus, quibus fruendum est obtinendis, vel retardemur, vel etiam reuocemur, inferiorum amore præpediti. Frui enim est amore alicui rei inherere propter seipsam. Vti autem, quod in vsum venerit, ad id, quod amas obtinendum referre, si tamen amandum est. Nam vsus illicitus, abusus potius, vel abusus nominandus est.

Vt de præfatis rebus agit D. Augustinus nihil in eis aliud attendens, nisi quod sunt, non etiã si quid aliud præter se significant, ita vicissim de signis scribit, non considerans in eis quod sunt, sed potius quod signa sunt, id est quod significant. Signum enim est res, quæ præter speciem quam ingerit sensibus, aliud aliquid ex se facit in cogitationem venire. Cum autem signum ita in genere sumptum ad multa se extendat, differit solum Augustinus de illis quantum ad homines attinet, siue quibus inter se homines sua sensa communicant, qualia sunt potissimum verba; quæ quia verberato aere statim transeunt, nec diutius manent quam sonant, instituta sunt per litteras signa verborum, atque ita voces oculis ostenduntur non per seipsas, sed per signa quædam sua. Indè lib. secundo, & tertio agit de Sacra doctrina, siue de diuinis scripturis, quantum ad diuersas affectiones, quas habent earum, voces in significando clarè, vel obscurè, propriè, vel impropiè, siue metaphorice.

Ex eodem Augustino alia partitione diuidi potest Sacra doctrina per ordinem ad credenda, speranda, & amanda. Tria enim hæc sunt, inquit lib. 1.

B 2 de

de doctr. Christ. in fine, quibus & scientia omnis, & prophetia militat, fides, spes, & charitas.

## CAPVT IV.

*De Methodo quam S. Ioannes Damascenus in colligenda, & tradenda Sacra Doctrina tenuit.*

**S**ANCTUS Ioannes Damascenus natione; cognomento autem Chryso-  
stomas, & Maniur, qui sub Imp. Leone III. imaginum hoste floruit circa annum Domini 740. primum scripsit Paralellorum libros tres: quibus methodicè in vnum collegit, quicquid vel ad mores accommodatè, & sententiose, vel ad mouendum appositè ad omnem causam, & argumentum, tam à veteri, quàm à nouo Sacrorum oraculorum instrumento sparsim dictū reperiebatur, atque etiam à Sanctis, & diuinitus instinctis Patribus eius prædecessoribus: ita vt liber primus complecteretur ea, quæ ad res diuinas, ac fidem pertinebant; Secundus esset de rerum humanarum coagmentatione, ac statu; Tertius autem de virtutibus, ac vitijs. Quam tamen methodum postea mutauit, & vt lectores ea quæ quærent, facilius inuenirent, singula capita non amplius doctrinali rerum, sed alphabetico litterarum ordine disposuit, iuxta litteram à qua incipiebant. Qua quidem in re, quantum Græcis consuluit Damascenus, tantum interpretationi latinæ incommodi attulisse videtur. Nam cum in ea series illa alphabetica obseruari nequeat (si quidem quæ apud Græcos ab vna littera incipiunt, ab altera in Latina translatione initium ducunt) hinc fit, vt & prioris ordinis commoditate careat, nec posterioris facilitatem consequatur.

Insuper idem Damascenus scripsit orthodoxæ fidei libros quatuor, quibus temporis rationem secutus, tam ex diuinis scripturis, quàm ex præce-

denrium Patrum operibus sacram doctrinam ordinauit.

In primo enim agit de Deo Vno, & Trino, quem, inquit, diuinus ille David his verbis alloquitur Psal. 68. *A saculo, & usque in saculum tu es*: in cæteris vero tractat de his, quæ Deus fecit in sæculo, vel tempore; videlicet in secundo libro differit de rebus omnibus creatis, secundum quod sunt effectus Dei integrantes hoc vniuersum, vnde solum considerat in eis principalia genera, ex quibus vniuersum coalescit, qualia sunt spirituale, corporale, & ex his mixtum. Sub primo genere continetur natura Angelica, sub secundo omnia quæ processerunt à Deo in opere sex dierum, sub tertio natura humana. Deinde in tertio libro agit de Diuina Incarnatione, cum enim in superioris libri calce declarasset multiplicem morbum humani generis in quem incidit ex seductione demonis, & præuicatione primorum parentum; hoc sequenti libro salutarem exprimit medicinam, exhibitam à Deo tam pernicioso, & latè serpenti morbo, per Incarnationis mysterium, passionis Christi acerbitatem. In quarto demum libro primum habetur sermo de ijs, quæ Christi resurrectionem secuta sunt; postea de rebus ad fidem nostram pertinentibus, & in Sacra Scriptura contentis; tum de consummatione sæculi, mortuorumque resurrectione totum opus claudente.

Quod autem Damascenus lib. 4. de fide orthodoxa in fine, vocat ignem Inferni nõ materialem, qualis est apud nos, sed qualem nouit Deus, etsi Durandus in 4. sentent. liberè pronunciet, eum in hac parte malè sentientem errasse: Diuus tamen Thomas eius mentem benignè interpretatur, vt Damascenus intellexerit ignem inferni non esse materialem perinde ac nostrum, qui ab illo igne proprietatibus aliquot discernitur: vel cum non negasse inferni ignem materialem esse, quoad substantiam, sed quoad punitionis effectum:

secundum : punit enim spiritali quadam actione corpora, quæ nec dissoluit, nec consumit, & ipsas animas multò magis spiritaliter cruciat.

Quod item lib. 4. de fide cap. 10. dicitur : *Ὁ ἴδιος βαπτισματι ὁ Θεὸς λαμβάνεται* : id est, *Oleum Baptismi succedit.* Oecolampadius autem vertit, *Oleum in Baptismo assumitur* ; minimè admitendum est. In Codice enim Græco, non est, *in Baptismo* ; & verbum Græcum *ὁ Θεὸς λαμβάνεται* propriè dicitur de eo, quod assumitur vt alteri succedat, quemadmodum Sacramentum Confirmationis, cuius materia est oleum, Sacramento Baptismi succedit.

Damascenus quoque, vt rectè notant Bessarion, & Gennadius, non negavit Spiritum Sanctum procedere ex filio, quod ad rem pertinet, quando dixit Spiritum Sanctum esse imaginem filij, & per filium esse ; sed existimavit, tutius dici per filium, quam à filio, quod atinet ad modum loquendi, propter hæresim Macedonij, & Eunomij, qui ex filio, tanquam ex primaria, imò etiam sola causa processisse dicebant Spiritum Sanctum. Deinde libros suos de fide ante Concilij septimi tempus scripsit, in quo Concilio symbolum legitur cum hac additione, *filioque*, quam etiam expressisset, planiusq; de processione Spiritus Sancti à Patre, & Filio scripsisset, si eo tempore vixisset.

Cum audiisset, ac credidisset Traiani Imperatoris animam Gregorij Magni precibus ex inferno liberatam fuisse, id quidem bona fide Vit Sanctus retulit in oratione de fidelibus defunctis, indeque acceptum Græci in suum Euchologium transtulerunt, ubi sic habetur : *Quemadmodum Traianum per intercessionem domini tui Gregorij Dialogi intercessionem flagro solvisti, exaudi etiam nos te orantes, non pro idolorum cultore, sed pro fidei sermo tuo, qui te propter imbecillitatem ad iracundiam provocavit.* Ac commentum falsissimum fuit, quod putabatur esse hystoria ; præsertim si

per liberationem ab inferno, intelligatur non purgatorium, sed verus infernus, qui damnatorum est locus subterraneus, in quo demones, hominesque impij, æternum cruciantur. De quo vide D. Thomam in 1. sentent. dist. 43. quæst. 2. & in 4. distin. 43. quæst. 2.

# G A P V T V.

*De Methodo, quam in distinguendis Sacra doctrina materij, Petrus Lombardus adhibuit.*

Quod Sanctus Ioannes Damascenus inter Græcos, idem præstuit inter Latinos circa annum Dñi 1160. sub Alexandro III. Summo Pontifice, Reuerendiss. Episcopus Parisien. Petrus Lombardus, vulgò dictus Magister per excellentiam ; hic enim primus accuratiori methodo, seu collectione principia fidei, simul & conclusiones, additis probationibus, & solutis in contrarium obiectionibus, in vnũ corpus redegit, continens ipsam originem totius Scholasticæ Theologiæ, quæ ex limpidis Sanctorum Patrum fontibus derivata est ad nos ; indeque textus Magistri summam sibi in scholis auctoritatem vendicauit, adeo vt ab illo tempore, quo editus fuit, caperet publicè legi, & varijs doctissimorum virorum commentarijs illustrari.

Sacram ergò doctrinam quatuor sententiarum libris explicandam, diuidit Magister imitatus Augustinum, in eam quæ verum est, & eam quæ signorum. Res illas appellat, quæ ita existunt, & à natura sunt institutæ, vt ad aliquid significandum non adhibeantur ; signa verò quorum vsus est in significando ; differt tamen hæc partitio ab Augustiniana, quod Augustinus per signa intelligit verba, & voces quibus in diuinis scripturis Sacra exprimitur doctrina, Magister autem intelligit Sacramenta veteris, & noui testamenti ; in quibus explicandis versatur quartus liber

ber sententiarum vsque ad tractatum de resurrectione. In rebus verò tres libri priores, & extrema pars quarti consumuntur. Quia autem iuxta eiusdem S. Augustini diuisionem, quam tradit lib. 1. de doctrina christiana cap. 3. rerum alia sunt, quibus est fruendū vt Deus; alia, quibus vtendum, vt mundus; & alia, quæ fruuntur, & vtuntur vt homo, & Angelus. Hinc primo libro Magister agit de ea re, qua fruendum est, nimirum de Deo Vno, & Trino; initio secundi de rebus, quibus vtendum est, scilicet de creaturis non intellectualibus, tū de creatura intellectuali Angelica, & humana, quæ sola propriè loquendo potest vti, & frui rebus, postremò de libero arbitrio, gratia, virtutibus, & vitijs, per quæ homo benè, vel malè vitur, aut fruatur rebus. Tercio demum libro tractat de mysterio redemptionis humanæ, per quam sublato peccato, quod nihil aliud est, quàm malus, ac peruersus rerum vsus, peruersæ fruitio, in eum homo restitutus est statum, in quo voluntate correctæ, possit illis, quomodo oportet, vti & frui.

Primus itaque sententiarum liber quadraginta, & octo distinctionibus agit de Deo Vno, & Trino, in se, rebusque ad illum pertinentibus. Secundus quadraginta quatuor distinctionibus contemplatur Deum, mundum, ab æterno determinatum, in tempore creantem, ac producentem. Tertius quadraginta distinctionibus considerat Deum in plenitudine temporum incarnatum, redimentem homines à peccati captiuitate, & ad Deum illas reducentem. Quartus denique quinquaginta distinctionibus differit de Sacramentis, quibus tanquam supernaturalibus instrumentis virtus passionis Christi nobis applicatur, & de vltimo termino ad quem per illam peruenimus, gloria scilicet resurrectionis, & immortalitatis. Quorum omnium cōpendiosam hic summam subijceremus, nisi textus ipse Magistri omnibus vbi-

que obuius esset, vnde aliqua tantum notabimus, quæ in eo vel cautè legi, vel benignè explicari debent, vt inoffenso pede decurratur.

*In primo Libro.*

**P**rimò, quod charitas, qua diligimus Deum, & proximum est Spiritus Sanctus, siue quod charitas, quæ est amor Dei, & proximi, non est aliquid creatum, dist. 17. cap. 2. Quamuis enim loquendo in sensu causali sit verum, quod gratia, & charitas sit idem ac Spiritus Sanctus à quo diffunditur in cordibus nostris; tamen loquendo in sensu formali, charitas est aliquid creatum realiter à Spiritu Sancto distinctum, tanquam effectus à sua causa. Vnde si Magister in hoc sensu loco citato loquatur, meritò eius opinio rejicitur in scholis.

Sunt qui inter opiniones Magistri improbables adnumerant, quod asserat distinct. 21. & 24. simile, & æquale, nominaque numeralia Trinus, & Trinitas dici de Deo priuatiuè solum. Verum cum eiusmodi propositiones facile ad bonum sensum reduci possint, si quidem, prout eiusmodi nomina diuersimodè sumi possunt, dicuntur de Deo vel positiuè, vel priuatiuè, non est cur in eo Magister reprehendi debeat.

Similiter configunt aliqui Magistrum, quod distinct. 44. doceat Deum semper posse quicquid alquando potuit, sicut omnia semper scit, quæ aliquando sciuit, & semper vult, quæ semel voluit: sed hæc etiam doctrina, potest ad legitimum sensum reuocari; intelligendo enim quod Deus semper potest quicquid alquando potuit, attempta eius potentia, siue ex parte potentia, vera est propositio, falsa autem si sumatur obiectiue, siue ex parte obiecti, vt Magistrum explicat S. Thomas ibidem quest. 1. art. 4. cuius titulus est, *Vtrum Deus possit facere omne quod olim posuit.*

*In secundo Libro.*

**H**abetur distinct. 5. cap. *hic quæritur* selet: quod Angeli non meruerunt beatitudinem per gratiam sibi datam: sed quod præmium præcessit meritum. Licet enim loquendo de præmio essentiali, possit in Angelis tale præmium præcedere meritum, quod vocant accidentale, atramen si sermo sit de illo per ordinem ad præmium essentiali, non potest tale præmium antecedere tale meritum, quandoquidem beatitudo essentialis habet rationē termini, meritum autem rationem viæ. Vnde in hoc sensu reijci debet opinio Magistrī.

Secundò, quod Angeli in merito respectu præmij essentialis, atque adeò in ipso præmio proficiunt, vsque ad iudicium finale, distinct. 11. cap. *præterea illud*.

Tertiò, quod in veritatem naturæ humanæ nihil transit extrinsecum, sed quod ab Adam descendit per seminalem propagationem, augmentum & multiplicatum resurget in iudicio, dist. 30. cap. ultimo.

*In tertio libro.*

**D**ocetur, quod anima à corpore separata sit persona, sicut Angelus distinct. 5. cap. *sic à quibusdam opponitur*. Vbi vide D. Thomam q. 3. art. 2. cuius titulus est, *Vtrum anima separata sit persona*.

Item distinct. 21. cap. ultimo, quod Christus cōuenienter dicitur mortuus, & non mortuus, passus, & non passus. De quo vide S. Thomam ibidem qu. 1. art. 3. ad 4.

Præterea, quod Christus in triduo mortis, quo iacuit in Sepulchro potuerit dici homo dist. 22. cap. 1. de quo etiam consule D. Thomam quæst. 1. artic. 4. vbi in terminis excitat hanc difficultatem, & reijcit opinionem Magistrī saltem quoad modum loquendi.

*In quarto libro.*

**P**rimò habetur, quod Sacramenta legalia non iustificabant, etiam si cum fide, & deuotione fierent distinct. 1. de quo vide ibidem S. Thomam qu. 1. artic. 5. quæstiuncula 2.

Secundò, quod homo sine medio videbat Deum ante peccatum, eadem distinctione prima, cap. *triplici autem de causa*.

Tertiò, quod circumcisio non conferebat gratiam ad benè operandum, nec virtutes: sed solum ad peccata dimittenda valebat; de quo consule D. Thomam eadem distinct. 1. quæst. 3. art. 4. quæstiunc. 3.

Quartò, quod paruuli in lege veteri ante octauum diem morientes in circumcisi peribant, & quod ingruente mortis necessitate poterant ante circumcisi, eadem distinct. 1. cap. *si vero*; vbi vide D. Thomam quæst. 2. artic. 6. quæstiunc. 2. qui explicat quomodo sola parentum fides valeret paruulis ad remissionem peccati originalis.

Quintò, quod aliqua nouæ legis Sacramenta instituta sunt in remedium tantum, vt matrimonium, distinct. 2. cap. 1. de quo lege D. Thomam ibid. quæst. 1. art. 1. quæstiunc. 2. vbi explicat quomodo in lege noua, & sub statu gratiæ matrimonium illam confert, vt vnusquisque iuxta illud Apostoli 1. ad Thessalonic. cap. 4. possideat vas suum in honorem, & non in contumeliam.

Sextò, quod baptizati baptismo Ioannis, non ponentes spem in illo, sed eam vltreius ad Christum referentes, non erant baptizandi baptismo Christi; distinct. 2. cap. ult. de quo vide S. Thomam ibid. quæst. 2. artic. 4. vbi inquirir, vtrum baptizati Ioannis baptismo, iterum baptizari debuerint, & tenet partem affirmatiuam ex D. Augustino homil. 5. super Ioannem.

Septimò, quod Sacerdotes excommunicati, vel de heresi manifestè notati

tati non habeant potestatem consecrandi corpus Christi, distinct. 13. c. 1. vbi consule D. Thomam quæst. 1. art. 1. quæstiunc. 3. & 3. parte quæst. 82. artic. 7.

Octauo, quod à brutis animalibus corpus Christi non sumatur, et si videatur sumi, distinct. 13. cap. penult. de quo vide S. Thomam in expositione textus.

Nono, quod scientia discernendi, vt notat habitum scientiæ sit clauis, distinct. 19. cap. 1. vbi lege D. Thomam quæst. 1. art. 1. quæstiunc. 3. ad 2.

Decimo, quod Episcopi Symoniaci degradati non possunt conferre ordines distinct. 25. cap. de Symon. vbi vide D. Thomam quæst. 1. art. 2. Virum hæretici, & ab Ecclesia præscissi possint ordines conferre.

Vndecimo, quod secundus maritus alicuius mulieris non cognita carnaliter à primo sit bigamus per cognitionem illius, atque adeo prohiberi debeat ab ordinibus, distinct. 27. cap. ult. De quo ibidem consule D. Thomam quæst. 3. art. 1. quæstiunc. 1. ad 3. & in expositione textus, vbi notat S. Doctor per decretum Innocentij abrogatum fuisse, quod solus consensus per verba de præsentis sufficiat ad irregularitatem inducendam.

Duodecimo, quod cognoscens carnaliter sororem vxoris sue non tenetur vxori petenti debitum reddere dist. 34. cap. de his: vbi vide S. Thomam qu. 1. art. 5. qui docet, virum quidem amittere ius petendi debitum, sed tamen reddere debere vxori petenti, quia non debet puniri de peccato viri.

Decimo tertio, quod ille qui vxore viuentem duxit aliam in regione longinqua, quique rediens ad conscientiam vult eam dimittere, & non potest, si cogitur ab Ecclesia remanere, & debitum reddere, quia sibi non creditur; dicit Magister, quod incipit excusari per obedientiam, & timorem, & tenetur reddere debitum si petatur distinct. 38. cap. ultimo, de quo vide

D. Thom. ibid. quæst. 2. art. 4.

Decimo quarto, quod peccata deleta non pateant alijs in iudicio; distinct. 44. cap. hic quæritur vtrum electis, &c.

## CAPVT VI.

*De Methodo Ioannis Sapientis. cognomento Cyparissioti.*

**E**odem ferè tempore, quo Petrus Lombardus duodecimo videlicet seculo, floruit etiam ex Græcis insignis Theologus Ioannes Sapiens, cognomento Cyparissiotus; qui summam Theologicam de his, quæ à priscis potissimum Patribus, ac Theologis Græcis dicuntur de Deo, scripsit; quam Franciscus Turrianus Societatis Iesu in Latinum vertit, ac scholijs, & annotationibus illustrauit, anno 1581. Romæ ex Typographia Dominici Basæ, in 4.

Operis inscriptio est: *Ἐκθεσις τῶν στοιχείων τῆς Θεολογίας*: Latine, *expositio materiaria, sive elementaris eorum, quæ de Deo à Theologis dicuntur*; cuius mox rationem. Diuisio autem in decem Decades, vt agat.

- I. Decas de Theologia Symbolica.
- II. De Theologia demonstratiua.
- III. De Diuinis emanationibus.
- IV. De informatione Diuini Nominis.
- V. De proprietatibus diuinorum nominum.
- VI. De apparitionibus diuini luminis.
- VII. De diuina participatione.
- VIII. De infinitate Dei in creaturis.

IX. De infinitate in Deo.

X. De diuina simplicitate.

At quia totum opus in præfatas decades ita generaliter distribuitur, vt insuper vnaquæque componatur ex partibus suo ordine, quæ sunt *στοιχεῖα*, id est, *elementa*, & materia ipsius decadis, sicut litteræ syllabarum, idcirco rectè

hæc



hæc methodus vocatur *expositio* *κατὰ τὴν ἁπλότητα*, id est *elementaria*, vel etiam *materiaria*. Capite enim quatto de diuinis nominibus, vbi D. Dionysius *ἀρχὴν συλλογῆς* dicit, ibi vertit interpres vetus, *principium elementarium*, quod S. Thomas interpretatus est *materiale*. Nolu ita hie author inscribere librum, *De expositione diuinorum nominum*, forsan ob suam erga Diuinum Dionysium reuerentiam, qui librum suum de diuinis nominibus inscripsit; cum alioqui vniuersum hoc opus in decades artificiosè distinctum, in materia diuinis nominibus, quibus Theologi vsi sunt, subiecta versetur.

Quod pertinet iam ad huius operis vsum, multiplicem ex eo commoditatem percipere possunt Theologi.

Primò quidem ad eam omnem Sacre doctrinæ partem intelligendam, vbi de Deo, & Dei nominibus, præsertim ex Dionysij libris disputatur, si tamen coniungantur ea, quæ Turrianus ex scholijs S. Maximi, Georgij Pachimeri, & S. Thomæ adiecit.

Secundo cum author plures in hoc libro inseruerit authoritates Patrum, eorum, qui cum doctrina Dionysij Apostolici discipuli conspirarunt, Iustini Martyris, Athanasij, Gregorij Nazianzeni, Basilij, Gregorij Nysseni, Epiphaniij, Chrysostomi, Cyrilli Alexandrini, & alterius Cyrilli Hierosolymitani, Germani Constantinopolitani, Sophronij Hierosolymirani, & aliorum, facillè intelligi potest, quantæ sit eius utilitas, ad Apostolicam ipsam reuelatarum à Deo rerum traditionem cognoscendam, quam D. Dionysius in argumento diuinorum nominum sibi proposuit.

Tertiò conducit ad sciendum, quomodo tunc antiqui Theologi, & Patres Ecclesiæ de istis, quæ deinceps à Theologis Scholasticis subtilius disputata sunt, sentiebant; & quibus verbis, ac verborum formis in eis utebantur: cui toti rei (quod ad præsentem authorē pertinet) magnam asserre possunt lu-

*Biblioth. Theol. Tom. VI.*

cem, quæ Franciscus Turrianus in suis ad eum Scholijs adnotauit.

## CAPVT VII.

*De Methodo seruata ab Angelico Doctore D. Thomæ in disponenda Sacra Doctrina, tribus Summa Theologica partibus.*

**I**Nter omnes Ecclesiæ Doctores, in ordinanda Sacra Doctrina, Diuum Thomam excelluisse, atque adeò iure meritis sibi Doctoris Angelici nomen, ac titulum comparasse, nemini dubium esse potest, qui Summā Theologicam ab eo, circa annum Domini 1260. sub Alexandro IV. vulgatam, attentius perlegerit. Vnde Sacrosancta Romana Ecclesia, Magistra fidei, & veritatis, ad quam, velut vniuersalem eius regulam, pertinet approbatio doctrinarum, iam dudum Aequiuatem non solum quo ad insignem Sanctitatem, verum etiam quoad doctrinam salubrem, toti terrarum orbi speciali laude dignum haberi voluit: cuius rei multa possent hic adduci argumenta, sed quia iam plures doctores illa protulere, ne actum agatur, sufficere illos indicare.

Primus est Venerabilis Pater Aegidius Columna Ordinis Eremitarum S. Augustini primùm Generalis Magister, & postea Archiepiscopus Bituricensis, S. Thomæ discipulus; qui attentæ doctrinæ ipsius dignitate, & excellentia, conscripsit defensorium, seu correctorium corruptorij librorū eiusdem S. Doctoris, cui aduersus malignas detrahentium linguas appositus tribuit illud Iobi 6. *Quare detraxistis sermonibus veritatis, cum è vobis nullus sit, qui possit arguere me, ad increpandum tantum eloquia concinnatis, & in ventum verba proferitis.*

Circa annum Domini 1500. Syluester Prieras, natione Pedemontanus, Ordinis Prædicatorum, Magister

C

Sacri

Sacri Palatii, ac postea Prior Generalis, edidit etiam defensorium D. Thomæ, & constat ex operibus eius, quatuor voluminibus comprehensum.

Fr. Seraphinus Caponi à Porrecta, eiusdem Ordinis, Sacræque Theologiæ Magister, tomo primo elucidationum formalium Summæ D. Thomæ, in principio, septem probationes adducit in commendationem doctrinæ ipsius. Prima delimitur ex Bulla Canonizationis edita à Summo Pontifice Ioanne XXII. Secunda ex Bulla Urbani V. ad Archiepiscopum Tholosanum, cuius in fine habentur hæc verba: *Volumus insuper, & tenore presentium vobis iniungimus, ut dicti Beati Thomæ doctrinam, tanquam veridicam, & Catholicam, seculis vestris: tamquam iudeis totis viribus ampliare*. Tertia deducitur ex Conciliorum approbatione; quarta ex præconijs, quibus Vniuersitates Catholicæ, præsertim Parisiensis, D. Thomæ doctrinam extulerunt; quinta ex dicto Christi, *Bene scripsisti de me Thomas*: sexta ex testimonio perhibito à Beata Virgine Maria, Sanctisque Apostolis Petro, & Paulo; septima ex Bulla Pij V. qua refertur D. Thomas inter Ecclesiæ Doctores.

Collegium nostrum Complutense, S. Cyprii Fratrum Discalceatorum Ordinis Beatæ Mariæ de Monte Carmelo cursui philosophico ab ipsis edito, præmittit quatuor illustria doctrinæ Diui Thomæ elogia. Primum continet laudem, approbationemque diuinam, nec non testimonium B. Virginis Mariæ, & SS. Apostolorum Petri, & Pauli, & D. Augustini. Secundum coalescit ex Summorum Pontificum testimonijs, & Conciliorum acclamationibus. Tertium ex Religionum Constitutionibus, & Vniuersitatū approbationibus. Quartum denique complectitur aliquot illustrium virorum testimonia.

Similiter in principio cursus Theologici Collegij Salmanticensis eiusdem Ordinis Fratrum Carmelitarum Discalceatorum, habetur pro Doctore

Angelici doctrinæ commendatione, ad eiusque amorem, & venerationem oratio exhortatoria: in qua quindecim paragraphis nobilitas doctrinæ Diui Thomæ colligitur, ab illustrissima eius prosapia, à gratia, & Sanctitate, ab ingenij præstantia, à veritatis splendore, ab inconcussa firmitate, ab antiquitate, antiquitatisque veneratione, ab eius pulchra varietate, & copia, ab eius indeficienti vnitatem, & admirabili claritate, à styli, & methodi venustate, ab insigni, & vniuersali approbatione, Academicarum, Religionum, Summorum Pontificum, Conciliorum, ac Cæli tandem.

Reuerendus etiam P. Fr. Magister Dominicus Grauius inclyti Prædicatorum Ordinis, libro quarto Catholicarum præscriptionum articulo 10. & sequentibus, explicando quantam auctoritatem in Ecclesia Dei sibi vendiceret doctrina Diui Thomæ, sequentes ponit conclusiones.

I. Quod Sancti Thomæ doctrinæ, magnam in Ecclesia obtineat auctoritatem, vnde merito Angelicus Doctor, & diuinæ voluntatis interpret est appellatus.

II. Calumniam Lutheri esse, quod Schola S. Thomæ, doctrinam eiusdem parem fecerit cum articulis fidei, vel, ut dixit quidam Anonymus, quod sit ab eadem Scriptoris Canonici æquiparata.

III. Quod Sanctus Thomas non sine conatu, vel conamine humano, sua ediderit scripta, quamuis donis gratiarum, quas dicunt gratis datas, secundum mensuram spiritus fuerit insigniter decoratus.

IV. Quod nunquam à Schola Diui Thomæ, suo doctori tantum est attributum, ut cæteros Scholasticos, maxime Academicarum duces, ac principes sua auctoritate spoliauerit.

V. Quod Sanctus Thomas author fuerit totius primæ secundæ, & secundæ secundæ suæ summæ Theologicæ, non autem Fr. Vincentius Belluacensis,

lis, vt ineptè opiuari sunt aliqui, pro-  
niores ad detractionem, & reprehensionem,  
quam ad imitationem.

VI. Septem profert regulas ad dignoscendum, quibus Commentatoribus ad-  
hærere debeat studiosus doctrinæ Thomisticæ, pro vera interpretatione, & intelligentia illius assequenda.

VII. Ostendit sapienter, & prudenter Academiam Salmantinam iurasse in verba SS. Augustini, & Thomæ.

Nouissimè Ioannes à S.Thoma eiusdem Sacri Prædicatorû Ordinis Theologiæ Magister tomo primo in primam partem tractatu de approbatione, & auctoritate doctrinæ angelicæ D.Thomæ, rectè ostendit eam speciali modo fuisse ab Ecclesia approbatam; primò ex acceptione traditionis illius historiæ, quæ testatur Crucifixum suo diuino ore scripta D. Thomæ commendasse, semel Parisijs in aliqua determinata materia circa Eucharistiam, & iterum Neapoli, indefinitè, & generaliter dicendo: *Bene scripsisti de me Thomas*. Secundò, ex oratione, quâ vniuersalis Ecclesia vitur in eius festiuitate, petendo à Deo sibi dari intelligentiam eorum, quæ ipse docuit. Quam autem solidum, & efficax argumentum de Ecclesiæ sensu, seu sententia ex eius orationibus deducatur, docet D. Augustinus epist. 95. 107. & libro de bono persecueranti cap. 23. alijsque pluribus locis. Terriò ex testimonijs Sedis Apostolicæ D. Thomæ doctrinam approbantibus. Quartò ex honoribus, & laudibus, quibus Sacrum Concilium Tridentinum eandem doctrinam prosequutus fuit. Hinc præfatus auctor pro certitudine doctrinæ D. Thomæ duas sequentes colligit conclusiones. Prima, quod doctrina S. Thomæ nihil penitus contineat erroneum, vel indefensibile. Secunda, quod præfata approbatio, non solum negatiuè accipienda sit, scilicet, quod nihil in doctrina D. Thomæ sit indefensibile, vel erroneum; sed etiam positiuè, quod habeat conditiones, & requisita, vt

*Riblish Theol. Tom VI.*

omnibus alijs præferatur in certitudine, vel probabilitate. Deindè ostendit, quæ inter cæteros libros summa D. Thomæ locum dignitatis habere debeat, nec eum à Vincencio Belluacensi mutasse primam secundæ, & secundam secundæ, vt asserunt aliqui, sed potius præfatum auctorem speculum suum morale confecisse ex his, quæ D. Thomas posuit in 1. 2. & 2. 2. suæ summæ, eamque vidisse. Tandem, quia etiam ab alijs multæ propositiones obijciuntur D. Thomæ tanquam erroneæ, & indefensibiles, vel saltem dignæ, quæ deferantur, vt minus commodè explicandæ fidei, & Theologiæ, diligenter illas expendit, & soluit. Tantum de præcipuis locis, vnde pro commendatione doctrinæ Thomisticæ studiosi eius ad copiam sibi, & alijs satisfacere possunt; nunc veniamus ad explicandum methodum, quâ in Summa Theologia ordinanda Sanctus Doctor obseruauit.

Post explicatam igitur in prima questione prægiali naturam Sacræ doctrinæ, quæ habet pro obiecto Deum secundum ipsam rationem Deitatis in omni sua amplitudine; exindè iuxta triplicem Dei veluti in causando considerationem, scilicet vt primum principium effectiuum, vt vltimus finis, vel beatitudo finalizans, & vt Saluator reparans, distinguit D. Thomas totam Sacræ Theologiæ summam in tres partes principales. In quarum prima per 119. quæstiones, & 584. articulos, contemplatur Deum secundum se, & deindè vt causam efficientem creaturæ. Tractatus de Deo secundum se complectitur duo principalia; agit enim primò de Deo quoad entitatem, & attributa absoluta siue in essendo, siue in operando, à quæstione secunda vsque ad vigesimam septimam; postea, verò de illo, quoad relatiua, seu Mysterium Trinitatis, à quæstione vigesima septima vsque ad quadagesimam quartam. Tractatus autem de Deo, vt causa efficiens est, continet tria, pri-

C 2

miu

mum ipsam productionem, & causalitatem Dei, tam quoad modum efficiendi per creationem, quam quoad rationem causæ exemplaris, & finalis pro omni creatura generaliter, à quæstione 44. vsque ad 47. *Secundò*, ipso effectus à Deo procedentes, quorum distinctionem, & varietatem sumit vniuersaliter primò penes bonum, & malum, hoc est, perfectum, & imperfectum, seu defectuosum: secundò penes spirituale, vt sunt Angeli, corporale, vt sunt corpora huius vniuersi in opere sex dierum facta, & ex his mixtum, vt est homo. De quibus omnibus tam quoad eorum naturam, vel essentiam, quam quoad proprietates, & passiones, productionemque in esse, agitur à quæst. 47. vsque ad 103. *Tertiò* tandem gubernationem, qua Deus cõseruat creaturas, & agit in illas, siue per se immediatè mouendo, siue median- tibus alijs; cuiusmodi sunt Angeli, per quos illuminat alios, & docet, & corporalia regit; deindè corpora cælestia, quorum diuersis motibus ista inferiora generantur, & corrumpuntur; denique homines, qui tam per animam, quam per corpus possunt in alios agere. Et de tali gubernatione Dei tam mediata, quam immediata, tractatur à quæst. 103. vsque ad 119. quâ prima Summæ Theologicæ pars feliciter absolvitur.

In secunda parte, quæ ob suam prolixitatem diuisa est in duas, quarum vna vocatur, prima secundæ, id est prima pars secundæ partis, & altera secunda secundæ, id est secunda pars secundæ partis; In hac, inquam, parte, cuius prima continet 114. quæstiones in 619 articulos diuisas, considerat primò D. Thomas Deum in finalizando, non ea tamen ratione, quâ dicitur finis vniuersalis omnium creaturarum, de quo iam 1. p. q. 44. egerat; sed specialiter, nimirum, vt est finis assequibilis à creatura intellectualem per actus suos. Sic consideratio de Deo, vt vltimo fine à nobis assequibili, potest bipartiri; pri-

mò enim consideratur finis vltimus in se, qui est Deus, & de hoc discurre D. Thomas, à quæst. 1. vsque ad 6. Secundò actus ipsi, quibus in talem finem tendimus, si sint boni, vel ab eo recedimus si sint mali. Quia autem eiusmodi actus possunt sumi dupliciter, vel in communi, vel in particulari, prius D. Thomas in prima secundæ agit de illis in communi, tam secundum se, quam quoad principia, à quibus eliciuntur, & diriguntur, à quæst. 6. vsque 114. postea acturus de illis in speciali in secunda secundæ, secundum diuersas virtutes, aut vitia ad quæ pertinent.

Itaque Secunda Secundæ tractat de actibus humanis in speciali per 189. quæstiones, & 917. articulos. Vt autem immensam illam, & amplam humanorum actuum materiam in ordinem redigeret D. Thomas, cõsiderauit quosdam actus humanos pertinere vniuersaliter ad omnes status hominis, cuiusmodi sunt virtutes, & illis opposita, vitia: quosdam verò ad peculiare status, in quibus diuersa ministeria, seu officia exercentur. Sic ergò prius distinguit septem principales virtutes, ad quas etiam pertinent dona Spiritus Sancti ei correspondentia, sub quibus continentur aliæ minus principales. Ex his tres sunt virtutes Theologicæ Fides, Spes, & Charitas, de quibus, & de donis illis correspondentibus, vitijque oppositis agitur à quæst. 1. vsque ad 47. Aliæ quatuor sunt Prædientia, Iustitia, Fortitudo, & Temperantia, Virtutes Cardinales dictæ, quod inter morales primatum teneant, & quod vnaquæque illarum in sua materia principaliorem modum obferuat, vel difficiliorem materiam vincit. Ad istas autem Virtutes Cardinales, rursus multæ aliæ virtutes reducuntur, quæ sunt quasi partes earum potentiales, hoc est virtutes minus principales, quia in alia materia minus difficili, aut ardua, modum alicuius dictarum virtutum Cardinalium in sua moralitate sequun-

quantur. De quibus omnibus virtutibus, ac donis Spiritus Sancti illis correspondentibus, vitijisque oppositis agitur à quæst. 47. vsque ad 171.

De statibus autem, seu spiritualibus ministerijs tractat S. Doctor Theologicè, non Politicè, idest, non secundum quod spectant ad gubernationem Reipublicæ civilis, sed secundum quod in Ecclesiastico regimine inveniuntur, pertinentque ad corpus Ecclesiæ, & distinguuntur ab Apostolo 1. Corinth. cap. 12. per tria genera, dum ait: *Diuisiones gratiarum sunt, & diuisiones ministratorum, & diuisiones operationum.* Etenim diuisiones gratiarum significant gratias gratis datas, quæ non omnibus sunt communes, vt donum prophetiæ, linguarum, sermonis, miraculorum, seu operationis virtutum; & de istis agit à quæst. 171. vsque ad 179. post diuisiones gratiarum, sequuntur diuisiones operationum, quæ attenduntur secundum diuersas vitas, scilicet actiuam, & contemplatiuam, de quarum perfectione agit ad quæst 181 Denique diuisiones ministratorum, pertinent ad diuersa officia, vel status, qui in Ecclesia possunt distingui. De officijs tamen, quatenus sunt officia, aut dignitates in Ecclesia nihil agit D. Thomas in præsentis; cum enim ciuismi dignitates sint vel ordinis, vel iurisdictionis, si ordinis, agitur de illis in Sacramento Ordinis; si iurisdictionis, pertinet ad Iurisperitos tractare de illis, agitur enim in iure de officio Legati, Archidiaconi, & aliorum. Solum ergo D. Thomas considerat in præsentis diuersos status, secundum quod ordinantur ad Ecclesiæ perfectionem, qua ratione duplex tantum est status, alter Episcoporum, qui dicitur status perfectionis acquisitæ, eo quod ex officio habent curam perficendi alios actiue, & ideo supponuntur in se perfecti; alter Religiosorum, qui dicitur status perfectionis acquirendæ, eo quod ex statu suo tendunt ad comparandam sibi perfectionem, per pro-

fessionem votorum suorum; & de istis statibus tam in communi, quam in particulari agitur à quæst. 181. vsque ad quæst 189.

In tertia tandem parte, quæ continet 189. quæstiones, & 982. articulos vnâ cum supplemento, D. Thomas contemplatur Deum, vt reparatorem defectuum nostrorum per carnis assumptionem; cuius considerationem in quatuor principales tractatus distribuit. Primus est de ipsa Incarnatione secundum se, à quæst. 1. vsque ad 26. Secundus est de modo quo inter nos vixit, & conuersatum est Verbum Incarnatum, tam quoad ingressum eius in hunc mundum, nascendo ex Matre Virgine, quam quoad progressum in hoc mundo, conuersando cum hominibus, eosque suis actionibus, & sermonibus instruendo; & quoad egressum ex hac vita per passionem, & mortem operando salutem in medio terræ; & denique quoad regressum eius ad Patrem, à quo gloria, & honore coronatus, sedet ad dexteram eius inde venturus iudicare viuos, & mortuos: & de hoc agit à quæst. 27. vsque ad 60. Tertius tractatus est de medijs, seu instrumentis, quibus ex meritis Christi gratia salutaris ad nos deriuatur; & hæc sunt Sacramenta, de quibus tam in communi, quam in particulari agit à quæst. 60. vsque ad 90. in qua dum penitentiae partes explicaret D. Thomas, immatura mors fluentem celestis eloquij fontem exsiccauit. Exinde verò suppletum est, quod decreuit, ex ipsius lectione super 4. sentent. à quæst. 1. additionum vsque ad 69. Quartus denique tractatus est de termino ad quem per Christum, qui est via, veritas, & vita peruenimus, scilicet de æterna, & perfecta beatitudine in resurrectione corporum, & gloria animæ. Et sic D. Thomas à Deo in se, & in essendo, per Deum ipsum efficientem, finalizantem, & saluantem, regreditur ad Deum, vt fruendum in se, quod est planè aurèum sacræ doctrinæ circulum cõplere. Tantum

tum de principalioribus, & generalioribus Summæ Theologicæ D. Thomæ diuisionibus. de ordine enim, ac connectione, quæ inter vnamquamque quæstionem seruatur, consulendi sunt eius interpretes.

## CAPVT VIII.

*Sacra doctrinæ partitio secundum usum Catechismi.*

**I**Nter alias Sacræ doctrinæ tradendæ methodos, primum veluti locum ratione temporis, vel institutionis obtinet illa, qua secundum usum, Catechismi ordinatur, vocarique potest Theologia Catechetica, siquidem Catechesis, seu Catechismus, nihil est aliud, quàm doctrina de elementis Christianæ Religionis, quæ olim viuæ vocis oraculo, siue ministerio potissimumque interrogationibus, & responsionibus tradi solebat, vt primum rudes, ac pueri sacris mysterijs imbuerentur. Cum enim Sanctum dari canibus vetuisset Dominus, visum est primis Christianæ fidei magistris, non expedire, vt omnia eius mysteria scripto committerent, omnibusque passim euulgarent, sed consultius iudicarent, vt qui sacris arcanis vellent imbui, viuâ voce instruerentur, eodemque modo sacri ritus colendi Dei, atque doctrina ipsa Christiana ad posteros veluti per manus dimanarent; & lex Christi non tam atramento, vel calamo, quàm Spiritu Dei viti scriberetur, non in chartis, sed in tabulis cordis carnalibus iuxta doctrinam Apostoli 2. Corinth. 3. ex Ieremiâ 31. vaticinio desumptam, & Ezechielis cap. 11. & 36.

Ad hunc modum, qui in Ecclesiâ primitiua ad Baptismum admitti debebant, prius Fidei Christianæ mysteria, rudi, planoque sermone ab Apostolis, & eorum discipulis audiebant, & huiusmodi institutionem Catechesim, vel Catechismum appellabant; illi verò, qui eam recipiebant, cum nondum

essent Sacris initiati, nec ad sacra spectanda introducti ( finita enim Scripturarum lectione, ac Euangelij expositione dimittebantur, nec ea videre, quæ in hostiæ salutaris oblatione fiebant, permittebantur ) Catechumeni dicebantur. Qui etiam à Tertulliano lib. de poenitent. vocantur *Audientes*, & in lib. de patient. *Discentes*, ab Augustino verò serm. 9. de tempore, & lib. 1. retract. cap. 17. *Competentes*; quod omnibus mentis suæ conatibus regenerationis gratiam ambirent. Qua obtenta pridic Paschatis, & Pentecostes, ac in Orientali regione, in festo quoque Epiphaniæ Domini, alba veste inducebantur, in typum quod exuris ignorantix ac peccatorum tenebris, innocentix, ac lucis casta velamina induissent; nec amplius Catechumeni, sed Neophyti, illuminati, initiati, filij adoptionis, sanctificati, fratres, discipuli, fideles, oues, Christianique nuncupabantur. Qui autem fidei Christianæ doctrinam illis tradebant Catechistæ doctores, ac magistri nomen obtinebant, vt ex Apostolo ad Galatas 6. & Eusebio lib. 6. *Histor.* cap. 3. alijsque constat.

Hanc institutionem Apostolus Hebræor. 5. & 6. 1. Corinth. 3. lacti cõparat, quo fouentur paruuli, eam secetnens à solido cibo, quo pascuntur viri: est enim lac iuxta Augustinum, tract. 98. in Ioannem, doctrina rerum sacrarum ita proposita, vt audiens simplici fide credat, solidus autem cibus est sermo doctrinæ, quo agitur, vt auditor non solum credat, verum etiam vt ea quæ proponuntur intelligat. Eadem igitur fidei mysteria diuerso modo proposita lac sunt, & solidus cibus; ac proinde doctrina Catechismo comprehensâ, non solum rectè Catechumenis, sed insuper Baptismi Sacramento regeneratis viliissimè proponitur, vt quod fide simpliciter credendum acceperunt, etiam Domino reuelante intelligere, simulque aduersus hæreticorum insidias tueri valeant. Quo quidem

finē

sive Clemens Alexandrinus edidit Pedagogi libros tres, D. Ambrosius librum vnum de ijs, qui Mysteriorum initiantur; D. Augustinus librum vnum de fide, & symbolo, & alterum de catechizandis rudibus; S. Cyrillus Hierosolymitanus Catecheses; quos deinceps imitari plures moderni varios Catechismos, siue doctrinae Christianae libellos, ac summas composuerunt, in quibus tamen non eandem omnes formam, ac methodum obseruauerunt.

Aliqui enim diuiserunt illas in duas partes principales, quod summa totius doctrinae christianae duabus etiam rebus potissimum contineatur, scilicet sapientia, & iustitia Christiana, iuxta illud Ecclesiastici 1. *Fili concupiscens sapientiam, conserua iustitiam, & Deus praebit illam tibi*. Ad sapientiam pertinent capita de fide, & eius symbolo, de spe, & oratione Dominica, haec enim virtus exercetur precatione potissimum, cuius perfectissimum exemplar est oratio Dominica, item de Charitate, & praeceptis Decalogi, quibus accedunt praecepta Ecclesiae, & tractatio de Sacramentis. Nam fides, spes, & charitas illae virtutes sunt, ex Augustino in Enchirid. cap. 2. & 3. quibus veram hominis sapientiam diuina scriptura concludit. Ad alteram vero partem, quae circa iustitiam versatur, referuntur omnia, quae tum ad mala fugienda, tum ad bona consecranda docentur. Sic enim monet Augustinus lib. de fide & symbolo, catechizandos esse homines, vt non solum audiant quid credere, verum etiam qualiter viuere debeant, quid agere, quid vitare, quibus legibus vitam dirigere oporteat: nam conuersatio Deo grata non minus requirit vitam bonam, quam fidem rectam, affectum purgatum, quam intellectum illuminatum, sicut enim opera sine vera fide mortua sunt, ita & fides sine bonis operibus.

Alij Theologiam Catechetica in quatuor haec capita distribuunt, videlicet in symbolum Apostolorum, Sa-

cramenta, Decalogum, & Dominicanam orationem; ad quae vniuersa Sacra doctrina summam referri videtur. Nam omnia, quae Christianae fidei disciplina tenenda sunt, siue ad Dei cognitionem, siue ad mundi creationem, & gubernationem, siue ad humani generis redemptionem spectant, siue ad bonorum praemia, & malorum poenas pertinent, symboli doctrina continentur. Quae autem signa sunt, & tanquam instrumenta ad diuinam gratiam consequendam, haec septem Sacramentorum doctrina complectitur. Iam vero, quae ad leges referuntur, quorum finis est charitas, Decalogo descripta sunt. Quidquid denique ab hominibus optari, sperari, ac salutariter peti possit, id Dominica oratione comprehenditur. Alio etiam ordine praefata quatuor capita ab aliquibus disponuntur, vt primo loco sit symbolum fidei; secundo, Oratio Dominica; tertio, decem praecepta Decalogi; quarto, septem Sacramenta. Cuius ordinis, vel diuisionis ratio ex eo peti posse videtur, quod, cum sint tres virtutes Theologicae, fides, spes, & charitas, ad fidem pertinet symbolum, ad spem oratio Dominica, vel quia haec virtus precatione maxime exercetur, cuius, vt statim diximus, perfectissimum est exemplar oratio Dominica, vel quia in ea quid potissimum sperare debeamus, & à quo instruimur; ad Charitatem denique referuntur decem praecepta Decalogi, & alia iustitiae Christianae opera; duae enim charitatis partes, videlicet dilectio Dei, & proximi, sicut sui ipsius, praeceptorum tum diuinorum, tum Ecclesiasticorum obseruatione, ac bonorum operum exercitio se se foris ostendunt; & veluti è tenebris in lucem procedunt. Sacramenta autem sunt necessaria, quia sunt instrumenta, quibus gratia, & virtutes comparantur, comparantur, & insitae confirmantur, augentur, & perficiuntur.

## 24 Bibliothecæ Theologicæ Lib. V.

### *De Symbolo Fidei.*

**S**ymbolum fidei, quod continet duodecim articulos, secundum numerum duodecim Apostolorum, qui illud composuerunt, vt supra lib. 3. scđ. 2. diximus agendo de sacris traditionibus, tres habet partes principales. In prima vnico articulo primo contenta, describitur prima diuinæ naturæ persona, & mirabile creationis opus. In secunda per sex articulos sequentes, agitur de secunda diuinæ naturæ persona, & humanæ redemptionis mysterio: in tertia autem de Spiritu Sancto, qui per appropriationē dicitur fons, & caput omnis Sanctitatis, per quam Ecclesia, peccatorum remissione accepta, Sancta redditur, & gloriosam deinceps carnis resurrectionem, vitamque æternam citò expectat.

De Symbolo fidei scripserunt ex antiquis S. Cyrillus in Catechesibus; S. Ioannes Chrysostomus to. 5. S. Hieronymus, seu alter tom. 9. epist. 17. S. Augustinus tom. 3. & tom. 9. & to. 10. serm. 119. 123. 131. & 192. de tempore: & serm. 42. 47. 59 & 75. de diuersis; Eusebius Emyssenus; S. Cyprianus, S. Petrus Chrysologus ser. 46. vsque ad 62. Maximus Taurinensis homil. 1. de diuersis; Venantius Fortunatus in Biblioth. Patr. S. Paschasius ibidem; S. Thomas 2. 2. & opusc. 6.

### *De Oratione Dominica.*

**O**ratio Dominica continet vnam præfatiunculam, *Pater noster*, qui es in Cælis, & septem petitiones, quibus totum quod à Deo postulari, & sperari potest continetur. Primis enim quatuor bona precamur, 1. diuinæ maiestatis gloriam, & honorem; 2. summum nostrum bonum; 3. gratiam illud acquirrendi per obedientiam Deo debitam; 4. modum habendi, & conseruandi gratiam per corporis animæque sustentationem. Reliquis tribus pe-

ditionibus mala à nobis auctimus, præterita, hoc est peccata; præsentia, tentationes nimirum ad malum pertrahentes, & futura, id est futuræ vitæ calamitates. Huic orationi vt subneſſatur Angelica Deiparæ Mariæ Virginis salutio, longo iam Christianorum vsu receptum est.

De Oratione Dominica, & eius expositione scripserunt ex antiquis Tertullianus, Cyprianus, Gregorius Nyſſenus, Cyrillus Hierosolymitanus catechesi 5. S. Ioannes Chrysostomus tom. 5. D. Augustinus tom. 10. serm. fragment. 1. & serm. 182. de tempore, & serm. 6. de diuersis; item serm. 9. 34. & 48. de diuersis ad Catechumenos: item serm. 126. & 135. de tempore, & homilia 40. & 42. Petrus Chrysologus serm. 67. vsque ad 72. Theophilactus, Euthymius in Matthæum, Petrus Laudicensis Episcopus Biblioth. Patrum, S. Germanus ibidem, Venantius Fortunatus ibid. S. Thomas in Compend. Theolog. part. 2. & opusc. 7.

### *De Diuinis Præceptis.*

**E**X diuinis præceptis, præcipua sunt naturæ duo; primum Matthæi 7. 12. *Omnia ergo quæcumque vultis, ut faciant vobis homines, & vos facite illis*; secundum Tobie 4. 16. *Quod ab alio oderis fieri tibi, vide ne tu aliquando alteri facias*.

Decalogi decem, Exodi 20. Leuitici 26. Deuteronomio 5. quæ bifariam diuiduntur; tria enim ex his ad Deum pertinent, & priori tabula continentur, docentque quomodo erga Deum corde, verbo, & opere effici debeamus; reliqua verò septem ad proximum, & ad posteriorem tabulam spectant, præscribuntque ne damnum proximo inferamus, aut in persona, aut in honore, aut in bonis, corde, verbo, & opere.



*De iustitia Christiana.*

**A**D priorem iustitiae Christianae partem, quae in declinando à malo sita est, pertinet tractatus de peccatis. Peccatum autem duplex est, communis originis, & propriae actionis; rursum peccatum propriae actionis diuiditur, in proprium, quod à nobis committitur cogitatione, verbo, opere, omissione, nasciturque ex ignorantia, infirmitate, & malitia; & in alienum, quod nobis imputatur nouem modis, consilio, iussu, consensu, irritatione, assentatione, reticentia, conniuentia, participatione, iniqua defensione. Insuper peccatum propriae actionis, aliud est veniale tantum, aliud verò mortale ex genere suo; cuiusmodi sunt capitalia septem; Superbia Coloss. 3. Auidia 2. Corinth. 9. Luxuria Act. 24. Inuidia 1. Corinth. 13. Gula Ecclesiastici 31. Iracundia Hebraeor. 10. Acedia 1. Corinth. 15. In Spiritum Sanctum sex, Presumptio de misericordia Dei, vel impunitate peccati; Desperatio; Cognitae veritatis impugnatio; Fraternae charitatis inuidentia; Obstinatio in malo; Obfirmatus poenitentiae contemptus. Clamantia in Caelum quatuor: Homicidium voluntarium Genes. 4. Peccatum sodomiticum Genes. 18. Oppressio pauperum, viduarum, & pupillorum Exodi 22. Mercedis operatorum iniqua retentio, Deuter. 24. Iacob. 5.

Ad alteram iustitiae partem, quae in bonis faciendis, aut conseruandis posita est, pertinent primò virtutes, quarum, quemadmodum eis contrariorum peccatorum, variae sunt differentiae, & species. Praecipuae, & christianae religionis tyroni scitu maximè necessariae, sequenti diuisione comprehenduntur. Tres videlicet Theologiae, Fides, Spes, Charitas. Quatuor Cardinales, Prudentia, Iustitia, Fortitudo, Temperantia. Septem capitalibus vitijs contrariae, Humilitas, Libe-

*Biblioth. Theol. Tom. VI.*

ralitas, Castitas, Charitas, Temperantia, Mansuetudo, Pia sedulitas. Tres Consilij Euangelici, seu ad Christianae vitae perfectionem spectantes, videlicet, Paupertas voluntaria, Castitas perpetua, Religiosa obedientia, quae propter Deum voto interposito homini defertur. Tres denique iuuentutem maximè decentes, Verecundia, Taciturnitas, Obedientia erga illos à iuuenibus seruanda, quibus sui cura est commissa.

Huc quoque pertinent tria bonorum operum genera: Precatio, Ieiunium, Eleemosyna, quae est bipartita, Corporalis, & Spiritualis. Eleemosyna corporalis est septuplex Matt. 25. & Iob. 12. Esurientes pascere, Sitientibus potum dare, Nudos operire, Captiuos redimere, Aegrotos visitare, Peregrinos hospitio excipere, Mortuos sepelire. Spiritualis quoque est septuplex, Peccantes corrigere, Matth. 18. Ignorantes docere, Ecclesiast. 18. Dubitantibus rectè consulere, Proverb. 27. Pro salute proximi orare, Matth. 5. Consolari mēstos, Ecclesiast. 7. & 1. Corinth. 1. Improbis iniurias ferre patienter. Roman. 15. Tit. 3. & 1. Thessal. 5. Aliorum offensam remittere, Matt. 5. Marc. 11. Eodem etiam spectat duplex meditatio propriae conditionis, cuius sunt quinque partes, Cur creatus sum, Quid sum, Vbi sum, Vnde venio, Quò vado. Et quatuor nouissimorum, quae sunt Ecclesiastici 7. Mors, Iudicium extremum, Inferi, Gloria caelestis, seu beatitudo aeterna.

Septem dona Spiritus Sancti, Isa. 11. Sapientia, Intellectus, Consilium, Fortitudo, Scientia, Pietas, Timor Dei. Duodecim fructus Spiritus Sancti, qui opera carnis destruunt, ad Galath. 5. Charitas, Gaudium, Pax, Patientia, Longanimitas, Bonitas, Benignitas, Mansuetudo, Fides in proximum, Modestia, Continentia, Castitas. Et tandem octo Beatitudinum, seu potius Beatorum genera, quae apud Matthaeum cap. 5. his verbis recensentur. Beati

D pauper-

pauperes spiritu, quoniam ipsorum est Regnum Cælorum. Beati mites, quoniam ipsi possidebunt terram. Beati qui lugent, quoniam ipsi consolabuntur. Beati qui esuriunt, & sitiunt iustitiam, quoniam ipsi saturabuntur. Beati misericordes, quoniam ipsi misericordiam consequentur. Beati mundo corde, quoniam ipsi Deum videbunt. Beati qui persecutionem patiuntur propter iustitiam, quoniam ipsorum est Regnum Cælorum.

#### *De Sacramentis.*

**V**ltimo loco sunt septem Sacramenta in Evangelica lege à Christo Salvatore nostro instituta, nimirum, Baptismus, Confirmatio, Eucharistia, Penitentia, Extrema Unctio, Ordo, Matrimonium.

Baptismus est novæ legis primum Sacramentum, in ablutione corporis exteriori, & legitima verborum pronuntiatione, secundum Christi institutionem consistens: quod tam parvulis, quam adultis ad salutem est necessarium. Hoc Sacramento plena peccatorum accepta remissione, spiritaliter regeneramur in novam creaturam, & qui antea eramus filii iræ, tunc filii Dei, hæredesque, Christi autem nostri Redemptoris coheredes efficiamur.

Confirmatio, Sacramentum est, quod baptizatis ab Episcopo confertur in fronte, per Sacrum Chrisma, adhibita certa verborum forma. Hæc fidem corroborat, & homini Christiano ad nomen Domini, quandocunque opus est, intrepide proficendum animum addit.

Eucharistia, est Sacramentum, in quo postquam Sacerdos, secundum Ecclesiæ ritum ordinatus, panem, & vinum verbis à Christo traditis consecravit, verè & secundum substantiam, suam totus Christus sub utraque specie continetur, pane in corpus eius, & vino in sanguinem, divina virtute transmutatur. Per Eucharistiam hominis

Christiani animus, saluari veri corporis, & sanguinis Dominici reficitur alimento, Deoque gratum offertur Sacrificium.

Penitentia, Sacramentum est, in quo per Sacerdotis absolutionem peccata post baptismum commissæ Christiano illa detestanti, citèque contenti remittuntur. Cuius tres sunt partes Contritio, Confessio, Satisfactio, quæ fit corde, ore, opere.

Extrema unctio, est Sacramentum, quo per Oleum Sacrum, & certas preces recreantur ægrotantes; animi malis, si quæ in ijs reliqua sunt, sublati, & interdum etiam corporis sanitate restituta.

Ordo, est Sacramentum, quo ad Dei cultum, ministri Ecclesiæ consecrantur. Per hoc enim Sacramentum, velut ollis, necessarium est intrare legitimos dispensatores mysteriorum, & eloquiorum Dei, nimirum, Episcopos, Presbyteros, Diaconos, & quotquot in saceris muneribus ritè, & secundum ordinationem divinam versari volunt.

Matrimonium, est Sacramentum, individua vitæ consuetudine maris, & faminam legitime inter se coniungens, ipsdemque gratiæ donum largiens, quo frenato concupiscentiæ impetu, genus humanum laudabiliter, & sanctè conservatur, atque propagatur.

Tantum de Theologia Catechetica, siue de partitione Sacræ doctrinæ, iuxta usum, & ordinem Catechismi, de cuius docendi necessitate, atque utilitate, rationeque illum tradendi, vide, Antonium Posseseium lib. 4. Bibliothecæ Selectæ. Præter Catechismum Romanum, ex Pij V. & Concilii Tridentini decreto editum, Petrus Canisius, Robertus Cardinalis Bellarminus, Iacobus Bayus, Ioannes Chapauillus, Ludovicus Carbo, Georgius Ederus, Iacobus Marcantius, alijque plures moderni dueros Catechismos, aut libellos ad Catechismum pertinentes scripserunt. Quia autem ex Catechismo Romano iussu Pij V. edito, è S. Caroli opera

opera promulgato, aliqua interdum proferuntur testimonia, ad alicuius sententiæ Theologicæ probationem, notandum est, illa non esse infallibilis semper auctoritatis, nec omne quod aduersatur sententiæ in præfato Catechismo repositæ, improbable penitus esse; si quidem in illo non apponitur peculiaris approbatio Pontificia, quæ talem illi firmitatem tribuat, sed solum iussu Pij V. fuit editus. Vndè Cardinalis de Lugo disp. 4. de Eucharistia num. 59. cum obiecit auctoritatem Catechismi Romani de Sacra Euchar. docentis aquam immixtam calici conueri in vinum ante consecrationem, respondet Theologos, qui Catechismum consecrunt fuisse in tali sententiâ, imò cum nec ibi distinguant benedictionem Christi Domini à consecratione iuxta S. Thomam 3. p. q. 78. artic. 1. iam hæc sententiâ ab omnibus fermè rejicitur, ut videre est apud Vasquez 3. p. disput. 196. cap. 1.

CAPUT IX.

*Alia Sacra doctrina partitio in Speculativam, Præcticam, & Pædagogicam.*

**E**TI Præcticum, & Speculativum non dicant in Sacra doctrina, vel Theologia duos habitus partiales, sed unum simplicem, qui ratione suæ ultimæ differentiæ, & essentialis perfectionis, tam ad materias speculabiles, quam ad materias operabiles se extendit, ut diximus lib. 1. sect. 2. c. 6. quia tamen non omnes actus, vel materiæ illius simul sunt speculabiles, & operabiles, sed questionum Theologicarum circa illos versantium, duo sunt genera, alterum cognitionis, alterum actionis, inde ratione illarum rectè Sacra doctrina dividitur in Speculativam, & Præcticam. Ad primum divisionis membrum pertinent omnes illæ questiones, quæ cognitionis dicuntur, siue quarum finis est scientia, ad alteram

*Biblioth. Theol. Tom. VI.*

verò, quæ actionis, siue quarum finis est opus; vndè etiam hæc pars Theologia Moralis, siue de Casibus Conscientiæ vocatur; cuius porissimum ordinandæ, & tradendæ, reperiuntur innumeræ propè doctorum Methodi.

Aliqui enim Casuum conscientiæ summas per ordinem Alphabeti scripserunt; quæ methodus licet ad faciliorem rerum, aut materiarum inuentionem apprimè conducatur; ab illa tamen, qui Theologiæ morali primam operam daturi essent, minus vtiliter inchoarent; id enim nec scientiam vllam pareret solidam, & in varias partes distraheret animos.

Alij secuti ordinem, quem tenuit D. Thomas in secunda parte Summæ Theologicæ, & in tertia de Sacramentis, Theologiam moralem, methodo numeris omnibus absoluta tradidisse videntur; agendo primum de ipso fine hominis, ut homo est, deinde de actibus humanis, siue moralibus, tam in communi, quantum ad eorum principia intrinseca, & extrinseca, quam in particulari, quantum ad materias in specie, circa quas versantur præfati actus, vel vnaquæque virtus in specie, & vitium illi oppositum; tum denique de Sacramentis, multa etiam in illa materia, non solum ad Theoriam, sed etiam ad praxim, virtutumque exercitium pertinent.

Attendentes alij, quod decem præcepta Decalogi, sunt prima veluti principia Theologiæ moralis, per ordinem ad illa, eam quoque distribuerunt. Sub primo enim præcepto, prout est affirmativum, continentur ut materia propria virtutes Theologicæ; item actus virtutis religionis tam interni, quibus singulari animi submissione infinitam Dei excellentiam veneramur, quam externi, quibus internos testamur, ut oratio, sacrificium, votum, &c. Pro ut verò est negativum, prohibet vicia Religioni opposita: sunt autem duplicia: alia, quæ opponuntur per excessum, ut superstitio cum suis speciebus;

D 2 alia

alia per defectum, ut irreligiositas cum suis: quæ si tendit directè ad irreuerentiam Dei, est tentatio Dei, aut periurium; si autem tendit solum ad irreuerentiam rerum sacrarum, est sacrilegium, aut simonia. De voto tamen, sicut & de periurio, solet agi sub secundo præcepto, quatenus prohibetur per illud omnis inordinata usurpatio nominis Dei, qualis potissimum fit blasphemando, temerè iurando, vouendo, & non seruando promissa vota. Sub tertio tractatur de obseruatione festorum; hoc enim præceptum, quatenus vult tempus aliquod sanctificari, siue impendi cultui diuino, est naturale, & adhuc obligat. Licet, quatenus tempus id designatur dies sabbaticus, sit ceremoniale, & in nouo testamento abrogatum, ac pro eo ab Ecclesia designatis dies dominicus, & festi; præscriptusque modus colendi, ut quædam opera illis diebus fiant, quædam non.

Sub quarto præcepto, *Honora Patrem, &c.* quia vi illius non solum liberi parentibus, sed etiam inferiores superioribus tenentur, in ijs rebus, in quibus, & quamdiu subiecti ijs sunt, amorem, reuerentiam, & obedientiam præstare: idè solet agi, de obligatione liberorum erga parentes, & parentum erga liberos, item tutorum, & curatorum, qui parentum sunt loco; de obligatione dominorum, & famulorum, aliorumque Superiorum, & inferiorum erga se inuicem; Coniugum erga se moruo; Parochorum erga suos; Præceptorum, & discipulorum, aliorumque similium. Sub quinto, quo prohibetur hominis occisio, mutilatio, verberatio, aliaque similis afflictio iniusta, agitur de homicidio, & omnibus rebus ad illud pertinentibus. Sub sexto, de peccato luxuriæ, & omnibus eius speciebus; etsi enim in hoc præcepto, adulterium specialiter prohibeatur, quia præter turpitudinem, quæ ipsi eam alijs peccatis carnalibus, & luxuriæ speciebus communis est, in-

iustitiæ quoque peccatum in proximū, & in ciuilem societatem adiunctum habet, sub illo tamen comprehenduntur omnia peccata impudicitiz, & luxuriæ. Circa septimum, quo prohibetur omnis iniusta damnificatio in bonis proximis, quæ fit t. per furtum, & rapinā. 2. per omissionem reparationis damni illati; de illis agitur; & quia per iniquitatem contractuum magna etiam damna proximo plerumque inferuntur, idè etiam hic solet tractari ampla contractuum materia.

Circa octauum, quo prohibetur omnis iniusta læsio famæ, & honoris proximis; ac præcipiunt omnis falsitas, & mendacium, ac læsio verbalis, quæ fit, tùm in iudicio, falsò accusando, vel verum celando; tum etiam extra pernitiosè mentiendo, secreta reuelando, ac denique detrahendo, de omnibus illis agitur. Circa nonum, & decimum, quo vetantur omnes internæ concupiscentiæ, & delectationes voluntariæ, illorum operum, quæ præsertim præceptis sexto, & septimo interdicuntur, si ibi de illis actum non est, hic solet haberi sermo.

Quantum ad Ecclesiæ præcepta, etsi ea sint plurima, quia tamen quinque solum toti Christiano populo communia numerantur; ex quibus primum de celebrandis diebus festis, secundum de audienda in illis diebus missa; quartum de annua confessione, & quintum de Eucharistia sumenda, quia faciliè ad primum, & secundum Decalogi præceptum reducuntur, idè de tertio solum, quo certis anni diebus præcipitur abstinentia ab esu carnum, & ieiunium, solent agere doctores, ubi simul de præceptis Decalogi, & Ecclesiæ scribunt: quamuis etiam rectè possit separatim de illis sermo haberi: præsertim si quis prius agere vellet de auctoritate Ecclesiæ in ferendis legibus; sicut etiam præceptis Decalogi præmitti posset tractatus de lege æterna, & naturali.

Alij autem considerantes, quod Ca-

sus

sus Conscientiæ, de quibus potissimum agit Theologia Moralis, vel Practica Christiana, nihil aliud sunt, quam variaz factorum species, de quibus in foro conscientię Index Sacerdos sententiam edicat oportet, atque vel vt honesta approbet, vel vt turpia condemnet; inde sub titulo nunc Enochiridij, nunc Directorij, nunc Speculi, nunc Praxæ, nunc Institutionis, nunc Instructionis Sacerdotum, vel Confessoriorum, suas casuum conscientię summas ediderunt, ostendendo quod sit officium, & obligatio Confessoriorum, primum quoad bonitatem, deinde quoad scientiam, vbi discutitur de omnibus materijs ad Theologiam moralem spectantibus.

Tandem, quia finis cuius gratia, siue finis qui Theologiæ moralis Christianę ita est Deus clarè visus, per actus humanos, & morales debitis conditionibus præditos assequibilis, vt etiam finis cui, siue subiectum, cui perficiendo incumbit, cuique semel perfecto debetur clara Dei visio, sit ipse homo, secundum varios quos habere potest status, vbi per status intelliguntur, certæ hominis qualitates, ac conditiones per quas obligatur ad aliquid singulariter, ac propriè, vt suum finem vltimum consequatur, idè secundum præfatorum statuum numerum, ac varietatem, composuerunt aliqui varias etiam institutiones morales. Huiusmodi autem statuum hominum distinctio primum fieri potest in Ecclesiasticum, & secularem, siue laicum statum; Rursus Ecclesiasticus diuidi potest in *Gubernantem*, sub quo Pontifex Maximus, Cardinalis, Patriarcha, Primas, Archiepiscopus, Episcopus, Decanus, Præpositus, Archidiaconus, Archypresbyter, Vicarius, Consiliarius; In *Ministrantem*, sub quo Parochus, Sacerdos, Diaconus, Subdiaconus, Acolytus, Exorcista, Lector, Ostiarius, Canonicus, Oeconomus; In *Supererogantem*, sub quo Religiosus, continens vidua; & in *Inuocantem*, sub quo Doctor Theologiæ,

Prædicator, Disputator, Doctor Iuris Canonici, Cathochismi, Scholasticus Ecclesiasticus; Similiter status secularis, siue laicus distribui potest in *Gubernantem*, sub quo Imperator, Rex, Princeps, Respublica, Consul, Index, Consiliarius, Vicarius, Paterfamilias; In *Ministrantem* sub quo Miles, Notarius, Tabellio, Testis, Aduocatus, Curialis, siue Aulicus; In *Inuocantem*, sub quo Quæstor, siue Thesaurarius, Coniugatus; & ratione vite conservandæ Medicus, Chirurgus, Agricola, Mercator, Nauta, Venator, Artifex quicumque; In *Docentem*, sub quo doctor Philosophię, Iuris Civilis, Rhetoricę, & aliarum facultatum; & in *Indifferentem*, sub quo Nobilis, Plebeius, Dives, Pauper, Parcus, Filius, vel Nepotes, Consanguinei, Affines, Puer, Adolescens, Vir, Senex. Qui de statibus scripsere plures sunt, viderique possunt apud Antonium Possesium Bibliothecę selectę libro tertio; & in Indice Vniuersali Fabiani Iustiniani, verbo status, aliorumque Bibliothecariorum. Item pro illo, qui in Moralis Theologiæ studium incumbit, vide eandem Possesium loco statim citato.

Post Theologiam Speculatiuam, & Practicam siue Moralem, rectè sequitur tertium partitionis membrum, Theologia videlicet, Parænetica, quæ ad vtriusque illarum vsum, quantum satis est in sacro concionandi munere extendendo pertinet; potissimum enim in eo consistit, vt per illam fidelibus tam credenda, quam agenda ab idoneo concionatore proponantur, ac persuadentur, adhibita rectę Inventionis, Dispositionis, Elocutionis, atque Amplificationis regula; vt docet D. Augustinus lib. 4. de doctrina Christiana, vbi istam eius partem, in sacra præfati sita latè prosequitur; Cum enim ex ipso, duę sint res, quibus nititur omnis tractatio scripturarum: modus inueniendi, quæ intelligenda sunt, & modus proferendi, quæ intellecta sunt; post-

postquam de priori egit in tribus primis libris de doctrina Christiana, discessit de posteriori in quarto, & ultimo libro, non ex præceptis Rethoricæ, quam in scholis sæcularibus, & didicerat, & docuerat, sed ex sacris litteris, quibus ostendit esse germanam eloquentiam, quæ sapientiæ adhæret velut inseparabilis comes.

## CAPUT X.

*Sacra Doctrina materia, Aristotelis Dialecticæ methodicos adaptata.*

Cum ad Sacræ doctrinæ munus, & officium pertineat, dirigere nostras mentis operationes in ordine, ad cognitionem Dei, rerumque supernaturalium, sicut Dialecticæ pro meta habet directionem earumdem mentis operationum circa res naturales, non incongruè materiæ Theologicæ eius ordini, ac methodo ab aliquibus adaptatæ fuerunt, vnde etiam illi Dialecticæ, siue Dialecticæ diuinæ, & supernaturalis nomen dederunt. Quemadmodum ergo primæ mentis operationes dirigendæ inferuiunt Categoriz, ita sub titulo Categoricæ, siue Categoriarum diuinarum comprehendi possunt omnes quæstiones, vel materiæ Theologicæ connexionem habentes cum principijs philosophicis incomplexis, qualia sunt illa, quæ ad Antiprædicamenta, Prædicamenta, & Postprædicamenta spectant. Ita relativè ad Antepredicamenta primum examinari potest, quomodo diuini termini sint apprehendendi; relativè autem ad prædicamenta, quæ sequuntur tractanda sunt.

Circa prædicamentum substantiæ, agendum est de prædicatis Dei essentialibus subordinatis; Ex eodem etiam prædicamento deducitur rota materia, de Incarnatione Verbi Diuini. Circa prædicamentum Quantitatis de diuina perfectione generatim, & infinitate; tum de symbolica quantitatis in Deo

consideratione. Circa prædicamentum Qualitatis, de diuinis virtutibus; Circa prædicamentum Relationis, de diuinis relationibus tam ad extra, quàm ad intra, quibus tota ferè materia de Trinitate comprehenditur. Circa prædicamentum Actionis, de diuinis actionibus tam immanentibus, quàm transeuntibus, siue extra ipsum saltem virtualiter prodeuntibus, ex quibus deduci posset præcipua materia de gratiæ sanctificatione, & auxiliante. Circa prædicamentum Passionis, de diuina immutabilitate, & quomodo tantum Deo passio per idiomatum communicationem, vel humano more loquendo tribuatur. Circa prædicamentum Vbi, de immensitate Dei, nec non de Sanctissima Eucharistia, & loco Angelorum. Circa prædicamentum Quando, de Aeternitate; Situs, quod corporatura, atque adeo situs remoueat a Deo, & in eo tantum mysticè reperiatur. Circa prædicamentum Habitus, similiter quam longè absit a Deo corporeum indumentum; & quod metaphoricè solum vestitus in scripturis denominetur. Tandem relativè ad Postprædicamenta, tractari potest, quænam genera distinctionum in diuinis reperiuntur, nec non de priori, & posteriori.

Ad secundam mentis operationem, dirigendam, ut pertinent duo libri Perihermenias, seu de Interpretatione, ita sub titulo Hermenicothæ, seu diuinæ interpretationis explicari potest, quomodo termini diuini sint inter se in enunciatione connectendi; cuius partis tria iterum membra, tresue sectiones assignari possunt; *Prima* pro signis, quibus Deus voluit hominibus innotescere, suæque mysteria eis declarare; ad quantam eorum notitiam possint aspirare; an, & quomodo sit nobis Deus effabilis. *Secunda* pro propositionibus Theologicis tam affirmatiuis, quàm negatiuis; tam ad Theologiam continuam, siue de Deo Vno, quàm discretam, siue de Deo Trino pertinentibus,

iuxta

iuxta doctrinam D. Dionysij cap. 2. de diuinis nominibus; nec non ad Deum Incarnatum; v.g. an Christus sit dicendus creatura, an filius adoptiuus, &c. Tertia pro qualitate propositionum Theologicarum, videlicet, quænam sint de fide, quænam illi contraria, de quibus egimus supra libro secundo.

Denique, vt tertia mentis operatio dirigatur ex duobus libris de priorj Analyfi, duobus de posteriori, octo Topicorum, & duobus Elenehorum; ita sub titulo Analicotheæ, & Topicotheæ, possunt ordinari omnia principia, & loca, ex quibus Theologus circa diuina, vtcunque discurrere potest, de quibus omnibus actum est supra libro secundo & libro tertio. Tantum de præfata methodo ad Dialecticam accommodata. Cui lucem præferre possunt Ioannes Durelleus Ord. Minor. S. Francisci de Paula. Carolus Bouillius quoad Categoricam, & Franciscus Albertinus tomo secundo Corollariorum, seu questionum Theologicarum ex principiis Philosophicis incomplexis, seu prædicamentis. Quoad Analycotheam idem Albertinus tomo primo Corollariorum, seu questionum Theologicarum, quæ deducuntur ex principiis philosophicis complexis. Primum est modus operandi sequitur modum essendi: Secundum, Instrumentum agit supra suas vires in virtute causæ principalis: Tertium, conclusio sequitur debiliorem partem antecedentis: Quartum, de futuris contingentibus non est determinata veritas in causa, sed in effectu: quintum, à distributiuo ad collatiuum non valet consequentia physica, valet moraliter: Sextum, propter quod vnumquodque tale, & illud magis: Septimum, quæ sunt eadem vni tertio, sunt eadem inter se. Item Aloysius Nouarius in libro inscripto, *Omnia scientiarum anima*, hoc est, *Axiomata Physio-Theologica, ex probata Authoribus prompta, & sue ordine distributa*. Tandem pro Topicothea Melchior Canus, alijque plures, qui

de locis Theologicis, 1. par. qu. 1. & secunda secundæ scripserunt in tractatu de fide.

## CAPVT XI.

*Afferuntur alia nonnulla Sacra Doctrina partitiones.*

**R**atione diuersi status hominis, ante, & post peccatum originale, natamque ex ea re varietatem, ac multitudinem eorum, quæ Deus homini reuelare voluit, diuidi etiam potest Sacra doctrina, siue Theologia in primam, & secundam. Prima, quæ & perpetua vocari potest, dicitur ea, qua Deus, resque diuinæ considerantur veluti secundam primam rerum institutionem, hoc est, præueniendo peccatum Angelis, & hominis, quæque occasione peccati consecuta sunt bona, & mala. Per peccatum enim, quod libero creaturæ intellectualis arbitrio, commissum est, subintravit alterius in Theologia partis necessitas, quæ ritè secunda Theologia appellari potest; nec pauciora doctrinæ capita, quam prima comprehendit: veluti de lapsu Angelorum, & primorum parentum, tum de hominis lapsi reparatione, quæ fit per beneficium Christi Redemptoris; vnde complura emergunt considerationis capita, quæ hunc ferè ordinem habere possunt; de prædestinatione hominis lapsi, eiusque reparatione; de mysterio Incarnationis, & Oeconomia Verbi diuini; de hominis per gratiam ipsius iustificatione; de statu, ac differentia veteris, & nouæ legis Euangelicæ; de præceptis, & consilijs Euangelicis; de vocatione Gentium; de Ecclesia Christi, eiusque per Episcopos, & Presbyteros, aliosque ministros, sub vno summo capite Romano Pontifice, ordinatissima gubernatione; item de legibus, & censuris Ecclesiasticis, de Concilijs, de Scriptura, & sacris traditionibus, de Sacrificijs, & Sacramentis, tam veteris, quam noui testamenti. Quibus omni-

omnibus accedit tractatus de statu defunctorum secundum diuersa tempora, & merita, deque Iudicio finali, ac mortuorum resurrectione, in qua consummabitur humanæ naturæ, quoad electos, insaturatio per Christum, cum quo perpetuo beati erunt, reprobis sub ira Dei derelictis, atque æternæ miseræ additis. Præfatam Sacræ doctrinæ partitionem videtur insinuasse Christus Dominus, quando Ioannis 17. dixit; *Hæc est vita æterna, ut cognoscant te solum Deum verum, & quem misisti Iesum Christum.* Prior enim huius sententiæ pars faciliè ad primum partitionis membrum referri potest, posterior autem ad secundum, in quo Christus Redemptor à Patre missus consideratur, si enim peccatum in mundum non intrasset, Christo Redemptore opus non fuisset, totaque secundæ generis Theologia vacaret; vnde præclare D. Augustinus ait: *In causa duorum hominum, quorum per unum sub peccato venundati sumus; per alterum à peccatis redimimur, tota fides Christiana consistit.*

Eadem ferè methodo diuiserunt aliqui Theologiam in quinque partes: In quarum prima, disputatur de Deo ipso per se: In secunda, de illius effectis per se: In tertia, de Deo, & rebus effectis comparatè, vt quomodo Deus conseruet quæ fecit: an habeat prouidentiam, & prædestinationem: In quarta, de ijs rebus, quibus Deus hominem, propter quem de Deo disputamus, ad beatam vitam ducit generaliter, hoc est, de virtutibus, atque officijs eorum, & effectis: In quinta, de rebus quibus Deus Christianos præcipuè decreuit ad vltimum finem perducere, vbi de Christo Domino agitur, & de Sacramentis.

Insuper, quoniam Theologiæ diuinæ munus est, doctrinam tradere eorū omnium, quæ ad habendum Deum valent, spectantque ad eius cognitionem, & amorem; ob id etiam aliqui materias Theologicas distinguunt, in

capita primum ad cognitionem, deinde ad amorem Dei pertinentia. Ad cognitionem autem Dei spectat, & ipse Deus, qui est finis, ac felicitas nostræ; & media, quibus ad Dei cognitionem, & amorem peruenimus, quæ sunt & creaturæ visibiles, ex quibus intelligimus authorem Deum; & gratia inuisibilis, quæ nos iuuat Deus ad sui cognitionem, & amorem: & Christus Iesus filius Dei, cuius meritis Deum assequimur; & Ecclesia, quam voluit Deus esse visibilem magistræ diuinæ doctrinæ; & Sacramenta, per quæ nobis infunditur gratia. Ad amorem verò, amicitiamque habendam cum Deo spectat observatio præceptorum diuinorum. Præcepta autem diuina, alia supernaturalia sunt de fide, spe, charitate; alia naturalia de virtutibus moralibus, quarum quatuor sunt genera, Prudentia, Iustitia, Fortitudo, Temperantia. Sine bonis operibus non potest esse amicitia cum Deo: bona autem opera observatione diuinorum præceptorum exhibentur. Hæc sunt tùm credenda, tùm agenda, quæ & sciri oportet, & fieri, vt vitam æternam, id est, vt Dei cognitionem intuiuiam, & vt diuinum amorem consequamur. Sic vniuersa Theologia summam ad tredecim communes locos redigi potest. Primum de Deo. Secundum de diuinis naturæ, gratiæque operibus. Tertium de Christo. Quartum de Ecclesia militante. Quintum de æterna felicitate, ac Ecclesia triumphante. Sextum de bonis, ac malis operibus. Septimum de fide. Octauum de spe. Nonum de charitate. Decimum de prudentia. Vndecimum de iustitia. Duodecimum de Fortitudine. Decimum tertium de Temperantia.

Præterea ex illo 1. Corinth. cap. 14. v. 19. *Sed in Ecclesia volo quinque verba sensu meo loqui, ut & alios instruam quam decem millia verborum in lingua:* Perfæcta Sacræ doctrinæ partitio, Christianique hominis institutio quinque capitibus comprehendi potest; quibus

D. Pau-



D. Paulus fidelem Dei populum in Ecclesia instruendū esse suo docet exemplo; Hæc sunt, Credenda, ad Titum 3. *Hæc loquere, & exhortare*; Agenda, Matth. ult. *Euātes in mundum &c. docentes eos seruire, &c.* Vitanda, scilicet peccata, Ecclesi. 2. 1. *Quasi à facie colubri fuge*; & Isaïæ 58. *Annuntia Populo meo scelera, &c.* Speranda, scilicet merces æterna 1. Petri 1. *De qua salute exquisierunt, &c.* Timenda, poenæ videlicet æternæ, Matth. 25. *Itē maledicti in ignem æternum*. Horum quinque alia præcipuè pertinent ad fidem, vt credenda; alia ad mores, vt reliqua quatuor, videlicet Virtutes, Vitia, Gloria, Poena. Credenda igitur sunt, quæcumque ad Fidem pertinent Catholi-

cam, in quorum cognitionem præcipuè ducit notitia Verbi Dei, Symboli Apostolorum, Otationis Dominicæ, Sacramentorum, Sacrificiorum. Agendorum numero continentur, Virtutes; Præcepta Dei; Ecclesiæ, consilia Evangelica, bona opera, & eorum fructus; Dona Spiritus Sancti; Gradus Beatitudinis; Vitanda, & fugienda, sunt omnia peccatorum genera, Speranda, quæ ad præmium Christiani certaminis pertinent; Timenda denique, quæ ad malorum poenam. Tantum de præcipuis Sacræ doctrinæ partitionibus, ac methodis, quibus materiæ Theologicæ generatim ordinari, aut distribui possunt.

## SECTIO SECVNDA.

De Methodo veluti se tenente ex parte formæ, quatenus per illam præscribuntur regulæ tractandi materias Theologicas.

### CAPVT PRIMVM.

*Proponuntur regule generales tractandi materias, vel quæstiones Theologicas.*



**A**NTEQVAM agamus in particulari de regulis Theologiæ Speculatiuæ, Moralis, ac Paræneticæ proprijs, primum in hoc capite, vium est generales quasdam regulas, siue canones proferre, quibus vtiliter ad Theologiam accedi, materiæque eius, vel quæstiones tractari possunt; qui claritatis gratia reducentur ad quatuor genera causarum, Efficientis, Materialis, Formalis, & Finalis.

Incipiendo à causa efficienti, per il-

*Biblioth. Theol. Tom. VI.*

lam intelligo, vel Theologiæ doctore, qui eam alijs tradere, vel etiam auditorem, qui eam discere debet, vel, vt vno verbo vtrumque comprehendam, Theologiæ, Sacræve doctrinæ studiosum. Igitur, quod ad illum spectat, qui Theologico studio operam daturus est, in primis requiritur, vt ei sit aptus, & idoneus. Si enim prisca illi philosophi maximè cauere solebant, ac diligenter providere, ne reconditoria humanæ sapientiæ arcana promiscuè omnibus aperirentur, sed cum illis solis discipulis ea communicarentur, quos ad

E

ipfa

ipsa percipienda idoneos cognouissent multo magis id debet habere locum, in maximis, ac præ cæteris omnibus, tum obscurioribus, tum etiam diuiniorebus Sacræ Theologiæ mysterijs, ut satis aperte colligatur primum ex diuinis Scripturis, deinde ex communi Sanctorum Patrum sensu, Christus enim Dominus Lucæ 8. & alibi sæpè, cum vulgo imperito, ac discipulis indiscriminatim loqueretur, solitus erat dicere, (*Qui habet aures audiendi audiat*) quasi significans non deesse plures, qui cum aures habeant, auditu tamen ipso, sensu scilicet intelligentiæ, careant. Paulus quoque Apostolus Hebræor. cap. 5. r. eos ad audienda Dei mysteria ineptos iudicans ait: *De quo nobis grandis sermo, & ininterpretabilis ad dicendum: quoniam imbecilles facti estis ad audiendum.*

Esti enim hæc, & alia similia Scripturæ testimonia intelligantur à multis de secretioribus fidei nostræ Sacramentis; rectè tamen ad ipsum etiam Theologicum studium extendi possunt: si namque omnibus non sunt fidei arcana referenda, multo minus Theologicum studium erit cuius concedendum, quod quidem, perfectam Dei, perfectam fidei cognitionem requirit, atque illa veluti fundamento vititur, ut suo loco abundè probauimus. Quamobrem Sædri Patres Dionysius Areopagita de Cælesti, & Ecclesiast Hierar. Clemens Romanus Recognit. lib. 2. Clemens Alexandrin. Stromat. lib. 1. Origenes lib. 1. contra Celsum, Gregorius Nazianzenus orat. 1. de Theolog. Basilus quæst. 96. Hieronymus in Ezechielem cap. 44. aliique plures vnanimiter docent, quemlibet non esse ad Theologica studia promiscuè admittendum; indeque quod plures ex infima plebe homines imperiti, perditi, ac flagitiosi, contentiōis, pecuniæ, & humanæ gloriæ cupidi, res Theologicas audacter tractare non timeant; putant aliqui tot rixas, & iurgia exordium, sumpsisse, tot perueras sententias

manasse, tot ineptas Scripturæ interpretationes, tot denique mala consecuta, & in Ecclesiam inuicta fuisse.

Vt autem quis censetur tractandis Sacræ Theologiæ rebus idoneus, secundo iidem Patres singularem in eo solertiam, & ingenij acumen desiderant. Licet enim quispiam ex imperito summus repente Theologus Dei dono mirabiliter euadere possit, quod ipsis Apostolis contigisse credimus, nullus tamen apud illustres scriptores legitur, qui deinceps ex stupido ad cognitionis perfectionem perueniret, sed potius Deus, qui pertingit à fine ad finem, foris, & disponit omnia suauiter, ea sibi formauit, & in dies format instrumenta, natureque donis ornat, quæ sint ad Sacram doctrinam aptissima, & ad Spiritus Sancti præstantiora charismata suscipienda opportunè accommodata; ut cum opus fuerit ad Ecclesiæ fructum, & edificationem suo ipse arbitratu illis commodè utatur. Sic Gregorius Nazianzenus ait, orat. 1. de Theologia: *Non ijs sumus, qui vigorem animorum, & acrimoniam in vitio ponamus, sine qua nemo facile insigni aliqua pietatis laude, aut alia virtute præstiterit*: Idque eleganti equi similitudine demonstrat; ac rursus desinens in oratione de modo in disput. seru. quibusnam hominibus facienda sit potestas, diuina, Theologicaque tractandi; *His, inquit, qui animo non sunt omnino tardo, & ignaui*; & paulo infra: *Non cuiusvis est de Deo differere, sed eorum tantum est, qui inter multos habito delictu ad tantum munus videntur idonei, quique contemplandi acuminè cætera antecellunt*. Quod si vnquam, hoc maxime tempore necessariū esse videtur, quo multiplex, ac perinax fidei hostium sensus haud leues requirit veltationes.

Tertiò, qui Theologiam profiteri vult, non solum natura debet esse ingenio acuto, acri, perspicaci, sed humanis insuper præditus disciplinis, primum Grammatica; multumque iuu-

bit

bit si non Latinæ tantum, sed & Græcæ, & Hebraicæ linguæ, quo ad eius fieri possit, non sit ignarus. In omnibus autem Philosophiæ partibus, versatus esse debet. Quatenus, ut suo loco diximus, omnia etiam humanæ doctrinæ adiumenta non parum ad perfectam Sacræ doctrinæ assentionem conferunt.

Quartò, quoniam Theologiæ studiosius potest quidem humanarum scientiarum præsidio, ad Theologicas res cõtemplandas utique se preparare, eas autem intelligere nunquam potest, nisi insuper supernaturalibus cælestiũ charismatum donis augeatur; eum Theologia sit scientia de Deo, cuius principia non solum sunt supernaturalia, verum etiam per se insula, si quidem sunt ipsamet fidei diuinæ essentia; hinc illa in primis imbutum esse vnumquicumque oportet, qui Theologica arcana intelligentia comprehendere experit. Propierea scriptum est. Isa. 6. *Nisi credideritis non intelligetis*; quem locum explicans Cyrillus Alexandrinus lib. 4. in Ioannem ait: *Optimè autem fidem cognitioni preposuerunt, præcedis namque fides, cognitio sequitur, innoxia illud si non credideritis, non intelligetis*. Hunc quoque ordinem seruauit Apostolus 2. Thessalonicenses 3. cũ dixit: *Non omnium est fides, & scientia*; posteriore loco scientiam ipsam collocans; est enim fides, seu primaria quædam basis, & fundamentum, quo semel iactò potest Theologus paulatim cognitionem, quæ in Christo esset superaddicare, ac ita in virom spiritualem euadere. Quam ob causam idem Apostolus 1. Corinth. 3. dicebat: *Secundum gratiam, quæ data est mihi, ut sapiens Architectus fundamentum posui, alius autem superadificat argentum, & aurum, & lapides preciosos*. Quæ verba exponens Clemens Alexandrinus lib. 1. Stromatum ait: *Hæc sunt ædificia cognitionis, quæ ponuntur super fundamentum fidei, quæ est in Christo Iesu, stipula autem sunt, quæ offeruntur, & dedignantur*

Biblioth. Theol. Tom. VI.

*ab hæresibus, & ligna, & fenem*.

Quintò, eharitatẽ quoque in Theologiæ studio desiderant Patres, non solum ad scientiæ tumorem comprehendendum, dicente Apostolo 1. Corinth. 8. *Scientia inflat, charitas verò edificat*; sed etiam ad Theologicas veritates facilius penetrandas; iuxta eundem Apostolum Ephel. 3. *In charitate radicati, & fundati, ut possitis comprehendere*; Vnde Clemens Romanus lib. 3. recognitionum ait: *Quod sicut montes, & terram Cæli ambitu (Deus scilicet) circumdedit, ita & veritatem charitatis suæ velamine contexit, ut ille ad eam solus peruenire possit, qui prius ianuam dilectionis diuinæ pulsauerit*; & rursum: *Hi verò, quæ eius affectum minime concepere, nec illuminatam charitatem eius gerunt, mente velut in tenebris positi, lucem videre non possunt, & idè etiam prius quàm incipiant requirere de Deo, quasi labore oppressi statim desiciunt*. Cui contentiens D. Augustinus lib. 32. contra Faustum cap. 18. ait: *Per charitatem peruenitur ad plenitudinem scientiæ: non intratur in veritatem nisi per charitatem, quod alibi sæpius docet, ac repetit*.

Sextò, à eharitate autem non est separanda fidelissima eius socia humilitas; ut enim Philosophi sine ea, teste Ambrosio lib. 1. de Vocat. Gentium c. 11. *Discentes se esse Sapientes, hoc est non in Deo, sed in semetipsis gloriantes, quasi ad veritatis inspectionem suis studiis, atque rationibus propinquassent, enauerunt in cogitationibus suis; Et quod illuminante Dei gratia innuerant, obcurati superbia perdidierunt*; ita per oppositum lumen intelligentiæ humilitas aperit; clamat enim Sapientia Proverb. 9. *Si quis est paruulus veniat ad me*; & Christus Dominus Matth. 11. ait: *Confiteor, tibi Pater, Domine Cæli, & terra, quia abscondisti hæc à Sapientibus, & prudentibus, & reuelasti ea paruulis*; ut omitam plura alia tam Sacræ Scripturæ, quàm Sanctorum Patrum testimonia, quibus clarè asseritur, sine humilitate arcana diuinæ sapientiæ mysteria intelli-

E 2

telli.

telligi nequaquam posse.

Septimò, mirum etiam in modum Sancti Patres laudant, in Theologiæ studio diuiniarum rerumque mundanarum contemptum; *Cum enim corporalibus, inquit Athanasius orat. contra Idola, commercijs non immisceatur mens humana, neque ullam ex rebus extraneis admixtam trahit cupiditatem, sed sibi tota adest, ut à principio condita fuit, tunc sensibilia, & omnia humana transcendens in sublimem euolat. Idem docet Diadocus cap. 66. explicans illud Psal. 77: v. 21. Pauper, & inops laudabunt nomen tuum; Nec enim, inquit, charisma Theologiæ est tractationis Verbi Dei, ulli ab eo preparatur, nisi se ipse ita preparauit, ut præter gloriam Euangelij Christi omnium bonorum suorum relinquas possessionem, ut in paupertate Deo amica diuitias Euangelij regni Dei prædices.* Adcò vt Theologica scientia sit veluti pretiosa margarita, qua semel inuenta, eius studiosus, si non effectus, saltem affectu debet relinquere omnia, vt comparet eam.

Octauò, cum vera Sapientia, testes Salomone, illi tantum communicetur, qui purgato à vitijs animo vnâ virtutem complectitur; certè Sacræ doctrinæ, in qua diuina Sapientia continetur, studium agredi capienti, illud in primis elaborandum est, vt præter animi solertiam, cor insuper omni iniustitia mundatum habeat: vndè Ecclesiasticus 1. 33. *Concupiscis, inquit, sapientiam, serua iustitiam, & Dominus probabit eam tibi.* Et Gregorius Nazianzenus in orat. 1. de Theologia docet: *Non cuiuslibet esse de Deo differere, sed his dumtaxat hoc munus incumbere, qui exactissimè explorati sunt, contemplandique acuminè excellunt, qui etiam, & corpus, & animam à vitiorum sordibus purgarunt: aut, ut parcellimè loquar, iam in hoc toti sunt, ut se à vitiorum labibus purgent.*

Nonò, quia ad Theologum pertinet ferre iudicium de sententijs, quæ scilicet, ad fidem, quæ ad opinionem pro-

pius accedant, quæ hæretica propositio, quæ hæresim sapiens, quæ malè sonans, quæ reuerentia, quæ periculosa, quæ noua, quæ probabilis, quæ vera; vt id præstare possit, & cuique doctrinæ iustum pondus attribueret, in regulis fidei, siue locis Theologicis exercitatus esse debet.

Decimò, nisi aliqua doctrina, vel opinio sit apertè censura digna, Theologus ab illa abstineat, nec vnquam absolute dicat, scribat, doceatque, opinionem, quæ est controuersa inter Doctores Catholicos, & eorum scholas, esse de fide, sed ad summum illius verba sint, hæc opinio mihi videtur esse de fide; Auctoribus istis videtur esse de fide, alij tamen negant, &c. præterquam quod enim facilitas in censurando, leuis iudicij, ingenijque, non raro signum, & argumentum est, grauissimè etiam peccari potest in asserenda aliqua opinione tanquam de fide, dum hæc probabilem habet aliarum scholarum, vel doctorem expositionem.

Primò, contra charitatem, quis enim, non grauiter offenditur, cuius sententia tanquam hæretica damnatur, ex nò vrgenti, ac euidenti testimonio. Secundò contra iustitiam, constat enim in, teruenire in eo facto, veram aduersus talis opinionis Autorem iniuriam, contra verum, & proprium ius famæ. Tertiò contra obseruantiam sacræ doctrinæ, vel scripturæ debitam; malè enim merentur de scriptura, qui eam, quæ per se latissimè patet, & variarum sententiarum, arque interpretationum est capax, ad suæ opinionis angustias coarctare, & coangustare volunt. Quartò, contra fidem ipsam, si quis enim pertinaciter defendat sensum talem, aut opinionem talem, non quia fidei, vel scripturæ, sed quia propria, si postea constet germanus, verusque sensus, facillè hunc reiiciet, adeoque ille, qui hæreticum alium appellauit, verè in hæresim incurret. Quamobrem D. Augustinus lib. 1. de Genesi ad litteram, cap. 18. monet, *Vt in rebus obscuris, at-*

que

*que ab oculis nostris remotissimis, si qua in Scriptura legimus, qua possunt salua fide, qua imbuimur, alias, atque alias parere sententias, in nullam illarum nos precipiti affectione ita proyiciamus, ne si forte diligentius discussa veritas eam labefactauerit, corruiamus, non pro sententia diuinarum Scripturarum, sed pro nostra ita dimicantes, ut eam velimus Scripturarum esse, qua nostra est; cum potius eam, qua Scripturarum est, nostram esse velle debeamus. Quinto, huiusmodi faciles, ac precipites censuræ, vel suffusiones Theologorum Catholicorum per alios Theologos Catholicos scandalo sunt non solum fidelibus, verum etiam hæreticis; ita vt in nos ipsi retorqueant, quod plerosque Sanctos Patres hæreticis obieisse nouimus, Cyprianum, Epiphanium, Augustinum lib. 18. de Ciuit. Dei cap. 5. Irenæum lib. 1. c. 5, Virgilium lib. 2. & 4. contra Eutychem, & alios: perpetuas, inquam, & inconciliabiles inter eos animorum abiunctiones, & dissidia, dum alij in alios grassantur, ac seuiunt.*

Vndecimò, cum etiam ad Theologum spectet examinare reliquorum omnium scientificorum doctrinas, ac opiniones, an sint conformes regulis fidei; caueat ne sententiam ferat, nisi optimè calleat aliarum scientiarum principia; priusque diligenter discutiat, an repugnet reipia fidei, vel Scripturæ alicui expresso loco talis opinio, quæ asseritur ab insigni Philosopho, Mathematico, aut alio; adeò vt illæ Scripturæ locus nullam aliam congruam vel probabilem admittere possit interpretationem.

Duodecimò tandem, licet interdum argumentum, de quo agitur, & aduersarij malignitas, mordacitatem in scribendo honestare possit; vt satis patet exemplo multorum Sanctorum Patrû, qui alias temperatissimi, & mitissimi, tamen ad comprimendum hostium Ecclesiæ furorem, vel ad respondendum stulto, secundum stulticiam suam, nullis asperis, & acerbis verbis peper-

cerunt; vt notauimus supra lib. 4. Theologus tamen ab illo scribendi genere plus iusto, piperato, & salito, quod Tullius in 2. ad Attie. Theopompium vocat, abstinere debet, vt in omnibus se præbeat exemplum modestiæ, charitatis, & iustitiæ. Quod sanè præstabit, sicut, & alia omnia ad Sacræ doctrinæ intelligentiam, vel tractationem necessaria, si à Deo illa continuis precibus efflagitauerit; exemplo Regij Prophetæ, qui sollicitè orabat Psal. 118. *Da mihi intellectum, & scrutabor legem tuam; item: Reuera oculos meos, & considerabo mirabilia de lege tua; Et Salomonis Sapientiæ 8. Dixi, inquit, ex precordijs meis: Da mihi Domine sedium tuarum assiditricem sapientiam.* Quare ait Augustinus lib. 3. de doctrina christiana cap. 37. *Non solum admonendi sunt studiosi venerabilium litterarum, ut in Scripturis sanctis genera locutionû sciant, & quomodo apud eas aliquid dici solet, vigilanter aduertant, memoriterque retineant; verum etiam quod est precipuum, & maximè necessarium orent, ut intelligant. In eis quippè litteris, quarum studiosi sunt, legant, quoniam Dominus dat sapientiam, & à facie eius scientia, & intellectus, à quo & ipsum studium, si pietate præditum est, acceperunt.* Tantum de regulis ex parte causæ efficientis, siue de dispositionibus, quibus Theologiæ studiosus ad eam vtiliter accedere, eam tractare, in eaque versari debet.

Quod spectat nunc ad causam materialem, per illam intelligimus quæstiones ipsas, vel conclusiones, quæ in Sacra doctrina tractari possunt, ac debent; materiæ enim Theologiæ, cum in dubium vocantur, quæstiones sunt, cum autem ratione coguntur conclusiones. At quia multa de quæstionibus, tam à Dialceticis, quam à Rethoribus traduntur; primi enim docent quæstionem omnem mediij esse, haberique semper de definitione, genere, proprio, vel accidente, de vnoque verò quæri; An sit, Quid, Quia, & Propter quid;

Retho-

Rechtores autem, honesto, vtili & iusto, vel tempore præsentis, præterito, ac futuro quæstiones distinguunt, atque aliam facti, aliam iuris esse dicunt, illis omnibus omisissis, ea solùm hic notabimus, quæ rectum in Theologia quæstionum vsum aperire possunt, secundùm quod quæstio est inuestigatio rei incognitæ, quæ nodi propositi solutione terminatur, vel propositio, quæ aliquid debium ad probandum cum interrogatione proponitur, sic vt eadem propositio, cum fuerit per aliquod medium probata, dicitur conclusio.

Primum igitur, cum Sacra Scriptura, nunc timidos, & otiosos homines ad rerum diuinarum inuestigationem, scrutationemque hortetur; nunc verò audaces, & curiosos earundem rerum inquisitores arguat, & ab inquirendo deterreat, Lucæ 1. 2. & 20. Ioann. 5. Eccl. 3. 1. Reg. 2. 1. Timot. 1. 2. & 6. Quod etiam passim faciunt Sancti Patres, inde colligitur aliquem in rebus diuinis tractandis, & querendis modum adhibendum esse; ita vt non quæcunque quæstio laudanda, nec quælibet vituperanda sit, sed potius quæstionum genus vniuersum sit, & indifferens; cuius species aliæ sunt laudabiles, aliæ verò reprehensione dignæ: vt docet Gregorius Nazianzenus in Matt. c. 19. dum ait, Christum Dominum, quasdam quæstiones soluere, & explicare sollicitum fuisse, quasdam comprimere, atque obstruere: & addit, nos idem ad imitationem Christi facere debere. Ne in alterum extremum, aut nihil, aut nimium querendo, delabamur.

Secundò ad habendum hunc quæstionum in re Theologica delectum, obseruandum est in omni quæstione constituenda duo potissimum reperiri, rem scilicet de qua queritur, & personam, quæ vel inquirat, vel propositam quæstionem explicat. Nomine autem rei, non solum intelligitur ea, quæ ipsi quæstioni subijcitur, siue quæsitum ipsum, sed etiam quidquid ad illius solutionem conducit, vt est, medium,

quod in hunc finem assumitur. Insuper quoniam vnaquæque res proprium ac certum nomen habet, in quæstione rei possumus spectare duos, & nomen rei, de qua queritur, & eiusdem rei naturam; quæ res iterum, vel est omninò perse nota, hoc est sensui, aut rationi prorsus manifesta, vt si queratur, an ignis sit calidus, aut totum maius sua parte; primum enim sensus manifestè testatur, secundum autem explicatis semel terminis ita manet rationi perspectum, & exploratum, vt nullum dubitationi locum relinquat; vel est prorsus ignota, ita vt eius veritas nullo penitus modo attingi possit; vel denique huiusmodi, quod licet sit ignota, nihilominus aliqua inuestigatione fieri potest nota. Huius autem tertij generis res, quæ in disputationem veniunt, aliæ sunt quæ sensu, & ratione cognosci possunt, vt sunt quæ in humanis scientijs tractantur; aliæ verò quæ solo fidei lumine percipiuntur: quarum aliæ rursus ad fidei principia pertinent, & ab omnibus aliqua parte cognosci possunt, & debent; aliæ verò quæ ex talibus principiis deducuntur, vt sunt quæ propriè facultati Theologicæ subijciuntur: demum aliæ sunt, quæ in hac vita ingenij humani imbecillitate percipi nequeunt: sed percipiendæ beatiss in cælo referuntur. In omni tandem quæstione possumus considerare, tum honestatem, cum solum honesta percontari liceat, tum vtilitatem, cum id querere debeamus, cuius inuentio sit futura vtilis.

Tertiò, colligitur ex dictis, omnem in querendo laudem, aut culpam, vel ex quæsito, vel ex medio, vel ex persona spectandam esse; ita vt illa quæstio laudabilis dicenda sit, in qua uulla fuerit culpa ex prædictis capitibus, vitiosa verò, cui aliqua obuenerit, prout in particulari explicabitur sequentibus regulis, discurrendo per singula quæstionum genera.

Quartò igitur, quod pertinet ad quæstiones de nomine, obseruandum erit,

an no-

an nomina immutata, seu nouè prolata, idem penitus quod vetera, à Scripturis, & Patribus usurpata significet, vel aliquid diuersum; si idem prorsus significet, an id certum sit, vel incertum; si quid autem diuersum, similiter, an id certum sit, aut ambiguum, ut quando nomen plures haberet significationes, & dubium esset, an cum diuina Scriptura, aut traditione à Patribus accepta conueniret. Casu quo quæstio nouarum vocum, aut nominum esset, quæ idem prorsus significarent, quod nomina vetustiora à diuinis literis, & sacris doctoribus vñtata; idque, vel ex approbatione, & vsu Ecclesiæ, vel ex euidenti ratione certò constaret; tunc ut ex parte eius, qui talia nomina impugnaret, quæstio vituperalis esset, ita per oppositum laudabilis censeretur deberet, ex parte alterius, qui illa retinenda esse contenderet. Hæc prima regula, quò ad eas voces, quas idem significare certa ratione constaret, &c. colligitur ex Diuo Augustino tract. 97. in Ioann. sub finem. Sunt & doctrinæ, inquit, religionis congruentes verborum, nouitates, sicut ipsum nomen Christianorum, quando dici cæperit scriptum est in Antiochia enim primum post Ascensionem Domini appellati sunt Discipuli, Christiani, sicut legitur in Actibus Apostolorum; & Xenodochia, & Monasteria postea sunt appellata nouis nominibus, res tamen ipsæ, & ante nomina sua erant; & Religionis veritate firmantur, quæ etiam contra improbos defenduntur, Aduersus impietatem quoque Arrianorum hæreticorum, nouum nomen Patres Homoousion condiderunt, sed non rem nouam tali nomine signauerunt; hoc enim vocatur Homoousion, quod est, Ego & Pater vñum sumus, vñius videlicet, eiusdemque substantiæ, nam si omnis nouitas prophana esset, nec à Domino diceretur, mandatum, nouum do vobis, nec Testamentum appellaretur nouum, nec cantaretur in vniuersa terra Canticum nouum.

De eadem voce Homoousio, quam Arriani, ut nouam auersabantur, & ex cuius horrore Catholicos per probrum vocabant Homoousiastas, ut scribit S. Basiliius epist. 73. & S. August. contra Arrianos cap. 36. de prædicta, inquam, voce, licet ante Concilium Nîcenum usurpata ab aliquibus Patribus, Dionysio Alexandrino in epist. ad Paulum Samosatenum, Gregorio Thaumaturgo in Anathematismis, tamen adò infrequenter, ut tempore Nicæni Concilij, potuerit noua videri, sic discribit S. Hilarius lib. contra Constantiũ. *Disce prius si rectè dici putas: Nolo aduersum noua venena novas medicamento- rum comparationes; & nolo aduersum novos hostes, noua bella: nolo aduersum novas insidias, consilia recentia. Si enim Arriani hæretici, idcirco homoousion hodiè existant, quia prius negauerunt, non ne in hodiè idcirco refugis, ut bi nunc quoque denegent? Nouitates vocum, sed prophanas deusari iubet Apostolus. Tunc cur pias excludis? cum præsertim ab eo dictum sit, Omnis scriptura diuinitus inspirata utilis est; inuasibilem, scriptum nusquam legit, nunquid & hoc negandum erit, quia nouum est? Hæcenus Hilarius loco citato, & lib. de Synod. docet, nomen nihil habere criminis, quod sensum non perturbat religionis. In eandem quoque sententiam scribit Athanasius in epistola ad Syn. Arim. Nihil referre, si quis voces in Scriptura non repertas usurpet, quandiu pias sententias complectitur. Tandem, ut alios omittam Patres, quos refert Elpencæus in Paralipom. ad Epistol. 1. ad Timoch. digressi. 5. huic regulæ finem imponet S. Vigilius in disputat. Laodicena, Athanasij nomine cum Ario, cuius ipse est author; Ecclesiastica semper moris fuit disciplina, si quando hæreticorum noua doctrina, exurgit, contra insolentes quæstionum nouitates, rebus immutabiliter permanentibus, nomen vocabula immutare, & significantius rerum naturas exprimere. Ex quibus omnibus satis colligitur noniloquium aliquod cum verita-*

veritate antiqua consentiens, posse in Ecclesia admitti.

Secunda regula. In rebus, aut quæstionibus Theologicis pertractandis, noua vocabula, quæ expressè aliquid contrarium, aut diuersum ijs, quæ reperiuntur in Sacra Scriptura, Patrumve decretis, aut certè non ita benè eandem rem significant, sunt omninò tanquam periculosa reiicienda. Ad huius regulæ probationem facit primùm illud Apostoli 1. Timoth. cap. 6. v. 20. *O Timothee depositum custodi deuotans prophanas vocum nouitates.* Secundò, quod hæretici, vt fidei nostræ veritates corrumpere, & euertere similes semper voces introducere conati sunt, sic Arriani in Concilio Arimineni nomine *consubstantialitatis*, siue Homoousio abdicato, nomen Homoiousion siue similis substantiæ, aut essentiæ dosè stabilire conati sunt, vt indè facilius Christum creaturam esse demonstrarent, quæ potest quidem dici ad imaginem, & similitudinem Dei, non autem vnus, vel eiusdem essentiæ, aut substantiæ cum illo; vt rectè in alio negotio docet Origenes comment. in Iob ad cap. 37. Vnde notandum est ibi Genebrardum margini apposuisse correctionem textui aduersantem. Censet enim textum esse corruptum, & legendum esse Homoiousion, sed hallucinatur. Præclare enim negat Origenes quicquam esse Deo Homoousion, id est vnus essentiæ, vel Homousion, id est eiusdem essentiæ, quia intendit pun gere Marcionem, qui humanas animas eiusdem cum Deo essentiæ statuebat, vt Theodoretus est autor tractans eius hæresim. Sic Nestoriani reiecto nomine Theoroto, id est Dei genitricis, nomen Theodocon id est Dei susceptricem asserere voluerunt, vt ita Beatissimæ Virginis Mariæ Dei maternitatem sub nomine ambiguo exploderent. Sic denique innumeras huius generis voces nostrorum temporum Hæretici in vsum duxerunt, vt pro, verbo, sermonem; pro Ecclesia, congregatione;

pro Sacramento, secretum; pro Presbytero, seniore; & sexcentas alias, de quibus legendus est Nicolaus Sandærus lib. 1. de Schif. Anglic. De hac quoque materia in vniuersum consulendus est aureus Vincentij Lyrintensis libellus dictus Commonitorium.

Tertia regula. In explicandis materijs Theologicis, vitanda sunt noua vocabula, ambigua, vel æquiuoca. Cum enim æquiuoca sint illa, quorum nomen est commune, rationes verò per illud significatæ simpliciter diuersæ; timendum esset, ne sub huiusmodi nominum communitate introduceretur aliqua diuersitas dogmatum; præsertim si hæretici ad aliquem errorem, cõfirmandum talia nomina versutè deflecterent. Quam ob causam cum prius Sancti Patres promiscuè his diabus vocibus, *Vsia*, & *Hypostasi*, vterentur, postea animaduerso quod hæretici sub aliquali harum duarum vocum ambiguitate tres naturas, & substantias introducerent, illarum significationes distinxerunt; vnam dicentes *vsiam*, id est substantiam, & tres hypostases, hoc est, tres personas. At si diuersa talium nominum significata, nihil sanè doctrinæ contrarium haberent, aut saltem, certum non esset, quia à Sanctis Patribus aliquando vsurpata, nusquam autem ab hæreticis detorta ad alicuius falsi dogmatis confirmationem, vel ab Ecclesia reiecta, aut certè in suspicionem adducta, posset quis licitè huius generis vocabulis, vel nominibus vti, præsertim in ijs rebus explicandis, in quibus variè opinari, ac diuersè sentire licet. Tantùm de regulis, pro nominum quæstionibus, nunc sint pro quæstionibus, ex parte rerum, vtrumque enim ad causam materiale quæstionum Theologicarum pertinere superius annotauimus.

Quarta regula. Si Theologo nouiloquium, siue nouitas in nominibus, modo superius explicato, fugienda est, multo magis in rebus fidei; in illis enim Sancti Patres vnanimiter docent nouita-



nouitatem, idem esse, quod error, vel doctrina improbanda. S. Basilius lib. de Spiritu Sancto cap. 29. & epist. 62. in Laudibus Eusebij Neocesariensis; Nazianzenus orat. 33. S. Hieronymus epist. 65. n. 24. S. Augustinus lib. de utilitate credendi cap. 1. alijque plures, quos refert Radolphus de Riwo lib. de Canon. obseruantia propof. 6. Salmeron. tom. 8. tract. 2. Nouam tamen rerum fidei illustrationem vitio verti non debere, proindeque damnandum non esse Scriptorem eam inferentem, ita vt cum dicat nouè, non dicat noua; communis est eorumdem Patrum sententia, Vincentij Lyrinensis in commonit. cap. 27. S. Ephrem serm. de transfiguratur. Origenis homilia vnica in libros Reg. Chrysostomi homil. 3. in Genesim; Cassiani collat. 8. cap. 3.

Quinta regula. Quamuis nouæ sententiæ Theologicæ ex diligenti Scripturarum, & Patrum expansione fabricatæ, nec vlla in re conuellentis doctrinam fidei, idcirco improbari non debeant, quia ab anterioribus non sunt traditæ; tamen tam in his, quam in alijs etiam humanis disciplinis, improbanda omnino est ingeniorum quorundam prurigo nouandi, præsertim vbi nulla ex causa, vel deficiente aliqua ratione valida, receptissimæ apud omnes retro antiquos doctrinæ contradiceretur, aut tandem ex nouitate in re philosophica, alteriusue disciplinæ naturalis propria, periculum esset oblædendi Sacram doctrinam, siue directè, siue indirectè; Vide Ioannem Gersonem tom. 1. in epistola ad Studentes Collegij Nauarræ, & in tract. de examinatur. doctrin. par. 2. considerat. 1.

Sexta regula. Vti de rebus, vel sensui, vel rationi omnino manifestis longas saltem quæstiones instituere, superfluum esse docent Patres, ita & temerarium, examini subijcere, quæ mentis nostram transcendunt, & tentare intelligere, quæ intelligere impossibile est.

*Biblioth. Theol. Tom. VI.*

Clemens Alexandr. lib. 5. Stromat. Cyrillus pariter Alexandrinus lib. de recta fide; S. Gregorius Nazianzenus orat. 1. de Theologia aduersus Eunomianos; De his solum, inquit, dissendendum est, quæ ingenij nostri modulum, captumque auditoris non excedunt; quod sequentibus deinceps exemplis probat; Ne alioqui, vt nimia vocis intentio, atque immodicus cibus, aures, & corpora labefactat, itidemque Sarcinæ viribus grauioribus subuentum humeros, ac crebriores plauis terram opprimunt: ita etiam auditores, quæstionibus grauioribus, ac durioribus oppressi, atque confecti, pristinas quoque vires amittant. Et in hoc sensu debent intelligi quædam Sacræ Scripturæ, & Patrum autoritates, cum nos à rerum diuinarum cognitione, & tractatione deterrent; de illis nimirum quæstionibus, quæ intelligentiam nostram omnino effugunt: fusiorem huius regulæ explicationem vide apud Euangelistam Bosium in Theorematibus Theologicis Theorem. 5.

Septima regula. Illæ etiam quæstiones vitari debent, & pro inanibus haberi, quæ in rebus inutilibus, & superuacaneis versantur. Hæc regula colligitur ex D. Paulo in epist. ad Titum cap. 3. monente ipsum, vt stultas quæstiones, & genealogias, & contentiones, & pugnas legis deuiter. Idemque passim docent SS. Patres, inter quos videndi sunt speciatim Clemens Alexand. lib. 5. Stromatum, Chrysostomus in epist. ad Ephes. cap. 3. & Augustinus lib. 2. de Genesi ad litteram.

Octaua regula. Quæstiones, quamuis aliàs honestæ, & laudabiles, vbi ratione personarum, locorum, & temporum redduntur incongruæ, ac periculosæ, vitandæ sunt. Hanc regulam primum docuisse videtur Christus Dominus Ioannis cap. 16. dum ait: *Multa habeo vobis dicere, sed non potestis portare modo.* Paulus etiam Apostolus, quædam maiora mysteria scribit ad Hebræos cap. 5. se reticuisse, quod imbecil-

becilles facti essent ad audiendum. Eandem doctrinam, ut antiqui Patres diligenter seſuarunt, ira etiam & in varijs locis illam tradiderunt, Origenes homil. 12. in Genes. Gregorius Nazianzenus loco superius citato, Augustinus tract. 33. in Ioannem cap. 12. alijque plures. Quæ autem cuique personæ, loco, & tempori sint accommodare quæſtiones, prudenti doctorum iudicio relinquunt; consilique de illis potest præfatus Bosius in Theorematis Theologicis.

Nonæ regula. Quamvis aliquæ quæſtiones ad humanas ſcientias pertinent, tamen budabiliter in Theologia tractari possint, præſertim ubi ad aliquam eius veritatem explicandam conferre possunt, vel ubi ad regulam illius corrigenda essent aliqua dictarum ſcientiarum errata religioni quomodocumque aduerſantia; cum sit omnium illarum domina; ut plurimum tamen à Theologicis materijs debent arceri huiusmodi quæſtiones, ad imitationem SS. Patrum, qui optimi fuerunt Theologi, & tamen illis sua scripta non replerunt; ut optimè notavit Carbo lib. 4. introd. in Theolog. cap. 15. Hactenus de regulis ad causam materialem spectantibus, nunc ad formalem veniamus.

Per causam formalem materialium, seu quæſtionum Theologicarum, methodum intelligo, qua tractari debent; cum autem duplex sit methodus naturalis, potissimum ſcientijs deferens; Compositionis videlicet, qua progredimur à simplicioribus, & prioribus ad magis composita, & posteriora; & Resolutionis, qua per oppositum progredimur à magis compositis, & posterioribus, ad simpliciora, & priora. Prima sit regula. In tradenda Sacra doctrina, tractandave eius materijs observari debet methodus compositionis; pareat, quia, ut methodus resolutionis est accommodatior ad artes inveniendas: nam ex nozione ſinis artes sunt adiuvant; ita methodus compositionis est magis apta ad tradendas

disciplinas, præſertim ſpeculativas, inter quas primum obtinet locum Sacra Theologia. Deinde quia ars imitatur naturam, vnde cum hæc in ſuis operibus progrediat, vel à simplicibus ad composita, ut patet in elementis, ex quibus procedit ad mixta; vel ab universalioribus ad minus universalia, ut patet in generatione humana, in qua prius embrio est vivens; deinde animal; & postea homo; conſequens est ut disciplina, vel ars quælibet tradenda sit methodo compositionis, progrediendo à simplicioribus & prioribus, ad magis composita, & posteriora; quod quatuor modis contingere poſſe docent Dialectici, de quibus vide Collegium nostrum Complutenſe diſp. 1. Proem. quæſt. ultima.

Materijs Theologicis iuxta præcedentem methodum per ſuas quæſtiones, ac diſputationes ordiatur; de quolibet deinceps inquirendum est primò, an sit. Secundò, quid sit, tam quid rei, quam quid nominis. Tertiò, quotuplex sit. Quartò, propter quid sit. Ex illis enim capiabus, veluti ex quatuor fontibus omnium poſtea quæſtionum ſcivili multiplicantiur, quæ circa unamquamque rem excitari poſſunt: In ſingulis deinde quæſtionibus, diligenter earum titulus explicandus est, quidque in illis controuertatur apertendum, ubi res ſpecialem aliquam difficultatem habent, nihil est enim, quod magis aperiat viam ad ſolutionem illius, & ſerè ſeipſo ſoluat, quam recta poſitio doctrinæ, & veritatis. Secundò diuerſitas opinionum in quæſtione propoſita adduci debet. Tertiò propria authoris ſtabilienda est; apertiendo omnia illa principia, & fundamenta vnde efficacius probari poſſeſt, Vltimò oppoſitarum ſententiarum obiectiones, ſiue argumenta adducenda ſunt, & ſolvenda; quamvis aliqui eaprimo loco proponere, & vltimo diſſolvere ſoleant, quod arbitratum est.

Tandem, quatenus ad causam formalem reduci etiam poſſeſt qualitas

ſtyli,

CAPVT I.

*Afferuntur regule pro Theologia potissimum Speculatiua.*

styli, quò res Theologicæ tradi, aut pertractari debent. Vltima sit regula. Preferendus est ille stylus, qui rebus de quibus agitur, exprimendis, aut explicandis magis est accommodatus, atque adeò stylus planus, & perspicuus, non comptus, aut fucatus. Si enim docuit Seneca epist. 100. *Orationem sollicitam Philosophum non decere*; multò magis id de Theologo asserendum videtur, qui delectum potissimum rerum, non verborum exquirere, ac de veritate plusquam de ornatu satagere debet. Quamobrem si Theologi subindè vtuntur nominibus apud Latinos non ita vsitatis, quia tamen summè sunt necessaria ad penetrandas res, de quibus disputatur, non statim sunt fastidiosè contemnenda; nam vt benè inquit Augustinus lib. 4. de doctr. christ. cap. 11. *Quid obest clavis lignea, si per eam id quod volumus aperire licet.*

Cum Sacra doctrina, vt suo loco vidimus sit scientia speculatiua simul, & practica, diuinæ enim sapientiæ quædam impressio est, quæ eadem & speculandi vim habet, & agendi; atque adeò fines, quibus omnis Theologica disputatio, vel quæstio circumscribitur, sint, primarius quidem naturæ diuinæ notio, & contemplatio per Dei potentias, virtutes, & proprietates explicata, postremus autem earum rerum actio, quæ ad mores sunt, ac benè, beatèque viuendum necessaria; hinc quoque ad Sacræ doctrinæ causam finalem dicenda sunt potissimum spectare, omnes illæ regulæ, quæ vtrumque promouere, vel ad vtriusque perfectionem dirigere quomodocumque possunt, de quibus agitur in sequentibus capitulis, viderique potest Evangelista Bosius Theorem. Theolog. 6.

**Q**uamuis Sacra doctrina sit vnus simplex habitus, quia tamen, per ordinem ad diuersos fines, diuersæ quæstionum generæ, alterum cognitionis, alterum actionis, diuersas etiam suscipit denominationes Speculatiuæ, & Practicæ, siue moralis, ideò in hoc capite agemus de regulis illius, secundum primum munus, hoc est, prout se extendit ad quæstiones primi generis, quarum finis est scientia, vt si queratur, Pater, & Filius sint ne vnum principium Spiritus Sancti, an duo? Diuinæ personæ an proprietatibus relatiuis, an absolutis cõstituantur? Cum autem huiusmodi quæstiones sint in multiplici differentia; Aliæ enim sunt naturales, quarum videlicet, cur ita, sint, ratio luminis naturæ peruiã reddi potest; aliæ supernaturales, quæ ex supernaturalibus tantum principiis definiuntur; aliæ mediæ, quæ partim ex supernaturali principio, partim ex principio naturali pendent. Primi generis sunt, Num Deus sit immensus, num immutabilis, &c. Secundi, Num Deus sit Vnus, & Trinus; Tertij, sit ne Christus risus? habeatne duas voluntates, & intellectus duos, duasque item vtriusque potentie operationes. Rursus Theologicarum quæstionum, aliæ sunt, quæ ad fidem spectant, vt, an in Christo duæ sint nature, vnãvè duntaxat persona? an anima eius simul atque Verbo fuit vnita, Deum clarè viderit? Aliæ vero sunt, quæ in vtramque partem & ignorari, & negari sine fidei iactura possunt; quarum plura refert exempla D. Augustinus lib. 2. de peccato Originali contra Pelagium, & Cælestium cap. 23. V. g. cum queritur, qualis, vel vbi fuerit Paradisus, vbi constituit Deus primos parentes, cum tamen fuisse illum Paradisum Fides

Christiana minimè dubiter. Vel cum quæritur, ubi sint nunc Elias; & Enoch, quos tamen non dubitamus in quibus nati sunt corporibus adhuc vivere, &c. Ex his tamen quæstionibus obseruandum est, nonnullas esse, quarum agitaro, liberave inter Doctores discussio subindè prohiberi debet, quod inducant diffidia, atque tumultus in populis, cuiusmodi fuere quæstiones de auxilijs diuinæ gratiæ, vltimis his temporibus. Cum denique non eodem modo differendum sit de ijs, quæ quærimus vt exponamus, ac de alijs, quæ quærantur, vt demonstremus vltimo loco, quæstiones Theologicæ diuidi possunt in expositiuas, & demonstratiuas.

His prænotatis, præter iam addoctras superiori capite regulas communes tractandis omnibus materijs, & quæstionibus Theologicis, quæ sequuntur magis sunt propriæ Speculatiuis, Prima, cum Sacra Theologia procedat ex reuelatis, ita vt formalis ratio sub qua eius sit virtualis reuelatio, hoc est principia fidei in formam syllogisticam redacta, tam in his, quæ naturaliter, quàm in his, quæ diuinitus, seu supernaturaliter solum cognosci possunt, verus Theologus eas potissimum probare debet, ex dictis principijs verbo Dei adæquatè contentis, tum scripto, tum tradito, vt suo loco fusè explicuimus.

Secunda, cum nulla res, aut conclusio afferenda sit à vero Theologo, quàm non probet, aut non possit probare ex verbo diuino adæquatè, vt dicebam, contento in Scriptura, & traditione, debet in primis omnia Sacra Scripturæ loca huic fini accommodata perspecta habere, & adducere, nec noua explicare, quinam certi, quinam probabiles, & quinam improbabiles illorum sensus, siue literales, siue mystici, siue accommodatiui; quos duos vltimos certum est, valde etiam familiares fuisse Patribus, in homilijs, sermonibus, alijsque tractatibus coram populo maximè habitis, atque adeo

non omnia Scripturæ loca, eorumque sensus esse equè alicuius conclusionis probatiua. Et quia etiam negari non potest, quin à propria significatione multæ Scripturæ voces detorquendæ sint, si à veritate alienas haud esse nolimus, id quoque ex ipsamet Scriptura, quantum fieri potest, declarandum est, varijs inter se collatis eius locis, nec à propria vnquam significatione recedendum est, nisi aliquod sequatur absurdum, vnusque Scripturæ locus sit alteri contrarius, aut his deficientibus afferatur aliqua ratio reipso probabilis, cur adhuc à propria verborum eius significatione recedendum sit. Quod si huiusmodi significatio nobis ex Scriptura innotescere non possit, tunc à Philosophis, aut alijs, communem modo loquendi desumi etiam posset, dummodo non obstatet vnanimi Patrum consensui, vel Ecclesiæ definitioni, aut vsui.

Similiter, quia deficiente Scriptura, sæpè recurendum est ad sacras traditiones, pro alicuius veritatis probatione, quæ formaliter, aut expressè in Scriptura non habetur, debet quoque verus Theologus in Sacra doctrina tradenda, perspectam habere vniuscuiusque qualitatem, an nimirum diuina sit, vel Apostolica tantum, aut Ecclesiastica iuxta regulas à nobis traditas secundo huius operis tom. lib. 3. sect. 3. Cum autem huiusmodi traditiones nobis aliundè non consent, quam ex Sanctorum, ac veterum Patrum auctoritate, Summorum Pontificum, ac Conciliorum decretis, Ecclesiæ consensu, & vsu, diligenter etiam Theologus ista omnia explicare, & adnotare debet, qualia sint, iuxta regulas à nobis adductas to. 3. ubi aliquæ ex traditione veritatè probare intendit vt g. si in illa declaranda, S. Pontifex se tanquàm priuatum, an verò tanquàm publicum gesserit Ecclesiæ doctorem, ac magistrum; an illam ad totam direxerit Ecclesiam; an verò ad particulares Prouincias, vel personas; an verba ab illo apposita

apposita ſignificent voluntatem obligandi fideles omnes ad fidem ei præſtandam, & ſic de alijs. Si Concilia, eandem veritatem docentia verè fuerint plenaria, vel vniuerſalia, aut ſi particularia, an à Summo Pontifice, aut aliquo vniuerſali Concilio expreſſè fuerint approbata; an tradita tanquam de fide; an ex profeſſo, aut inincidenter ſolùm, & ad maiorem alicuius alterius veritatis explicationem. Si Eccleſiæ ſenſus, conſenſusque ſit vniuerſalis, adco vt omnes planè Doctores Catholici in tali veritate, vel opinione, conueniant; ſicque ita ſit, an illam amplectantur ſolùm, vt probabilem, vel probabilioſiorem; an verò tanquam certam; an ex pietate duntaxat. Tandem ſi Sancti, ac veteri Patres vniuerſimode etiam conſentiant in aliqua veritate, tanquam ad fidem pertinente, an verò diſcrepent; vel vniuerſimode interdu, conſentiant in illa, tanquam in magis probabili, aut certa; an ex proprio ſenſu loquantur, vel tantùm permiſſuè, quia ad inſtitutum tunc parum vtilis eſt, aut non diſcutienda; an negent ſolùm aliquid ad ſenſum hæreticorum, quod tamen ſecus in alio ſenſu verum eſt, nec non ex hæreſum odio in alterum extremum eorum verba videantur inclinare; hæc enim, & ſimilia, vbi ſe offert occaſio, ſunt diligenter aduertenda.

Tertia regula eſt, iſta principia fidei, Scriptura, & traditione adequatè comprehenſa, ira eſſe media Theologica, vt tamen Theologus prudenter vt poſſit ad ſuas concluſiones probandas, multis rationibus congruentibus, etſi enim multorum, quæ ſecit Deus, alia ratio à priori, aut primaria adduci non poſſit, quam ipſamet diuina voluntas, ratioque illa credendi ſola ſit diuina, reuelatio, certum eſt tamen multum iuuare ad eorum explicationem præſatas rationes, humanumque intellectum diſponere ad illis aſſentiendum. Huiusmodi autem rationum congruas duplex diſtingui poſſeſt in Theologicis,

ſicuti & indecentia: Ex quibus prima ſic probat aliquid decere Deum, vt ſi oppoſitum fieret, nullum planè inconueniens ſecundum rectam rationem, appareret; & hac dici poſſeſt explicari potius res facta, quam ipſam probari, vt quod Deus homo factus ſit, paſſus, & mortuus pro nobis, tali tempore, ſalique loco; creauerit mundum cum hoc rerum ordine, & hoc potius tempore, quam alio; nam ſi aliter voluiſſet, ac feciſſet, congruum, aut decens, non autem indecens fuiſſet. Sic ergo ſupponuntur prius diuina myſteria, factaque, ac deinde ad illa perſuadenda excogitantur aliquæ congruentia; aliaque excogitentur, ſi res ſecus haberent; vt v.g. plures excogitata ſunt à Theologis, cur Deus non Angelicam, aut aliam, ſed humanam naturam deſecta aſſumere voluerit. Secunda autem congruitas ſic oſtendit aliquid decere Deum, vt oppoſitum ſecundum rectam rationem indecens, vel inconueniens videretur: & rationes in illa fundata, in moralibus Theologicis, & in rebus dubijs, etiam ad fidem, moresque ſpectantibus, quæ per Scripturam expreſſæ non ſunt, nec ab Eccleſia deſinitæ, nobiſque ad credendum propoſitæ, probabilia duntaxat faciunt argumenta pro multis opinionibus, aut magis probabilia, ſi efficaciores illæ fuerint: vnde cauendum eſt prudenti Theologo, ne huiusmodi rationes pro demonſtratiuis haberi velit; aut credat, ex eo quod illæ, quæ adducuntur, aut ipſe adducit pro aliqua opinione ſoluantur, eam propterea reddi improbabilem, niſi aliunde ſit talis; quidem omnis ſyllogiſmus, qui non eſt demonſtratiuus, per ſe ſolubilis eſt.

Quarta regula eſt, in his rebus, vel quaſtionibus, quæ in veramque partem ſalua fide diſputari poſſunt, haud immerandum eſſe, maxime ſi è Theologicæ principijs vna, aut altera, nec probabiliter, nec congruenter probari poſſeſt; aut eſſet quid ſolùm ad Metaphyſicam ſubtilitatem pertinens; per ſe enim

enim illud est extraneum, & aduentitium Theologo. Quia autem plerumque eiusmodi quæstiones excitari solent circa potentiam diuinam, an nimirum aliquid facere possit nec ne, nisi manifesta appareat repugnantia, potius standum est pro omnipotentia diuina, tum quia certi per fidem sumus, aliqua ab ea fuisse facta, quæ impossibilia cæteroquin iudicaretur, tum quia cū infinita sit, credere debemus multa in eius thesauris contineri, quæ comprehendere minimè valemus.

Quinta, vt in explicandis rebus facilibus, aut inutilibus terere tempus superfluum est, ita aliquando temeritate non vacat, aut imprudentia, aliqua perferuntur altiora, & fortiora nobis, vt ait Eccles. 3. sed potius ingenuè farendum est reddi non posse rationem adæquatam illorum, earumque intelligentiam beatis spiritibus relinquendam esse. Huiusmodi est, ex Diuo Athanasio, quæstio illa, de modo, quo Filij generatio à Spiritu Sancti processione differat, ex alijs concordia certitudinis diuinæ providentia cum indifferentia, & indeterminatione liberi arbitrij humani. Quapropter Rufinus exposit. in Symbol. Apost. rectè ait: *Cantamus, ne dum inaccessæ lucis fulgorem pertinacius scrutari volumus, exiguum ipsum, qui nobis diuino munere est concessus, aspectum perdamus*; Sanctus autem Augustinus multoties humiliter fateretur se aliqua credere, quia in sacris litteris continentur, quomodo autem illa fiant, vel fieri possint, se ignorare, vel plenè non capere. Vndè ait D. Petrus 1.3. paratos quidem nos semper esse debere ad satisfactoriam omni poscenti nos rationem de ea, quæ in nobis est sps, & fide; *sed cum modestia, & timore*; quia ita, supposita semper fide diuinorum mysteriorum nostræ religionis, debemus ex vna parte conari illa explicare, vt tamen ex alia ingenuè taceamus multa esse, ad quorum plenam intelligentiam, adæquatamque rationem, reddendam perungere non possumus.

Sic Diuus Bernardus epist. 197. quendam doctorem in hac re peccantem his verbis eleganter reprehendebat. *Dum paratus est de omnibus reddere rationem, etiam quæ sunt supra rationem, & contra rationem præsumit, & contra fidem. Quid enim magis contra rationem, quam ratione rationem conari transcendere? & quid magis contra fidem, quam credere nolle, quidquid non possit ratione attingere.*

Sexta regula, vbi occurrunt aliquæ fidei controuersie, aut quæstiones cum hæreticis agitando, vt fideliter, ac sincerè eorum opiniones sunt adducendæ, ita quoque diligenter notandæ, quæ ipsi Catholicis opinionibus appingant falsa, vel demunt, & addunt, ad verum earum sensum peruertendum, vt clarè appareat de quo sit quæstio, aut in quo consistat verum difficultatis punctum; Non semper sunt spernendæ argumentationes quæcumque hæreticorum contra fidei dogmata, nisi essent apertè absurdæ, multoque minus vtendum acerbis, mordacibusque responsionibus, sed solidae semper, & idoneæ sunt adhibendæ, libenterque etiam concedenda illis, quæ veræ fidei minimè repugnant, vt sic facilius ad illam adducantur, dum pro veritate eius solum vident nos pugnare. Aliud tamen extremum vitandum est nonnullorum plus nimio argumentationes hæreticorum extollientium, cum enim certissimæ sint fidei veritates, inlubita quoque esse debet, falsa esse omnia ipsorum contra illas argumenta, etiam si interdum alicui eorum non ita plenè, vel adæquatè satisfieri videretur; in rebus enim fidei, & à Deo dictis, nos minimè ad probandas illas obligamur, sed satis est, si illas dignè, ac probabilibus solutionibus, non autem semper euidentibus defendamus, non conuincamus quidem, nec conuincamur tamen, cum saltem omnes Catholicorum responsiones collectiue sumptæ semper prævaleant omnibus aduersariorum obiectionibus contra fidei veritates, indeque

deque illas amplecti deberent, nisi pertinaces essent, suaeque superbia prepedirentur. Tantum de præcipuis regulis à Theologo observandis in tractando præsertim materias, vel quaestiones Theologicas ad speculationem pertinentes.

CAPVT III.

*Proponuntur regulae pro Theologia morali, seu ad praxim spectantes.*

**P**Ræter iam adductas in præcedentibus capitibus regulas, quæ etiam Theologiae morali, eiusque quaestionibus tractandis accomodari possunt, sunt insuper aliae magis ipsi propriae. Prima est, quod cum Theologia moralis non minus innitatur, quam speculativa diuinæ revelationi, Theologus Moralis debet potissimum vti Sacrae Scripturae locis ad mores pertinentibus, tum ijs, quæ circa illos ex Sacra habentur traditione, & in Sacris Canonibus continentur, historiisque Ecclesiasticis, in quibus narratur plures actiones laudæ, & vituperio dignæ, multaque exempla, quæ vim persèptæ habent doctrinae, praua quidem ad ea fugienda, proba verò ad amplectenda; diligenter tamen aduertere debet, & monere, non omnia semper esse sequenda, quæ tribuuntur virtutis aliàs sanctissimæ; tum quia non omnes eorum actiones fuerunt laudabiles, imò aliquæ reconditæ in historijs etiam sacris fuerunt peccaminosæ, & quandoque non leuiter; præterquam si fuerunt laudabiles, aliæ forsan exerceri poterunt ab illis laudabiliores, vel illas exerceverunt è peculiari diuinæ inspiratione, siue diuino impulsu, ideoque semper in exemplum trahi non possunt, aut de eorum circumstantijs quibusdam positis laudabiles fuerunt, defectu quarum, alias non sunt tales; quæ omnia sunt accuratè notanda, ubi se se in aliqua quaestione morali tractanda offert occasio, probarique aliquid debet exem-

plis. Ex hac regula sequitur optimum fore, si Theologus Moralis ea quæ habentur ex fide, vel deducuntur etiam probabiliter ex ijs, quæ de fidespectantia ad mores primò proponat, & seponat ad illis, quæ lumine naturali tantummodo habentur; illis autem addat postea si quæ sint, tum rationes naturales, tum Philosophorum auctoritates, nec non etiam legum Ciuium, qui enim illarum libros conscripserunt in Morali philosophia, quam maximè versatos fuisse, & excelluisse supponimus. De quo vide dicta tom. 4. sect. 7. cap. 25.

Secunda, ubi agitur de peccatis exatè explicet, quænam sint venialia, duntaxat, & quænam mortalia; tum quæ sint intrinsecè mala, ita vt nunquam prorsus liceant, & à Deo indispensabilia sint, ac semper prohibita, quia semper mala; deinde quæ mala solum, quia prohibita, & quomodo adueniente aliqua circumstantia reddi licita possunt, imò & potest quandoque aliquis teneri ad illud exercendum. Horum enim, & similium accurata explicatio, quam sit necessaria, quantique momenti ad animarum quietem ex se constat.

Tertia regula est, eaque potissima, quod in omni materia, quantum fieri potest declaretur, & distinguatur, quænam opinio sit certa, & euidens; quænam tuta, & probabilis, & inter probabiles, quænam probabilior, aut minus, ac vix probabilis, quæ probabilis speculatiue, quæ practice, quæ in foro interno, quæ in externo, quæ scandalosa adiuue, quæ passiue, quæ impia positiuè, quæ negatiue; quæ non pia, aut minus pia; quæ dubia negatiue, quæ positiuè; quæ opinio fundata in præsumptione, quæ in veritate, & sic de alijs. Et quamuis aliquis vni sententia tanquam magis certa, aut probabili adhereat, propter rationes, quas sibi suadet esse tales, aliorum tamen opiniones non facillè damnet tanquam improbabiles, sed potius si illæ verè sint probabiles, aut ab intrin-

intrinseco, aut ab extrinseco, sincerè id aperias, non solum, quia, quod vni videtur esse magis probabile, alteri plerumque non est tale, aut etiam secundum satis communem Theologorum sententiam, potest quis relicta sententia alijs, sibi que etiam probabiliori visa, aliam verè probabilem sequi, verum etiam quia, licet quis relicta sibi magis probabili, cuique ita adheret sententia, non possit, vt docent alij Theologi, mihi que probabilius videtur, modo statim explicando, aliam sibi minus probabilem in operando sequi, potest tamen docere illam esse talem, vbi verè est talis, vt possint illam sequi lectores, si sibi magis opportunam eam existimauerint, quibusque etiam opposita magis probabilis videre potest.

Dixi probabilius esse, cum qui adheret vni sententiæ tanquam sibi probabiliori, non possit, ea relicta, sequi in operando alteram sibi minus probabilem, quod sic interim breuiter explico, donec fusius, & quo existimo, faciliè componi posse plus nimio acriter versantem in hac re controuersiam inter modernos Theologos, aut reduci ad quæstionè de nomine. In primis enim omnes concedunt absolurè licere amplecti in operando opinionem aliquam verè probabilem; secundò admittere debent, qui sic operantur, operari etià cum opinione sibi magis probabili, quis enim est ille, qui suam propriam opinionem cæteris non præferat, atque adeò probabiliorem, magisque rationabilem cæteris illam non credat totum igitur difficultatis punctum, aut pondus ad hoc reduci debere videtur, an qui vni sententiæ tanquam sibi probabiliori adheret, possit illa relicta aliam sibi minus probabilem licetè in operando sequi, quidquid sit an in docendo, vel consulendo.

Pro cuius intelligentia notandum est, duplicem dari certitudinem moralem. Vna est, quæ omnem prorsus excludit formidinem, quæ ratione nonnulli Theologi, communiter ta-

men reieci; vt diximus superiori tomo lib. 4. sect. 11. cap. 15. docuerunt aliquos ad tantam certitudinem moralem suæ iustitiæ, secundum viam ordinariam peruenire posse, vt absque vlla formidine, & temeritate non minus possint tunc esse certi de sua gratia, quam dari in rerum natura Romam, & Constantinopolim.

Altera certitudo moralis est, quæ tollit quidem animi anxietatem, siue hæsitantiam, & fluctuationem inordinatam, atque adeò sufficit ad pacem conscientie tribuendam, non tamen ad omnem prorsus formidinem excludendam: quæ certitudine, quæ non transcendit limites certitudinis probabilis, & coniecturalis, secundum communem opinionem omnium Theologorum contra paucos alios loco statim citato adductos, iusti secundum viam ordinariam possunt esse certi se esse in gratia. Est igitur prima certitudo moralis minimè requiratur ad licitam operationem, nec etiam illam requirunt, qui docent illicitum esse sequi opinionem minus probabilem, probabiliori relicta, aliàs iusti, qui secundum viam ordinariam illam habere non possunt de propria iustitia, ad sumendam tamen Eucharistiam necessaria, tuta conscientia ad illam accedere non possent; nemini tamen dubium esse potest, quin altera certitudo moralis tollens animi anxietatem, siue hæsitantiam, & fluctuationem inordinatam, pacemque conscientie tribuens, necessariò requiratur ad benè moraliter operandum, cum sine tali certitudine non possit conscientia non esse dubia practicè; qui autè Doctores asserunt licitum non esse sequi opinionem minus alieni probabilem, abiecta sibi magis probabili, nullam aliam certitudinem ad benè moraliter operandum requirunt; & quia existimo illam reperiri non posse in hoc casu, qui enim suam opinionem magis probabilem esse, quam aliam persuasum habet, non potest non hæsitare, & fluctuare in illa relinquenda, atque adeò operari

non



non potest cum conscientia debite pacata, ideo in hoc sensu puto quoque, non licere operari cum opinione minus operanti probabili, probabiliore sua relicta; quod si tamen cum illa opinionum pugna saluari posset debita conscientie pax, excludique omnis prorsus animi anxietas, siue hæsitantia, & cum illa dubium, omnes concedere deberent, licitum esse, relinquere opinionem magis probabilem, pro minus sibi probabili, cum etiam doctores, qui oppositum docent, existiment ad bene operandum moraliter, sufficere certitudinem moralem, quæ omne animi dubium, omnemque conscientie anxietatem, & hæsitantiam excludat, non autem omnem prorsus formidinem.

Quarta, & vltima regula. Inter duo extrema nonnullorum conscientie habenas nimium laxantium, cum tamen, ex Christo Domino arcta sit, & angusta ad vitam docens via; & aliorum fingentium laborem in præcepto, peccataque multiplicantium, ubi non sunt, cum etiam ex eodem Christo, iugum eius suave, & onus leue sit, verus Theologus Moralis medium, quantum fieri potest, pro viribus tenere debet, tam in docendo, quam in consulendo, nec præter certa iam peccata, & quæ in confesso sunt apud omnes Theologos, alia, maxime mortalia, quæ nec sufficienti autoritate, aut ratione probentur, obtrudere, atque ita animas, quarum salutis cupidissimus esse debet, illius amittendæ periculis obijcere. Etsi enim verissimum sit, posse Deum, qui summum ius habet in creaturas, prohibere quædam in omnibus circumstantiis, quæ ex genere suo videntur esse leuia, & indifferentia ad bonum, & malum, propter altissimos, nobisque incognitos fines, sed nominatim ad obsequium in hoc à rationalibus creaturis habendum, inter quæ numerari potest usus pomi Adamo vetitus, ex cuius diuini præcepti transgressione omnia deinceps mala in genus humanum

*Biblioth. Theol. Tom. VI.*

deriuarunt; an dentur tamen modo huiusmodi diuina iura merè positia, nec non humana in omnibus obligantia circumstantiis, Theologus moralis diligenter examinare, & discernere debet, nec ita facillè peccata mortalia multiplicare.

# CAPVT IV.

## *Regula pro Theologia Parenetica.*

### S. I.

Cum per Theologiam, quam superiori sectione cap. 9. Pareneticam, siue Exhortatoriam appellauimus, nihil aliud intelligatur, quam ipsamet secundum munus tradendi potissimum è suggestu suæ veritates, taliter, vt non modo vera esse quæ proponit, credant auditores: sed (quod est difficilius) vt quæ vera, & honesta crediderint, exquantur; quare etiam vocatur Rethorica, & Eloquentia Sacra, Ars concionatoria, restauè ratio concionandi, satis inde patet ob hanc inter concionandi, & orandi munus affinitatem, si quidem proprium Rethoricæ officium est dicere appositè ad persuasionem, finis vero persuadere dictione; vt libro huius operis tertio sectione 7. cap. 5. docuimus, satis inquam patet, non aliam in Theologia Parenetica methodum, obseruandam esse, non alias regulas, præter eas quas ipsa præscribit Rethorices, relicto tamen fucato illo, & artificioso loquendi modo, quem interdum in ea reprehendunt Sancti Patres, vocauitque D. Paulus 1. Timoth. cap. 4. prurientem auribus: sicut enim gloriatur Hieronymus Vida superioris sæculi Poeta clarissimus, quod fordidas Gentilium Poetarum musas ad Iordanem fluuium adduxerit, easque ibi ab omni illorum spurcitia expurgatas Evangelicæ Historiæ, Diuorumque laudibus celebrandis consecrarit; non est cur etiam Rethorices, cuiusque præcepta, & regulæ ad concionandi officium

G

accom-

accommodari non possint: Et sicut nemo in Theologicis disputationibus cū laude versari potest, nisi disputandi arte instructus sit, ut suo loco supra satis demonstravimus: ita vix quisquam, inquit Granat. lib. 1. de rat. concionandi cap. 2. nisi vel divino spiritu afflatus (quod Prophetis, & Apostolis contigit) vel felicissimo ingenio, & ad dicendum appositio natus sit (quod rarissimis accidit) sine huius artis prædicio felix esse in concionando poterit: vel certe multo ornatius, atque commodius munus hoc administrabit, quisquis diligenti eius studio fuerit aditus.

Ut autem in præfatis regulis assignatis ordinatè procedamus, notandum est huius Theologiæ finem non esse, scire præcisè, sed agere, atque adeò non esse speculationium, sed practicum, Morali Theologiæ perisimile, ab eo tamen distinctum, quod moralis tantum doceat in scholis quid agendum; at hæc illud insuper suadeat, non in scholis apud eruditos, sed in concione apud populum appositè dicendo. Quamobrem sicut iuxta communem disciplinarum practicarum methodum, quatuor potissimum in illis tradendis considerari solent, nempe finis, materia, officia, & instrumenta; ita per ordinem ad hæc quatuor, quæ etiam sunt præcipuè Rethoricæ partes, videlicet finis ad quem concio collimare debet, materiam ex qua conficienda est, officia, quæ præstare debet concionator, & tandem instrumenta, quibus aptam constructionem sibi concionem, frequentes proponemus regulas, vel præcepta; præmissis prius aliquibus ad personam ipsius concionatoris spectantibus, quæ proinde potius se tenent ex parte operantis, quàm operis.

1. Nullos nisi natura aptus concionandi munus, aut officium assumere debet: sicut autem ad hoc sufficit medioeris in eloquendo facultas, vel facundia, ita è contrario, qui verba exprimere non potest, aut etiam loquen-

do risum excitaret, censendus esset omnino ineptus.

2. Naturalis hæc aptitudo excolenda est Rethoricæ studio, omnique insuper generis doctrina, & sapientia.

3. Qui sic à natura, & ab arte comparatus est, nisi vocatus & missus concionari debet: admonente Hieremia. cap. 23. *Propheta currebant, & non mittebam eos: & D. Paulo ad Romanos 10. Quomodo predicabunt, nisi mittantur?* tunc ergo ad hoc officium aditus obedientia est.

4. Cum Sacri Concionatores pro Christo legatione fungantur tanquam Deo exhortante per eos, magnam inde sui ministerij æstimationem habere debent, nec non etiam ex eius fine, qui est diuinæ maiestatis gloria, & pereuntium animarum salus.

5. Quantum dignitatis, & utilitatis, tantum etiam difficultatis in hoc munere esse debent apprehendere; dicente D. Gregorio, maius esse miraculum prædicationis, & orationis solatio peccatorem convertere, quàm mortuum carne suscitare.

6. Indignissimum cum sit, ubi de summa conditoris gloria, & sempiterna animarum, siue vite, siue mortis agitur, quod homo tantarum rerum momenta negligens, solam gloriæ suæ, propriæ commodi rationem habeat, propterea in Ecclesiastis magna intentionis puritas, & rectitudo desideratur. *Illius Doctoris*, inquit D. Bernardus serm. 59. in Cantica, *libenter audio vocem, qui non sibi plausum, sed mihi plausum mouet.*

7. Quamuis exquisita doctrina, atque eruditio ad concionandi officium sit magis necessaria, quàm vitæ puritas, & Sanctitas, docente Christo Domino Matth. 23. *Super cathedram Moysi sederunt Scribæ, & Pharisei: omnia ergo quacumque dixerint vobis, servate, & facite: secundum opera vero eorum nolite facere, dicunt enim, & non faciunt:* Nilominus tamen si doctrinæ morum integritas, & innocentia accedat, diu mirum

mirum est quantum cuiusmodi accessione non solum doctrina inuictur, charitas enim intrat, ubi plerumque scientia de foris stat, verum etiam facilius ab illa populus persuadetur; datur siquidem voci concionatoris vox virtutis, si quod suadet, prius sibi illud persuasisse cognouerit. Efficacior enim operis, quam oris vox est.

8. Si edicionandi munus ad eos potissimum pertinet, qui vna cum doctrina firmas in virtute radices egerunt, consequens est ut nemo, nisi iam ætate aliquantulum prouectus, illud felicitate obire possit, saltem loquendo secundum legem Dei ordinariam.

9. Attenta non minus huius operis dignitate, quam difficultate, requiritur ad illud recte obeundum, singulare etiam sanctæ orationis studium in Concionatore; sic enim ait D. August. in . de doct. Christ. *Prædicator labores, ut intelligenter, ut libenter, ut obedienter audiatur*; & hoc se posse magis pietate orationum, quam sermonis facultate non dubitet, ut orando pro se, ac pro illis, quos est allocuturus, sit prius orator, antequam doctor: & ipsa hora accedens, priusquam exerat proferentem linguam, ad Deum leuet animam fidentem, ut rueret quod biberit, aut quod impleuerit effundat.

10. Ecclesiastes potius breuitati consulere debet, quam prolixitate in dicendo affectare; vel enim aptè dicis, vel ineptè, si secundum, quantumvis per breue tempus, semper tamen nimis prolixus videtur, si primum, etiam boni, & delicati cibi satietatem ingerunt: cuius rei euidens est argumentum, quod nullus de breuitate, omnes autem ferè de nimia Prædicatorum prolixitate conqueri solent; præsertim ubi singulis per Quadragesimam, aut Aduentum diebus sermo habendus est.

11. Concionator haud vana effertur iactantia, vel superbia, cum se rectè prædicasse cognouerit, vel sui laudes audierit; memor illius Apost. 1. Cor. *Biblioth. Theol. Tom. VI.*

rinth. 13. *Si linguis hominum loquar, & Angelorum, charitatem autem non habeam, nihil sum; quodque in nouissimo magni Iudicii die multi dicent Matt. 7. Nonne in nomine tuo prophetauimus, & demonia eiecimus; quos Deus ignorabit, nec amplius cognosceret.*

12. Tandem Concionator peculiarem quendam amicum, aut etiam plures debet habere, quos consulat, & à quibus diligenter inquirat, nunquid in aliquo deficiat, cum animo corripiendi seipsum.

Materia alicuius artis cum ea sit, in qua talis ars, & facultas, quæ conficitur ex arte, versatur: meritò eas res in quibus versatur ars, & facultas oratoria, materiam artis Rethorices appellare possumus: Has autem res cum alij plures, alij pauciores existimauerint; Aristotelis sententiam libenter amplectimur, qui tribus in generibus rerum positum esse Rethorici officium putauit, demonstratiuum, deliberatiuum, iudiciale. Demonstratiuum est, quod tribuitur in alicuius certæ personæ laudem, aut vituperationem, vnde respicit præteritum, quodque honore, vel è contra dignum est vituperio. Deliberatiuum, siue suasorium est, quod positum in disceptatione, vel consultatione, habet in se sententiæ dictionem, vnde respicit futurum, quodque est vtile. Iudiciale est, quod positum in iudicio, habet in se accusationem, & defensionem, vel petitionem, & recusationem, vnde respicit præsens, quodque iustum est.

His tribus causarum generibus addi potest quartum, Græcè Didascalion dictum; in quo nec laudatio, vt in demonstratiuo, nec accusatio, aut defensio, vt in iudicali, nec persuasio, vt in deliberatiuo, locum habent, sed mera alicuius loci Scripturæ, vel mysteriorum fidei expositio, & explicatio; etiam enim interdum in ea miscantur aliqua ad mores pertinentia, hoc tamen sit veluti per accidens, & minus principaliter. Vnde ratione dictorum finiam per se

Artis Concionatorię materia primum diuidi potest in Didascalicam, quam aliqui cum addito materiam Euangelij nominant, & non Didascalicam, quæ simpliciter materia dicitur, & continet sub se tria dicta orationis genera, vel materias. Si enim in concione agitur de aliqua simplici materia, v.g. de ieiunio, de humilitate, hæc pertinet ad Deliberatiuam; si laudetur aliquis Sanctus, ad Demonstratiuam siue Encomiasticam, si denique aliqua refellatur hæresis, ad Iudicalem. Verum quia Sacri Concionatores, præter Rectiores habent, quod de his omnibus tractare possint, depromendo ea ex Euangelio, Scripturæ currenti, & hoc duobus modis, interdum videlicet adducto vno solo Euangelij loco, & aliquando toto etiam Euangelio; hinc nascuntur pro Canonibus alia sex materiarum genera. Primum vbi super vnum Euangelij, Scripturæ passum, vna etiam simplex materia pertractatur; secundum vbi ex toto Euangelio; tertium, vbi laudatur aliquis Sanctus, ex vno pariter Euangelij loco; quartum applicando ipsi omnes illius clausulas; quintum vbi vnicuique Euangelij testimonio refellitur aliqua hæresis; sextum ostendendo omnes eius passus contra illam pugnare.

Sub materia, siue genere didascalico, habente vt diximus pro suo fine principali litteralem, aut mysticam alicuius loci Scripturæ interpretationem, etiam alia continentur: Primum quando vna pars, aut totum etiam, quod occurrit Euangelium exponitur in varios sensus, allatis insuper diuersis doctorum sententijs, ac opinionibus: secundum, quando omnibus Euangelij partibus, vel clausulis vtimur, ad maiorem vnius duntaxat principalis dilucidationem. Tertium, quando concurrentibus duobus Euangelijs vno festo, altero festi, aut Euangelio, & Epistola, adhibemus vnum ex illis textibus ad explicationem alterius, vel in parte, vel in toto. Sic in vniuersum,

duodecim sunt Artis Concionatorię materiarum genera, nullum enim est aliud, quod ad ista faciliè reduci non possit; V.g. conciones pro defunctis ad demonstratiuam, siue encomiasticam; pro festis, quibus fidei aliquod mysterium celebratur, ad Didascalicum, si principaliter sistatur in explicatione illius modo veluti scholastico; ad deliberatiuam verò, siue suasiuam, si illo breuiter duntaxat explicato, auditorum edificatio magis intendatur: in eiusmodi enim generibus, quando inter se miscentur, pro illorum distinctione, attendendum est ad principalem vniuscuiusque finem, nec non etiam pro regulis assignandis.

Quamuis in oratoria facultate aliqui eius officium, & finem confundant, distinguuntur tamen inter se, quod in officio quid fieri, in fine quid officio conueniat, attendatur: siue, quod idem est, officium sit id, quod facere debet orator, videlicet dicere appositè ad persuadendum; finis verò illud cuius causa, facere debet, nempe persuadere dictione: vt si medici officium dicatur esse curare appositè ad sanandum; finis, sanare curatione.

Cum autem eorum, quæ ad finem aliquem comparandum instiuita sunt, ratio ex eo sumenda sit, faciliè intelligitur ex fine oratoris, siue concionatoris, qui est persuadere dictione, quodnam sit eius officium, siue quid efficeret, quasque res, siue partes habere debeat. Primum enim vt appositè ad persuadendum dicat, oportet cum docere, flectere, & delectare. Vbi enim Dialectico, qui rei dubiæ fidem facere contendit, sufficit vt doceat, hoc est, vt argumentis quid voluerit, euincat, debet insuper orator ad aliquid agendum exire, atque adeo non solum argumentis probare, sed etiam orationis venustate, & rerum varietate delectare, affectibusque auditores concutere. Vnde etiam quinquæ communiter assignantur oratoris, siue orationis, quæ munus suum orator exequitur, partes,

tes,

tes, nempe, Inuentio, Dispositio, Elocutio, Memoria, & Pronunciatio.

§. I I.

*De inuentione prima Theologiae Paraeneticæ, sive Artis Concionatoria pars.*

**I**nuentio est excogitatio rerum verarum, aut verisimilium, quæ causam probabilem reddant: sub quâ iterum tres alie orationis partes distingui possunt, nimirum expositio, argumentatio, & amplificatio, omnes enim homines oratione, aut simpliciter mentem suam, vel id quod gestum est, vel geri potest exponunt: aut probant argumentis, & rationibus, quibus rei dubie fidem facere conantur: aut denique ad motum animi excitandum illâ amplificunt. Etsi autem communia sint probandi, atque amplificandi loca, & argumenta, inter se tamen differunt primò, quod argumentatio ad omnia questionum genera se extendit, in quibus querimus, sit ne res, an non sit, quid sit, qualis item sit, & cuius rei gratia talis sit, & multa his similia. Amplificatio verò ad certa questionum, siue propositionum genera contrahitur, in quibus de sola rei magnitudine, & amplitudine queritur; hoc est cum ostendere nitimur aliquid esse in genere suo vehementer amabile, delectabile, formidandum, optandum, lætum, triste, & his similia: vadè amplificatio velut quædam species argumentationis est, siue argumentatio ad certum genus contracta. Differunt insuper diuersa argumentorum tractandorum ratione; argumentatio enim syllogismus vitur, hoc est, genere orationis in orbem quodammodo redacto, licet fuffus orator, quàm dialecticus illud tractet; amplificatio autem oratio expositio, & enumerationi, quàm argumentationi similior est. Postremò differunt etiam finis quatenus argumentationis est, si dem facere, & intellectum ad assensum

vi argumentorum perducere; amplificationis autem, non solum intellectum conuincere, vt rem esse in suo genere maximam credat: sed etiam voluntatem ad amandum, vel delectandum, vel in quemuis alium affectum inducere.

Cum autem omnis tam argumentandi, siue probandi, quàm amplificandi ratio ad aliquam propositionem, aut questionem terminandam ordinata sit, obseruandum est duo esse illorû genera: vnum infinitum (quod Græcè Thesis, Latine propositum) alterum finitum, quod Græcè hypothesis, Latine causa, siue controuersia appellatur. Thesis de genere vniuerso querit, siue designatione personarum, temporum, locorum, aliarumque similium circumstantiarum, v.g. sit ne studiis vacandum; Hypothesis verò de rebus singulis, quæ personis, temporibus, locis, alijsque similibus circumstantijs implicite sunt, quibus sit questio finita, v.g. sit ne studiis vacandum ab homine plebeo, aut nobili? hoc tempore, illo loco, &c. Rursus infinita questio duplex est, vel enim ad cognitionem pertinet, cuius finis est scientia: vt, sit ne terra rotunda? vel ad actionem, vt quibus medijs sit colenda amicitia? prima tria sunt genera. An sit, Quid sit, Quæ sit, & similia; secunda autem duo: vnum ad officium, sicut cum queritur, amandi ne sint liberi? Alterum ad motum animi, vel gignendum, vel sedandum, planeve tollendum, v.g. quando fiant cohortationes ad amandos liberos, ad gloriam, & laudem comparandum. Sequitur ex his, primò, aliû inuentionis fontem ad infinitam questionem, aliû ad finitam desiderari: ad infinitam quippe siue thesî tractandam argumenta ex ijs præcipuè locis desumuntur, quæ Topica dicuntur: ad finitam verò siue hypothesis ex circumstantiarum locis, quæ vel rebus, vel personis attribuantur. Sequitur secundo, quod, cum omnis argumentorum inuentio, vel ad probandum, vel

ad amplificandum destinatur, necesse sit, ut omnia quæ rem probant, aut amplificanti, rebus ipsis, quas probare, vel amplificare volumus, aliqua ratione conveniant, vel illis etiam aduersentur: cum contrariorum eadem sit disciplina. Tertiò sequitur, ita inuentionem earum rerum, quæ ad amplificandum pertinent, ex eisdem locis vnde argumenta petuntur, sumendam esse, ut tamen aliqua magis ad hunc finem conducat: ea videlicet, quæ multa in vna aliqua re esse ostendunt, ut loca à partibus, à causis, ab effectibus, ab adiunctis, hoc esse antecedentibus, comitantibus, & consequentibus. Sequitur quartò, præfata loca è quibus veluti fontibus eruuntur argumenta, ita esse materiam remotà argumentationis, & amplificationis, ut etiam ex huiusmodi argumentis tanquam ex materia proxima, & ex se ipsis tanquàm ex forma coalescant. Quia autem de locis iam sufficienter à nobis dictum est, nec non etiam de argumentatione pro vrad dialecticam spectat, lib. 3. huius operis scilicet 7. vbi de Rethorica, & Dialectica, hic tantum breuiter agemus de eadem argumentatione, variisque eius formis, siue speciebus, secundum quod ad Rethoricam pertinent; desiniturque argumentatio, apta & conueniens argumenti per orationem explicatio. Vbi enim Dialecticus in syllogismo, quæ est perfectissima arguendi forma, tribus pronuntiatis contentus est, videlicet propositione, assumptione, & conclusione, quarum duas priores maiorem, & minorem vocant, Rethores quinque partium illum faciunt, quoniam propositioni, & assumptioni, siue rationi confirmationem, & exornationem adiungunt: quarum altera ad vim, altera ad ornatum, & elegantiam maximè pertinet. Confirmatio enim est ea, quæ pluribus argumentis corroborat breuiter expositam rationem; exornatio verò, siue ut alij dicunt, expolitiō rei honestandæ, & locupletandæ causa adhibetur, confirmata argu-

mentatione; vnde præcipuè locum habet, cum ratio, aut confirmatio, aut etiam propositio latentem vim habeant, quæ breui oratione explicari non potuit. Quemadmodum autem orator supra Dialecticum duas partes, nempe confirmationem, & exornationem addit; sic Ecclesiastes duas item super oratorem: nempe affectus, & accommodationem, siue ad singularia descendit.

Prima igitur argumentorum forma est Inductio, qua rebus non dubijs capitur assensus eius, cum quo instituta est: qua assensione fit, ut illi dubia, quædam res, propter similitudinem earum rerum, quibus assensit, probetur. II. Syllogismus, siue ratiocinatio, quinque partibus, ut statim diximus, constans; quæ tamen quadripartita esse potest: cum altera solum pars eget probatione; potest & tripartita esse, cum neutra eget. Plenissima tamen est, quæ quinque partes habet. III. Complexio, siue Dilemma, sic dictum, quod ita utrinque premit, ac vrgeat, ut ex altera parte capiat aduersarium: qua de causa cornutus etiam syllogismus vocatur: sic enim argumentationis cornua in eo disponuntur, ut qui alterum effugerit, in alterum incurrat. IV. Sores, quæ multas argumentationes accuratim complexitur: vnde & nomen obtrinit. Hoc argumentandi genus Dialectici de primo ad vltimum vocant. V. Enumeratio, siue expeditio, in qua pluribus rebus expositis, & cæteris infirmatis, vna reliqua necessariò confirmatur. VI. Subiectio, qua quærimus ipsi quid contra nos dici possit: deinde subiicimus id, quod dici oportet. VII. Collectio, quæ est perfectissima argumentatio, quinque suis partibus constans, videlicet, propositione, ratione, rationis confirmatione, exornatione, complexione, siue conclusione.

Amplificatio, quæ est altera Inuentionis pars præter ea, quæ sunt ipsi cū argumentatione propria, quatuor in-

super

super generibus maximè constat, Incremento, Comparatione, Ratiocinatione, Congerie. Incrementum est amplificatio in superiora tendens, tuncque est potentissima; cum magna videntur, etiam quæ inferiora sunt. Comparatio est amplificatio incrementum ex minoribus petens; dum enim augetur, quod est infra, necesse est ut attollatur id quod suprapositum est. Ratiocinatio est amplificandi modus sic dictus, quod alibi positus, alibi valeat, & ut aliud crescat, aliud augetur; atque inde ad id, quod extolli volumus, ratio deducitur. Vltimò adferibitur amplificationis congeries quoque verborum, ac sententiarum idem significantiù. Nam etiam si per gradus non ascendat, tamen veluti aceruo quodam alleuatur. Præter dicta facit quoque ad vim, & amplificationem rerum offendendam Assueratio: cum vel aduerbijs; vel nominibus, vel alijs partibus appositis amplificamus, vel in laudem, vel in vituperium. Sunt etiam qui Hyperbolæ speciem Amplificationis esse velint, nam & hæc in utramque partem valet; melius tamen dicendum, esse tropum, siue figuram eius propriam; sicut etiam ex hoc quod plura elocutionis ornamenta illi deseruiant, ut rerum, & personarum descriptiones, sermocinatio, conformatio, & alia huiusmodi, illi quoque annumerantur. Cum enim amplificatio ad commouendos affectus instituta sit, nihil ad hunc finem magis conducit, quam præfatæ partes; de quibus iterum infra §. 3. ubi de confirmatione.

Satis patet ex dictis, primùm egregij Concionatoris officium, ac munus esse inuentionem, ad quam necesse cum sit, ut insignes, & præclaras sententias, easque instituto suo accommodatas in promptu habeat, siq; enim aptè dicet, superest ut in fine huius partis breuiter agamus, vnde & quomodo sit paranda huiusmodi rerum sylua, vel promptuarium. Non enim alia meliori ratione dictū à veteribus esse puto. Poe-

tam nasci, Oratorem fieri: nisi quod facultas illa præcipue naturæ beneficium, hæc verò studio, meditatione, assidua lectione primùm comparetur. Quod maximè verum est de Oratore Sacro, siue Concionatore, qui priusquam hoc munus attingat omnium ferè rerum scientiam habere debet: ut tanquam Scriba doctus in Regno Celorum, proferat de thesauro suo noua, & vetera. Et quamuis non desint eorum quoque de numero, qui lectionem discendi voluntate sectantur, qui nihil scripto seponendum existimant; melius tamen cum alijs oppositum tenendum est: ut enim omittam plures huius rei rationes, pluraque maximorum etiam virorum exempla, qui commendarunt, & adhibuerunt sedulam excerpandi curam; quotidiana docet experientia, quanta, & quam breui, egregiarum rerum copia congeratur, si quis & accurate, & continenter scripto conseruet, vel in aduersaria referat, quicquid memoria dignum constans lectio in dies offert; cui inseruiunt sequentes regulæ.

I. Adhibendus in libris selectus, ut viles duntaxat legantur, siue in quibus non multà lectione multa legantur. Quod enim iunior Plinius lib. 3. epist. 5 de auunculo refert solitum eum dicere nullum esse librum tam malum, quin habeat aliquid boni; præterquam quod si sit sermo de malo morali, ad eos solùm pertinet, quorum iam virtus cum iudicio, acque ætate maturuit; non videtur operæ pretium, si cum tam modico fructu, tantum euoluatur paginarum inanium; ut si quis in dumeto vā quæreret; pendenteque in cultissimis vineis opima vindemia, racemulos inter aspreta leq̃aretur.

II. Eorum ut plurimum libri legendi, & colligendi, qui quaque in arte duces habentur. Sunt enim hi fontes: vnde ceteri hauserunt; sunt principes vnde ceterorum pendet authoritas; sunt denique semen omnis doctrinæ, vnde per se varias quisque potest fruges educere. Quamobrem licet Neotericis-

tericorum libri suas habeant laudes, quas imitari, & assequi gloriosum est: nihilominus si de authoribus loquamur, & non de rapsodis, & collectoribus, omninò præferenda est antiquorum lectio.

III. Vbi potissimum agitur de stylo formando, suum quisque nosse debet ingenium, & eos deligere libros, qui ad suum maximè gustum facti sunt. Simile enim simili nutritur: & quemadmodum in corporum cibis ita in pabulo mentis, quæ iucunda sunt maximè, ea ferè sunt maximè grata, & alentia.

IV. Pro hac eadem styli materia, uniwersè abundantiores præferri debent siccioribus: attamen contraria, ut opus est remedia vitijs adhibeantur contrarijs; quibus exile est, pressumque nimis ingenium, augendum, atque laxandum læto, & amplo dicendi genere: quorum verò læta plus nimia, ac ferax exultat indoles, depascenda quodammodo est lectione limitatioti, & laconica.

V. Per multum interest, quo legatur ordine, tum ad rectam, tum ad facilem, permanentemque disciplinam. Quia autem in legendis, & colligendis libris duplex ordo potest intelligi, primum ex diuersis, quis prior, quisque posterior; tum unus, idemque liber, quo legendus sit ordine. Ex diuersis, qui prior scripsit, prior etiam legendus est: vbi enim nouus aliquis author ab antiqui lectione didicit vnam, aut alteram rem, cur aliquis alius illo fortasse ingeniosior ab ea ipsa lectione longè plures non eruet. Deindè hæc omnium breuissima videtur esse ad eruditionem via, si, vbi commodè fieri potest, primum ipsi adeantur fontes, deindè querantur riuuli. Hac tandem ratione, quæ discuntur, videntur certius sciri, faciliusque etiam animaduerti, quos habuerit gradus disciplina quid ad priores posteriores addiderint, ut ex illis desumpserint; aliaque huiusmodi. In vno autem libro, vel opere legendo, ille tenendus est ordo, ut à carceribus

lectio recta decurrat ad metas. Ita enim argumentum operis totum, resque singulæ, ac series disputationis percipiuntur facilius, & hærebunt fidelius.

VI. Adiungenda est ordini constantia, eaque duplex: primum ut vni, eademque insistatur operi, donec quicquid in eo est frugis, excerptum fuerit, de quo vide Senecam epist. 2. ad Lucilium. Deindè ut destinatæ lectioni horæ perseveranter oblectentur; cui opportuniore videntur matutina, vbi præferim agitur de studio aliquo serio, & difficili.

VII. Quemadmodum in legendis libris delectus illorum habendus, ita etiam & in excerptendis; ut non trita, & vulgaria, passimque obuia, sed præstantissima quæque pro diuerso legentium sine eligantur, & notentur.

VIII. Cum tam in legendis libris, quam in excerptendo ex illis, quæ sunt animaduersione digna, potissimùm obseruari debeat, cuius gratia id fiat, in autem Ecclesiasticis, siue Concionatoris sit, de virtutibus, & vitijs, de legis diuinæ præceptis, de Sacramentis, de Christianæ fidei mysterijs, alijsque similibus perpetuò dicere; debet illuc quoque variaz, & multiplicis lectionis suæ, tam sacræ, quam prophanz studium, ac laborem referre. Mirum enim est quantum hæc cura Concionatori prodest, multaque inde ab eo peruideantur, & obseruentur, quæ alias illum lacerent. Igitur, sicut qui in Philosophia præstantiam amat, multa in Poëtis quoque, & Historicis repetit, vnde paratæ cognitionem exornat; ita etiam diligens Concionator, non solum in Sanctis Scripturis, veterumque Patrum libris, sed aliarum quoque doctrinarum obseruabit, vnde nunc locupletatur, nunc explicare, nunc persuadere veritates à se intentas possit. Nec mirum, inquit Seneca epist. 108. ad Lucilium, ex eadem materia suis quemque studiis apta colligere: in eodem enim, prout bos herbam querit, canis leporem, ciconia lacertum. Vel melius ex Plutarcho.



Plutarcho de aud. poet. sicut inter palcendum, apis florem, capra germen, sus radicem, alix bestix semen, frumvè captant, ita legendis poematis, quod de alio quouis opere dici potest, alius historiam decerpit, alius elegantix, & apparatus verborum inheret, alius verò, quæ de moribus vtiliter sunt dicta, confectatur.

IX. Quamvis dixerimus supra præferendam esse illorum opinionem, qui aliquid ex lectione excerpendum scripto arbitrantur, non desunt tamen, modi, quibus adhuc citra hanc excerpendi solertiam, quæ digna sunt, adnotari possint. Primum si summa rerum præclariorum in marginem eximatur, sic enim hora breui licebit libri, vel grandis renouare memoriam. Secundò si quis vel vñtatas, vel quas ad suum propriè vñum excogitarit adhibeat notas inter legendum, quibus certum quid significet: vt si exempli gratia, vbi crux appingitur, ibi intelligatur esse sententia ad mores notabilia: vbi circulus, ibi elocutio insignis, vbi stella ibi argumentum efficax, & acutum, & sic de alijs: prout asteriscorum, & obelorum vñum fuisse Origeni explicat D. Hieronymus epist. 135. Quod autem aliqui subducant lineas versibus singulis: aut totum etiam locum linea circumscribant, sedandis potius libris, quam memorix subleuandæ valet.

X. Excerpendi tempus ipsa est lectio. Vt enim quidque notatu digni offertur, continuo seligendum, ac reponendum est; aut vbi calami, & codicis copia non est, apponenda nota ijs, quæ exempta volumus, vt statim occasione data scribantur.

XI. Cum inter alias scripto aliquid excerpendi rationes, reponatur humanæ memoriæ fallacitas, cui sine dubio promptum est aduersus obliuionem remedium eiusmodi solertia; job eandem etiam causam necessum est, vt in hoc recto ordine procedatur. Itaque tres minimùm libri à Concionatore confici

*Biblioth. Theol. Tom VI.*

debet. Primus in quo, quidquid lectio subministrat, exscribat, nullo alio nisi lectionis ordine; quia magna est oblectatio, atque adeò oportunitas, si in vno quasi contitu, quæ in vno quopiam libro sunt egregia, recognoscantur. Secundus in capita, vel quosdã cõmunes distinctus locos iuxta seriem Alphabeti, in quos ea ipsa, quæ acuatim in priore sunt exempta codice, digerantur, vt exempli gratia, quæ ad auaritiam sp. ãnt, in verbo (Auaritia) quæ ad charitatem, in verbo (Charitas) & sic de alijs. Quod si alicui duplex labor, duplicis conficiendi voluminis non arderet, is aduersaria conficere posset lato relicto margine, reque summam in eum extrahere, tum indicem luculentum, aut etiam plures disponere, ita vt quæ diuersis notata sunt locis sub vnum contribuat caput: & pagellas, in quibus illa inueniri queant, adscribat. Tertius erit, in quo notentur rotius anni Euangelia, quæ vel Dominicis, & festis diebus, vel quadragesimali etiam tempore ab Ecclesiæ leguntur, & ad ea postmodum applicentur, quæcumque illis inter legendum consentanea, & accommodata reperientur. Vide Senecam epist. 8.

XII. Vbi alicui Concionatori amplius nunquamque defutura Bibliotheca suppetere, magno laboris, temporisque compendio, posset in præfatis libris, quam breuissimè res excerptere, & loca librorum, vnde illas excerptis adnotare sùsius videnda. Cui autem talis non est facultas, debet omnia per extensum describere, præsertim vbi verba ipsa authorum aliquid habent gratiæ, aut virium; inde enim oportunitas, quæ vel sola tantum laborem rependit; quod post aliquod tempus, breue electorum volumen pro Bibliotheca est, quam vbi illi ipsi non adfint, ad manum habere, & familiarem, sibi facere, & quocumque libitum sit, circumferre modico negotio quis potest.

XIII. Vt autem labor hic totus frugifer

H

gifer, totusque saluber sit, magna primum in legendo, & notando adhibenda est attentio, ac meditatio, nam lectio, quæ temerè sit, quæ cursim, quæ auide, ac festinanter id duntaxat habet, vt confundat ingenia, non perfundat: similiter atque ingentes, & raptim effusi imbres eluunt magis solum, quàm rigant. Deinde ne hebescat memoria; illustriores quidam loci non solum, scribendi, sed etiam ediscendi sunt. Non enim cum excerpendum asserimus memoriz exercitationem, quæ verè dicitur excolendo augeri, omittendam existimamus.

XIV. Quia Ecclesiastes, loquor de perfectio, de omnibus ferè inter concionandum differere habet, atque adeò necesse sit, vt plenam librorum, materiarumque in eis pertractarum notitiam habeat, plurimum ad hoc confectet frequenter euoluere Scriptores illos, qui varia Polyanthea, vel etiam Bibliothecas edidere; Huiusmodi sunt Bibliotheca Sancta Sixti Senensis, The-saurus Loricij, Theatrum vitæ humanæ Laurentii de Beyerlinch, Bibliotheca Selecta Possenini, eiusdem Apparatus Sacer; Index vniuersalis Alphabeticus materias in omni facultate pertractans Fabiani Iustianiani, item Elenchus authorum, qui in Sacra Biblia, vel vniuersè, vel singulatim, etiam in versiculos data opera scripserunt, iuxta eorundem Bibliorum ordinum dispositus; Bibliotheca Scriptorum Societatis Iesu Petri Ribadeneiræ, & Philippi Alegambæ, Bibliotheca Bibliothecarum Philippi Labbe, Aurifodina Ieremiæ Drexellij, Arcana studiorum omnium, Methodus Antonij Ficher; Florilegiû Magnum, seu Polyanthea Iosephi Langij, Iani Gruteri, Francisci Syluij Insulani, & aliorum. Bibliotheca Concionatorum Paris. in 4. Bibliotheca Patrum Concionatoria ibid. 8. Volum. in folio.

## S. I I I.

*De dispositione secundæ Theologiae Para-neticæ, siue Artis Concionatorie parte.*

**P**ost inuentionem sequitur dispositio, per quam illa quæ inuenta sunt in ordinem quemdam rediguntur. Triplex est, vna veluti necessaria, quatenus ea primo loco tractari debent, quæ ad eorum, quæ sequuntur intelligentiam, vel maiorem lucem necessaria sunt; præterea semper à communioribus ad minus communia à magis notis ad minus nota, & sic de similibus procedendum est. Altera dici potest connaturalis, quæ constat sex partibus, aut membris statim explicandis. Tertia Arbitraria, quod incidant nonnuncquam causæ, ob quas huiusmodi partium ordo immutari potest. Dispositio igitur connaturalis, siue quam ars ipsa, & rerum natura offert, constat maiori, vel minori partium numero, secundum quod aliquæ illarum inter se confunduntur, vel non. Prima est exordium, secunda narratio, quibusdam idem ac propositio, verum non ita bene vniuersaliter loquendo, etsi enim in Iudicialibus causis tractandis, narratio coincidat cum propositione, secus tamen in alijs, vnde in illis est tertia dispositio: pars; quarta partitio, siue diuisio, quam aliqui melius cum propositione confundunt, quatenus propositio in oratione probanda, & confirmanda multiplex esse potest. Quinta confirmatio, quibusdam contentio, aut confutatio, quod est idem, contentio enim amplectitur disceptationem causæ, confirmans nostra, & confutans aliena. Sexta peroratio, quam alij Epilogum, alij conclusionem, & cumulum appellant. Has partes natura docuit, & hunc ordinem seruari iubet: vt antequam de re proposita dicamus, initio concilietur auditorum animi: deinde res demonstretur; postea controuersia confi-

constituatur: tum id quod intenditur confirmetur: postquam contradici possunt, resellantur: extrema autem oratione, ea quæ pro nobis faciunt, amplificentur, & augeantur: quæ pro aduersariis infirmantur. Sic prima pars ad conciliandos, vltima ad commouendos animos valet: cæteræ ad docendû, ac probandum. Ex his etiam partibus aliquæ sunt necessariæ, sine quibus videlicet oratio esse non potest, vt est propositio, & confirmatio: aliz integrantes, quæ faciunt ad perfectionem, vt exordium, narratio vbi à propositione distinguitur, & peroratio.

Ad huiusmodi autem Rethorû partes sic se habet in Sacris Concionibus, vt exordium, prologus, siue introductio respondeat narrationi siue propositioni, etiam propositio, vel assumptum in illis probandum; diuisioni, & confirmationi, earundem quoque diuisioni, & confirmatio, perorationi epilogus; quod apud Hispanos, & Gallos præmittitur inter concionandum Orationi Angelicæ non tam pars concionis, quam eiusdem præludium dici potest; sicut etiam in bipartitis Itatorum concionibus per accidens se habet, quod detur epilogus primæ, & prologus secundæ partis: nunc de his omnibus, eorumque regulis, ac præceptis breuiter agemus.

Exordium, siue introductio cum sit pars orationis, aut concionis, qua animi auditorum ad audiendum præparatur, facillè inde colligitur quales debeant esse eius regulæ. I. Planum esse debet, ac verendum, quod indicet reuerentiam erga auditores, sic enim beneuoli redduntur. II. Dociles potissimum efficiuntur per propositionem quam continet, vel si summa causæ breuiter in eo exponatur. III. Attenti per nouitatem eiusdem propositionis, aut si de rebus magnis, nouis, inusitatis verba facere polliceatur Ecclesiastes. IV. Etsi ordine executionis melius inchoetur ab exordio, aut introductione concilio, tunc enim facilius eius partes constituantur, vltimo tamen compo-

*Biblioth. Theol. Tom. VI.*

nenda est, primum enim sciri debet, quo eundem est, antequam via, quæ illuc deducat, inquiratur. V. Vbi iam auditoribus supponitur aliquis affectus in summo, vel lætitiæ, vt in festis Paschalibus, Natalitijs, alijsque similibus, vel doloris, vt in passione Dominicæ, aut occasione mortis alicuius personæ populis acceptissimæ, pro qua fit oratio funebris; opportuna sunt exordia, quæ quodam quasi impetu, & quasi ex improviso efferuntur, in quibus orator inferens argutias, & affectus explicet ipsa mysteria, vel iacturæ magnitudinem lamentetur. VI. Quando supponitur in auditoribus aliquod præiudicium, ratione cuius potest suspicari Ecclesiastes, ne eum minus beneuolè audiant, debet fieri exordium per solutionem huiusmodi præiudiciorum, proponendo causas, quæ cum à dicendo retrahere debuissent, & ita soluendo illas, vt nullus supersit scrupulus qui demum currentem detineat. VII. In propositionibus metaphoricis, exordium commodè desumi potest, ostendendo in communi, quàm opportune sint metaphoræ ad intentum finem, vel in particulari ab explicatione proprietatum rei, vnde metaphora ducitur. VIII. Interdum exordium est maior propositio minoris, per quam constituitur propositio confirmationis, exempli gratia si proponeretur, Ieiunium quadragesimale esse obseruandum, deduci exordiû posset amplificando maiorem huius propositionis, quæ est, omnia ieiunia à Deo præcepta debent obseruari, sed ieiunium quadragesimale est à Deo præceptum, igitur debet obseruari: felicius etiam succedit si per modum enthymematis proponatur; v. g. Ieiunium à Deo præceptum, obseruandum est, ergo quadragesimale obseruandum est; vel Prælati sunt serui, igitur debent subiaccere omnibus seruorum conditionibus, cæteris abundantius laborando, peiorem in omnibus partem habendo, non sibi sed subditis lucrando, & acquirendo; vbi vna

H 2 cum

cum propositione habetur etiam diuisionum trium conditionum seruis competentium, atque adeo prælati, probato iam in antecedente, siue propositione inferente, quod sint serui. IX. regula præcedenti ferè similis ad formandæ exordia quammaximè iuuans est, vt à propositione particulari, quæ constituitur retrocedatur ad vniuersalem, itaut ab hac in illam veniatur: vt si proponeretur deterior ne sit discipulis, vel obediens conditio, an docentis, vel imperantis; posset exordium sumi à propositione vniuersali, vnicuique videlicet sortem suam grauissimam videri, & hæc vbi amplificata fuerit per inductionem dici, hinc ortam esse occasionem diffidij propositi, cuius soluendi gratia problema illud instituitur. X. Exordia maximè propria sunt illa, quæ sumi solent ab occasione orationis. Occasio autem est, vel ex parte ipsius argumenti comparati ad personam, quæ dicit; ad locum vbi dicit; ad eos, apud quos dicit; à tempore, quo dicit; à materia de qua dicit; vel ab aliquo alio huiusmodi capite. XI. Caue re itaque debet Ecclesiastes ne exordium, siue introductionem sumat à rebus ita disparatis, vt vix cum re proposita connecti possit. XII. Exordium, siue propositio in illo facta, eadem planè praxi, qua cæteræ omnes, dilatanda est, stylo solum differt, qui nec concitatissimus, nec ita vehemens esse debet. XIII. Magnitudini debet exordium, vel concionis respondere debet exordium, ea fere ratione, vt si contineat v. g. octo paginas, vna in exordio insinuetur.

Exordium, siue introductioni succedit narratio, id est rerum expositio, noui quidem illa, quæ à Rectoribus in iudicialibus præcipuè causis tractandis adhiberi solet, sed alia nobilior, quæ non raro in concionibus etiam incurrit; cuius quatuor veluti genera distingui possunt. Primum est, cum res gestas, quæ vel in sacris litteris, vel Sanctorum vitis continetur, ad aliquid confirmandum, vel alicuius vituperatis gratia,

in diuersis etiam concionum partibus commemorat Ecclesiastes. Secundum est, quod amplificandi causa sumitur; quo videlicet egregia Sanctorum facta, aut detestanda malorum exempla amplificuntur. Tertium est, quod Allegoriæ, mysticisque diuinarum Scripturarum sensibus deseruit. Quartum in Euangelica lectione explanandæ versatur. Et si autem huiusmodi narratorum generum multum à Iudicialibus differant, illis tamen regulæ sunt communes; I. Quod sint breues, vt possint retineri. II. Perspicuæ, vel dilucidæ, vt possint intelligi. III. Probabiles, aut verisimiles, vt possint credi, citiusque probari. IV. Quod lætis iucunda, serijs grauis, insignibus ornata, tristibus acerba tribuatur expositio. V. Obseruandum est in omnibus narrationibus, quæ sunt ad aliquem affectum excitandum v. g. amoris, misericordiæ, iræ, indignationis, &c. vt descendatur ad quædam singularia, quæ moueant auditorem ad illum affectum, non autem in ordine ad odium.

Propositio, vt à narratione distinguitur ex dictis supra, est illa orationis pars, qua statim post introductionem breuiter statuit, & summa totius causæ, siue rerum dicendarum comprehenditur: vnde eum sit omnis confirmationis caput, nunquam omitti potest. Regulæ, siue conditiones eius præcipuæ sunt. I. Vt sit vna, ab illius enim vnitate desumitur vnitas orationis, vel concionis; quare etiam in illam, tanquam in metam omnia argumenta, siue rerum id, quod in concione tractatur, collimare debet. II. Quod sit ita clara, vt non possit ab omnibus non intelligi. III. Vt bene cohereat loco, tempori, personæ dicenti, & audientibus: cum enim in mundo vix aliquid sit, quod absolute sit bonum; ita vix vlla est propositio, quæ taceri non debeat, & aliquibus, & alicubi, & aliquando; quemadmodum enim si corâ Principe probaretur Monarchiam esse optimum administrationis genus, gra-

tissi-

tissimus illi foret orator, non item si hoc ipsum in libera Ciuitate, vel Republica concludendū assumeret. Et quia ex huius regulæ negligentia non minimum plerumque peccatur, ideo diligenter obseruanda est. Ex ad hoc multum conducet si Concionator nouus in aliquo loco consulat petiores, quānam, & res, & verba sint, quæ in eo benè, aut malè audiant. IV. In concionibus curandum est quantum fieri potest, vt propositio sit practica, vel si sit speculatiua, ordinetur ad excitandū in auditorum animis aliquem pecularem affectum. Hinc videmus Concionatores eos potissimum probari populis, qui moralia tractant, secus verò illos, qui speculatiua tantum, & remota à vulgi cognitione prædicant. V. Quamuis propositiones, quæ ad auditorum commoda, vel vtilitatem redundant, quales sunt illæ, quæ continent formationem morum, plerumque illorum attentionem sufficienter conciliant, quia tamen sunt etiam interdum ita vulgares, & tritæ, vt parum placeant, idè secundum illarum diuersitatem, Ecclesiastes diuersos quoque modos illas variandi, nouitatemque illis dandi debet adiuuare, ratione cuius excipiantur ab auditoribus cum plausu.

VI. Propositio igitur aliàs vulgaris & trita reddetur noua, si efferatur Problematicè. Exempli gratia intendit Concionator probare ambitionem, vel auaritiam mundo perniciosissimam esse. Hæc propositio acceptissima cum sit apud omnes illam non ita attenditur, ac si problematicè disquirenda proponatur; potiora ne ab ambitione, vel auaritia damna mundus acceperit, an verò commoda. Præterquam quod hic modus latissimè aperit amplificationibus campum, recreatque auditores pugna illa rationum, quæ in veramque partem adducuntur. VII. Propositio absoluta noua fit aliquando per comparationem; sit exemplum. Mali aliquando sunt viles virtuti. Nihil habet hæc propositio attentione dignū.

At si fiat comparatiua hoc pacto. Virtutem plura improbis debere, quam probis, illicò admirabilis videbitur. VIII. Propositio noua fiet, si fiat mutatio de genere in genus. V. g. cum aliud sit vituperare, aliud laudare, fiat talis mutatio, si Concionator ex intentione laudandi proponat, se velle tantum peccata damnare. IX. Propositio noua fit, si ex contradictorijs componatur; exempli causa. Minus dura mors est miseris, quàm felicibus; fiet hæc admirabilis assumendo contradictoria hoc modo. Felicitatis genus esse infelicem mori. X. Propositio fiet noua si ad paradoxum reducat, hoc est efferatur per modū rei ab opinione hominum valde remotæ. Vt si quis velit probare hominem multorum sibi malorum auctorem esse, fiat noua propositio si dicat, miserum esse neminem, nisi qui velit. XI. In genere iudiciali, à diuersitate causæ duntaxat, cum diuersæ effici debeant propositiones, non indigent aliqua speciali regula, aut præcepto. XII. In deliberatio, ratio utilis, quæ comprehenditur in omni propositione, variari potest, si hæc ratio generica magis specificatur, vel ratione subiectorum in quibus est, & sic dicetur, ieiunium vtile esse animæ, & corpori; vel ratione temporum, & sic munitionem vrbs, vtilem esse rebus presentibus, & futuris; vel ratione locorum, & sic, elemosynam non minus in terra, quàm in cœlo beare hominem; vel ratione ætatum, & sic virtutis studium senibus, iuuenibusque prodesse; vel ratione conditionum, & sic non minus pauperes, quam diuites posse ab eadem virtute habere præsidium; vel demum ratione statuum, & sic moderationem vtilem esse rebus prosperis, & aduersis; verum cum hæc regula ad diuisionem potissimum pertineat, de illa statim reddibit sermo.

XIII. In genere exortatio, præter dictas rationes, quæ variandis etiam eius propositionibus prodesse possunt, dantur aliæ insuper propriæ; reducendo v.g.

do v.g. statum illius, quem laudare intendimus ad Ideam, vt, si sit Episcopus, ostendendo in illo germanam Episcoporum Ideam, si Religiosus Religiosi, & sic de cæteris; ad quod necesse est nosse virtutes proprias vniuscuiusque vitæ generis; vel ad vnam aliquam virtutem, v.g. charitatem, aut misericordiam omnes illius actiones, & ostendendo vel ex vna, qualis, & quantus fuerit in alijs; Item si problematie quæratyr vtra in re, aut virtute magis excelluerit, sic enim faciliè comprehenduntur, quæcumque de aliquo dici possunt; vel etiam comparetur alijs, qui apud homines maximo sunt in pretio; quæ tamen ratio magna indiget prudentia; de Sanctorum enim meritis periculosum est disputare; & omnis comparatio odiosa summo pere est; vel tandem erigendo illi templum, aut imaginem delineando, aut coronam texendo, aut tropheum, & pyramidem statuendo, aliaque similia, quæ Panegyristis sunt maxime in vsu, sicut & metaphoræ; quas tamen aliqui parum probant, rum quia videntur non magnam ingenerare rei, de qua dicimus, opinionem, tum quia huiusmodi similitudinibus per totam orationem, vel concionem productis, videtur lædi varietas tantoperè commendata; sed de his redibit sermo infra. §. 4.

Propositioni, vbi simplex non fuerit, subiicitur diuisio, siue particio: quæ brevis est partium propositionis enumeratio. Ea duplex est: vna quæ tantum in genere iudiciali adhibetur, per quam aperitur, quid cum aduersarijs conueniat, & quid in controuersa relinquatur. Altera est, quæ in omnibus causarum generibus explicatur, quot, & quibus de rebus sumus dicaturi, & quæ in dicendo ordinem secuturi. Licet autem totâ hanc rectè diuidendi rationem Cicero prudentia magis, & consilio, quam artis præceptis constare putet, non desunt tamen aliqua ad eius perfectionem. I. Ne sit obscura.

II. Ne longa nimium, ac multiplex, nec ideo pluribus quam tribus, aut quatuor membris comprehendatur; euenire tamen interdum potest, vt aliqua diuisionis pars docendi gratia iterum diuidenda sit. III. Ne permixta genera partibus implicentur, sed membra diuisionis inter se cohæreant; hoc est, sub eodem genere vniocè contineantur. Quæ in re multi peccant, qui sola nominis voce contenti, dissimillima inter se membra sub eodem nomine coniungunt. Vt si quis ciuitatem supra montem positam, aut iustum sicut palmam florentem explicaturus; montem vel palmam faciat virum Sanctum, de quo sermonem habiturus est: deinde Ecclesiam, tum iusti viri animam: atque ita de triplici monte, vel palma fecit concionem habiturum diceret. IV. Huiusmodi partitiones, siue diuisiones nō semper propalam collocandæ sunt, sed tunc tantum cum duo, vel ad summum tria capita non excedit. Cavendum autem ne si propalam efferantur, ita insistatur in primo membro, vt terreatur auditor, quod tandem concionatorem immoraturum in cæteris suspicetur, quare tunc, vel propalam non erunt efferendæ, vel alia commoda ratione huic tædio consulendum. V. Eo ferè modo, quo ex statim dictis variantur propositiones, possunt earumdem etiam multiplicari diuisiones, vel ab ipso subiecto propositionum, vel ab eius proprietatibus, vel à diuersitate locorum, ætatum, personarum, temporum, aliarumque rerum similium.

Propositionem, ac eius diuisionem, vbi sit, sequuntur confirmatio, & confutatio, quarum illa ad probandum, hæc ad refellendum valet; illa argumentando causæ facit fidem, hæc aduersariorum argumenta, quæ vel obiecta sunt, vel obijci possunt, dissoluit. Vnde ad hanc orationis partem primum, & potissimum spectant omnia, quæ de argumentorum inuentione, eorumque formis docent Dialectici, quibus Rhetores omne orationis robur ac-

ceptum

ceptum ferunt, si quid argumentis, aut probare velint, aut reprehendere. Verum quia tam Oratori, quam Concionatori incumbit non solum ut doceat, quod proprium est Dialecticorum, sed etiam ut delectet, & permoueat; nunc agendum est de omnibus illis, quæ ad hunc finem confirmationem iuuare possunt. Huiusmodi est: I. Argumentorum adinaentorum ordo, siue dispositio. Præter enim totius orationis dispositionem, cuius ipsamet confirmatio est pars, hoc est quod vtamur introductione, narratione, propositione, diuisione, confirmatione, confutatione, & conclusione, datur altera, qua in eadem confirmatione argumenta inter se aptè ad persuadendum collocantur; vnde etiam definiti potest, Argumentorum inter se apta ad persuadendum collocatio. Ut quod primo loco ponatur argumentum, ex cuius explicatione cætera facilius intelligi possint: secundò firmissimæ semper argumentationes in primis, & postremis orationis, vel concionis partibus collocantur, cum enim post propositionem, siue narrationem facta attentissimus sit auditor, nisi graue audiet argumentum, de tota concione bene sperare non potest: & quoniam nuperrimè dictum faciliè retinetur, aut memoriæ mandatur, vtile est, cum dicere desinit Concionator, quod recentem aliquam relinquat in animis auditorum bene firmam argumentationem. Tertio, quæ mediocria, parumque necessaria ad probandum, interponantur, & in medio collocentur, non tam ea numerando, quam conglorando, vel per præteritionis, & concessionis figurâ, vel alio modo; sæpè enim, quæ separatim ac singula dicuntur, infirma sunt, cum cæteris tamen coniuncta, firma, & probabilia redduntur. Quarto, quod argumentum affectus capacissimum, seruetur vltimum, in fine enim insigendus aculeus auditori, & cum eo dimittendus. Quintò ita disponantur argumenta, vt non solum vnum possit aliud, sed etiam vnum ex alio in-

ferri videatur (ad quod iuuat attendere, quæ argumenta, affinitatè habeant) vtque tandem semper crescat oratio, & semper plus aliquid, & maius dicere videamur.

II. Cum confirmatio nihil aliud esse videatur, quam ipsamet propositio non tantum per simplicem argumentationem, more logico probata, sed insuper amplificata, & dilatata, siue Rethorices figuris illustrata, atque exornata, in illa etiam debent observari omnia, præcepta, & regulæ, quæ ab arte traditi solent circa modum, & praxim dilatandi propositiones in amplificatione, quam supra paragrapho secundo inuentioni annumerauimus, & argumentationi coniunximus. Ad quod primum valet inductio, vbi propositionis amplificandæ subiectum, & prædicatum, est totum diuisibile in aliquas partes; vt si dicatur, vita hominis est plena miseris, hoc totum quod est vita hominis subiectum huius propositionis dilatari potest, si diuidatur in ætates, & status, quibus vita hominis constat, & sic dicatur. Pueritia, infantia, adolescentia, ætas robustior, & senectus sunt plenæ miseris, ergo tota vita hominis est plena miseris. Potest hæc ipsa, quæ dilatata est ex diuisione subiecti, dilatari adhuc per diuisionem prædicati, quod item est aliquod totum in suas partes diuisibile; miseris enim aliæ sunt corporis, aliæ animæ; aliæ à nobis ipsis, aliæ à fortuna; aliæ intrinsecæ, aliæ extrinsecæ; & sic de cæteris. Secundò, vbi subiectum in propositionibus est aliquid habens rationem singularitatis, dilatantur eiusmodi propositiones per descriptionem; vt si dicatur, nihil esse calamitosius vrbe ab hostibus direpta, talis propositio amplificabitur describendo ipsam direptionem vna aliqua ratione ex illis, quæ infra adducuntur. Tertio dilatari etiam possunt aliquæ propositiones per exempla conglobata; vt si fiat hæc propositio, Tyranni ratò mortem violentam effugiunt, dilatabitur exemplis diuer-

forum

forum Tyrannorum, qui illam subie-  
runt. Quartò per similitudines expli-  
catas. Vnico verbo tot sunt rationes  
dilatandi aliquam propositionem, quot  
sunt loci communes apud Rethores;  
& quamvis aliqua propositio petat vno  
modo, alia altero dilatari, poterit ta-  
men vna aliqua omnes admittere; in  
cuius exemplum adducitur illa ipsa,  
quam per inductionem diximus ampli-  
ficari posse, duplici modo: Vita homi-  
nis est plena miseris; dilatabitur item  
per descriptionem, ostendendo quàm  
sit onerosa, quàmque difficilis; item  
per exempla adducendo illos, qui mor-  
tem prouenerunt ob impatientiam vi-  
tæ; item per similitudines, vt Nautæ  
in tempestate, volucris in cauea capti-  
uæ, &c. item per synonyma, vt militiâ  
hanc nostram non alia agnoscere sti-  
pendia, quam laborum; terram nobis  
infelicibus colonis spinas dūtaxat ger-  
minare; item per auctoritates Sacræ  
Scripturæ, & Sapientum quibus huma-  
næ vitæ miseria asseritur: item per  
comparationem, aut aliorum anima-  
lium, aut cum conditione Angelorum,  
& status innocentie: item per effectuum  
enumerationem recensendo mœores,  
dolores, tædia, & id genus alia, quæ  
ex vita proueniunt: Tandem à con-  
globatis definitionibus, vitam hanc es-  
se lachrymarum vallem, exilium homi-  
nis, sepulchrum animæ, &c.

Quia autem præter modum dilatan-  
di propositiones in amplificatione, da-  
tur insuper alius eas dilatandi in pe-  
riodo, huic etiam suæ non desunt re-  
gulæ, quamvis enim dilatari etiam  
possint iisdem fermè rationibus, quibus  
& dilatantur in amplificatione, quia  
tamen propositio solis constat termi-  
nis, dilatari non potest nisi per dilata-  
tionem eorum ipsorum terminorum,  
quibus constat; alioquin non vna dila-  
taretur propositio, sed plures potius  
coaceruarentur. Exempli gratia, si sit  
dilatanda in periodo hæc propositio,  
Sol oriens omnia lætificat; dilatari de-  
bet primo terminus Sol, qui vtique

cum sit aliquid singulare dilatandus  
est per descriptionem, non per indu-  
ctionem; secundò terminus oriens, per  
circumstantias ortus; tertio terminus  
omnia, per inductionem, & enumera-  
tionem eorum, quæ lætificantur à Sole:  
quartò terminus lætificat, adducendo  
varios huius lætitiæ modos in varijs  
subiectis, in animantibus, in arboribus,  
in floribus, alijsque similibus. Huic  
quoque modo dilatandi periodos mi-  
rifice conducunt sensus synonymi, &  
descensus ad singularia, eo modo quo  
sit in descriptionibus. Denique diui-  
sio, tota ferè est cuiuscumque dilata-  
tionis origo.

Cum etiam confirmationi, de qua  
agimus plerumque annexatur confu-  
tatio, imò ambæ sub contentionis, &  
probationis nomine comprehendantur  
vt diximus supra, obseruandum est,  
quæ contra à nobis confirmata oppo-  
nuntur, potissimum confutari posse, si  
aut ex his, quæ sumpta sunt, non con-  
ceditur aliquid vnum, pluraue; aut his  
concessis, conclusio ex his confici ne-  
gatur; aut si genus ipsum argumenta-  
tionis vitiosum ostendimus; aut si con-  
tra firmam argumentationem, alia æquè  
firma, aut firmior ponitur. Valet quo-  
que ad confutationem, Eleuatio, cum  
videlicet aduersarij argumenta ride-  
mus, Excusatio, vt si ætas, impruden-  
tia, sexus asseratur: Deprecatio, mutua  
criminatio, & inuersio signi contra  
nos allati.

Vltima dispositionis oratoris pars,  
seu artificiosus orationis exitus, est epi-  
logus, vel conclusio; cuius leges sunt.  
I. Quod in ea fiat breuis argumentorum  
recapitulatio, quibus propositio pro-  
bata fuit in confirmatione, ita vt ex tali  
recapitulatione fiat antecedens peror-  
ationis, deinde ex illo concludatur  
oratio, per concitationem illius affe-  
ctus, quem intendimus. Exemplo res  
clarior fiet; sit propositio orationis,  
vel concionis, ieiunandum esse, quia  
ieiunium vtile animæ, & corpori; pro-  
bata fuerit in confirmatione hæc pro-  
positio



positio his fermè rationibus, & argumentis; Ieiunium memoriam iuvat, intellectum acuit, perficit voluntatem, corporis veto sanitatem, pulchritudinem, ac robur tuetur; ergo ieiunium vtile animo, & corpori, quæ est conclusio confirmationis; vt igitur fiat peroratio assumenda est pro antecedentis anacephaleosis, siue recapitulatio omnium illorum argumentorum hoc modo: Ieiunium memoriam iuvat, intellectum acuit, &c. qua ergo excusatione, aut ratione possumus ieiunium recusare? Hanc igitur rem adco vtilem, nobisque proficuum negligemus? &c. II. In tali anacephaleosi cavendum est, ne vllum argumentum de nouo profatur, quod antea non fuerit in confirmatione adductum, vel enim illud, quod de nouo adderetur, gratis esset dicendum, & reijceretur; vel certè non sine suspitione admitteretur ab auditoribus; vel demum si de integro tractaretur, peroratio in confirmationem deflecteret. III. Ita debet fieri huiusmodi argumentorum repetitio, vt multa appareant, non enim in hoc solum adhibetur, vt auditorum memoria reficiatur; sed vt omnia simul breuiter cõglobata, velut agmine facto in eorum animos irrumpant, & apud illos, quod vult orator, efficiant. IV. Diligenter aduertendum est, ne sit recta, & simplex dictarum rerum repetitio, est autè talis cum plana quadam ratione dicimus nos dixisse hæc, & hæc præterquam enim sic læditur auditor, cuius memoriæ minus fidere videmur, nihil insuper tali repetitione odiosius esse, communiter docent Artis magistri: vnde curandum est, vt vehementiori aliqua figura, maioriq; artificio fiat: de quo vide Ciceronem lib. 2. de Inventionem. V. In hac argumentorum summa, vel enumeratione, id ex vnoquoque eligatur, quod erit grauissimum, & vnumquodque quam breuissimè transeat, ne tam peroratio, aut epilogus, quam noua sit oratio.

At quia peroratio non dicta solum  
*Biblioth. Theol. Tom. VI.*

argumentorum enumeratione constat, sed etiam affectibus, tanquam altera sui parte, imò proprius est eorum locus, commodissimè enim probatur iam causa, velut strue lignorum composita, affectuum flamma confurgit, ideò sint adhuc pro illis sequentes regulæ. I. Quod Ecclesiastes, vel orator imbibit primum ipse affectum illum, quem vult in alijs imprimere, sic enim facillè redundabit in vocem, in gestum, in figuras, aliisque huiusmodi. II. Perorationis affectus, cum ratione causæ, vel materiæ, quam præcipuè in concione, vel oratione tractauit, conuenit, & coherere debet; ad hunc modum si suadet, vbi rei dignitatem, & utilitatem argumentis probauit, aculeos adjiciet; contra verò si dissuadet ad odium, & contemptum, ac detestationem eius rei acriter incitabit. Sicut Rethores in iudicialibus causis indignationis, & commiserationis affectus excitare conantur. Accusator quippè vbi crimen admissum esse probauit, ad vindictam, & supplicium excitat; defensor verò è contra, vbi argumentis reum ostendit innocentem, ad absolutionem, & misericordiam hortatur. Vide D. August. lib. 4. de doctr. christ. III. Cavendum diligenter, ne eum excitare volumus vnum affectum, dicamus aliquid, quod excitate contrarium possit, vel disparatum: in quo deficiunt concionatores, qui agentes de terrore diuini iudicii, & de operibus iustitiæ Dei, digrediuntur ad commendandam eiusdem misericordiam, hoc enim secundum quia spem excitat, destruit primum quod intendebat timorem. IV. Quæ excitant affectus, non debent esse dubia, sed ita clara, vt de illis iam dubitari non possit, proinde statim diximus affectus seruandos esse in fine, vbi iam omnia clarissimè probata sunt, & intellectus cõuictus rationibus, voluntas enim, in qua potissimum sunt affectus, sine præuio intellectus lumine moueri non potest. V. Quia non omnia, quæ elariora sunt intellectui, potentiora sunt semper ad

I exci-

excitandos affectus, sed quæ magis sensibilibus, & oculis præsertim exposita sunt, talia enim magis mouent phantasiam, atque adeò intellectum, & inde voluntatem; hinc etiam illa fructuosius ab Ecclesiastis plerumque vsurpantur; vt si exempli gratia deterrendi essent auditores à templorum irreuerentia: si diceret illos exuendos Dei gratia, & fæditate peccati deformandos, quamuis hæc mala grauissima sint, quia tamen minus sunt sensibilia, minus forsitan mouebunt, quam si diceretur, auolabit Deus ex hoc Altari, solo æquabit templum, aliaque similia. VI. Cum pariter quæ præsentia sunt magis moueant, quam quæ futura, ideò concionator ad excitandos affectus describere debet res quasi præsentibus, vt in hoc ipso exemplo vehementior erit motus, si dicat, excurrite puluerem è pedibus Sacerdotum, sacras colligite reliquias, auferite Sacramenta vobiscum, &c. VII. Vt breuis in affectibus esse debet Concionator, ita etiam, & vt figuris vehementioribus, & alijs quæ pertinent ad genus dicendi summum, de quo §. sequenti. VIII. Aduertat affectus non tam insanis conclamationibus, quam veris argumentis, modoque dicendi graui concitandos esse. Et quamuis interdum apud hominum vulgus eiusmodi vociferationes aliquid prosint, nec non etiam quod proferantur ossa mortuorum, implicetur funibus collem, aliæque similia fiant; summa tamen cum prudentia talia adhibenda sunt; ne cum deberent lachrymæ elici, cachinni potius, vel ab inuitis extorquerentur.



## §. IV.

## De Elocutione tertia Theologia Parænetica, siue Artis Concionatoria parte.

**T**ertio loco sequitur Elocutio, quæ vt inter cæteras Concionis partes difficillima, ita etiam præcipua esse videtur, maxime si auditorum conditionem inspiciamus, hoc est imperitam multitudinem, quæ res non pro illarum dignitate, sed pro explicandi ratione concipit: Inde videmus multos Concionatores eruditione, rerum scientia, & ingenij acumine præstantes, ob incultum, ac rudem dicendi modum, fastidio auditoribus esse, qui aliàs tamen vehementer commouentur, vbi quid ornate, quantumuis minus præstans, ab altero dicitur. Quia autem singula quibus hæc pars constat, quæque lib. 4. huius operis cap. 5. enumerauimus, minime prosequi longius esset, de illis duntaxat breuiter agemus, quæ ad eius perfectionem magis obuia & necessaria esse videntur; cuiusmodi sunt primò stylus; secundò varia dicendi genera; tertio quæ faciunt ad locupletandam elocutionem, ita vt vna, & eadem res pluribus modis explicari possit; quarto ea, quæ illam eruditam efficiunt; quinto quæ acutam.

Primum igitur stylus, cum nihil aliud sit, quam facultas quædam explicandi res verbis, quibus oportet, & modo quo oportet, videtur pertinere ad Elocutionis elegantiam, quam loco statim citato, primam eius virtutem, aut qualitatem esse diximus. Illius leges sunt. I. Ne Concionator Euangelicus synonymorum multitudinem coarctet, & quasi in lineam colligat; præterquam enim eiusmodi synonymorum sarcina plerumque aures offendantur, insuper vbi se offert occasio explanandi, aut secundo eandem rem iterandi, iam semel assumpta verba, iterum resumere necessum est.

II. Abhor-

II. Abhorre debet ab omni affectato sermone, affectatio enim in omni genere linguarum odibilis esse solet; idē dico de omni fucato, teneroque, & quasi foemineo eloquio, quod Sapientum maximē aures lædit. III. Fugendus est in concionando præcipuē stylus poeticus, & quamvis non ita facillē sit assignare in quo differat ab oratorio; nihilominus obseruarunt aliqui in hoc potissimum situm esse, quod Oratorum modo non explicant res ipsas Poetæ, sed eorum loco Deos præfides, signa, causas, effectus, aliaque huiusmodi. Frequentior etiam translationum vsus, ita vt nihil vnquam ferē dicatur per verba propria, sed omnia per metaphoras; stylum poeticum facit; nec non frequentiora epicheta; Orator enim ea non assumit, tanquam complementum periodi, vt sæpē poetæ carminis; sed tantū si magis rē explicant, si addant pondus amplificationi, si contineant argutiam aliquam, vel eruditione scitu dignam; ac tandem in omni penē verbo ad fabulas allusiv. IV. vt cauendum ne nimis studiosē, vel antiqua, & obsoleta, vel mollia, & putida, vt sunt diminutiva quædam, verba captentur; ita quoque vitari debent descriptiuncule, in quas aliqui qualibet data occasione digrediantur, vt sunt horri floridi, riuuli fluentis, choræ, vel mundi muliebris, &c. V. denique ad styli elegantiam, in idiomate præsertim vernaculo, quam optimus quisque verbi Dei Concionator omni studio comparare debet, vt maximē inuat, cum vniſ vrbaniſ, & comibus assiduē loqui, ita & optimi cuiusque styli libros euoluere, ex omnibus seligendo id, quod in ipsis maiori laude dignum est; audiendi enim non sunt illi, qui in verba, aut stylum alicuius auctoris iurandum esse putant.

Ad compositionem, quæ est altera elocutionis pars, aut virtus, quamque suo loco definiuimus aptam verborum sententiarumque collocationem, spectat dicendi genus; parum enim pro-

*Biblioth. Theol. Tom. VI.*

desset in eloquendo elegantia, nisi cū his quæ dicimus, & in quæ auditorem duci, ac formari volumus, verba etiam confenderent, in quo potissimum videtur consistere dicendi genus, secundum quod à styli elegantia distinguitur. Juxta Rethores triplex est, sumum, medium, sumum, alijs verbis, attenuatum, mediocre, graue, tam pro varietate rerū, de quibus habetur sermo, quæ facillē ad tres diſtas classes reduci possunt, quæ quod tribus etiam Oratoris, aut Concionatoris officijs docendi, delectandi, & flectendi, siue mouendi, tria hæc dicendi genera præcipuē conueniant; vt rectē ex Ciccone ostendit D. Augustinus lib. 4. de doctr. Christi. his verbis. *Cum vir eloquens tria præstare debeat, id est, vt doceat, vt delectet, vt flectat, ad eandem etiam hæc tria dicendi genera pertinere, ait idem ipse Romani auctor eloquij. Sic enim inquit: Is erit eloquens, qui poterit parua submisſe, modica temperatē, magna granditer dicere: tanquam si adderet etiam illa tria, & sic explicaret vnā, eandemque sententiam, dicens: Is igitur erit eloquens, qui vt doceat poterit parua submisſe: vt delectet, modica temperatē: vt flectat magna granditer dicere.* Hactenus Augustinus. Ex cuius verbis apertē constat, hæc tria dicendi genera, ad tria illa Concionatoris officia, docendi, delectandi, atque mouendi pertinere.

Inom, siue tenue dicendi genus est, quod imitatur consuetudinem familiariter loquendi, & planum est, vt in epistolis, & narrationibus; vnde non habet figuras vehemens, nec ornamenta nimium exquisita; eximitur pariter vinculis numeri periodici, quamvis habeat etiam suam armoniam, munditiā solum, & puritatem sermonis requirit: tale dicendi genus munici potissimum, vel officio docendi competit. Medium genus, siue mediocre, & temperatum vberius est, aliquantoque præcedenti robustius, admittit enim sententiarum lumina, metaphoras, & alia, quæ magis ad ornatum faciunt, quàm

I 2 ad vim

ad vim; correspondet muneri delectandi, præcipueque locum habet in exordio, & cum aliquid vituperatur, & laudatur, siue in genere demonstratio. Summum autem siue graue dicendi genus, vt complectitur quicquid efficacius, & exornatius, tam in verbis, quàm in sententijs habet Rhetoricæ, ita etiam competit præcipuo eius muneri commouendi Auditorum animos: *Docere enim*, inquit Augustinus lib. 4. de doctr. Christi. *necessarius est, delectare suauitatis, florere victoria*: seruit quoque perorationibus, amplificacionibus, affectuum præsertim grauiorum concitacionibus, ac denique omnibus materijs ad genus deliberatiuum, siue suasorium pertinentibus. Quamobrem, cum hoc grande genus orationis sublimitatem, & vim ad concitandos animos habeat (quod quidem est præcipuum, & singulare Concionatoris officium,) danda illi opera est, vt in omni concione vnâ aliquam rem, aut plures etiam eligat, quas hac dicendi figurâ, profèquatur. De quibus omnibus videndus est ad copiam D. Augustinus loco citato; nec non de numero oratorio, qui compositioni etiam annumeratur; licet ad concionandum minus necessarius sit.

Demum ad dignitatem, quæ est tertia, & vltima pars Elocutionis reddens eam ornatam, redeuntur omnes modi, & rationes illam variandi; siue quæ faciunt ad hoc, vt vnâ, & eandem rem pluribus modis explicemus. I. Per synonyma rei, de qua dicimus: vt pro nauis possumus dicere Triremem, Myoparonem, Ratem: II. Per æquipollentia, vt sunt quæ per synecdochem, metonymiam, & catachresin offerimus, III. per Periphrasim: vt cum pro Sole dicimus nobilissimum illum lucis aurigam: pro lusciniâ Syrenem sylvarum; IV. per tropos, vt sunt quæ per synecdochem, metonymiam, & catachresin dici statim notauimus; item per antonomasiam: elocutio autem non solum per eam variatur modo illo communi,

quo dicimus Oratorem Romanum pro Tullio, Apostolum pro Paulo, discipulum dilectum pro Ioanne; sed etiam cum illi, quem laudare, vel vituperare volumus, affigimus nomen illius, qui in illo genere virtutis, aut vitij luminus habetur: vt cum dicimus Archimedem pro Mathematico, Phalaridem pro crudeli, Caronem pro graui, Protheum pro mutabili, & in vniuersum ea omnia, quæ dicuntur per quandam excellentiam, habent rationem aliquam antonomasiam.

Per Hyperbolem quoque variatur elocutio; vt autem est dictio fidem veritatis excedens, augendæ, minuendæve rei gratia; primum minuitur potissimum per comparationem aliquam cû rebus inanimatorum, & sic dicimus stipitem aridorem, silicem duriorē, littore surdiorē, plumbo stupidiorē, plumam molliorē, ampullam inaniorem, Charibdi voraciorem, morte odiosiorē, & his similia. Secundò minuitur comparando cum personis notissimis in eo genere, in quo vituperamus, & sic dicimus Cyclope inmaniorē, Sardanapalo molliorē, Gigantibus elatiorē, &c. vel etiam cum populis, & gentibus, quæ in eo genere infames sunt; vt cum quis vocat Pigmeo breuior, Cretensi mendacior, Thesalo perfidior, Sytha asperior, Arcade stolidior, Pæno fraudulentior, & his similia: vel insuper cum personis, considerando in illis munera, conditiones, & artes, & sic dicimus Areopagita tristiorē, milite gloriosiorē, Tenedio Iudice seueriorē; vel denique cum animantibus, quæ in eo genere notissima sunt: vt cum dicimus tauro robustiorē, testudine tardiorē, vulpe fraudulentiorē, sele rapaciorem, phœnice rariorem, vulture edaciorē, muliere loquaciorem, & his similia. Tertiò tandem minuimus aliquid, iterando idem verbum per suum abstractum: vt cum dicimus ipsa nequitia nequiorē, ipsa loquacitate loquaciorem. Ipsidem omninò rationibus augeri possunt res, quibus

quibus minui, & laudari, quibus vituperari; vnde comparando cum inanimis dicemus, Magnete illicibiliorem, auro pretiosiores, fonte puriores, niue candidiores, melle dulciores, sole clariorem; cum personis verò notissimis, vel in comedijs, vel in fabulis, vel in historijs, Mercurio facundiores, Venere formosiores, Marte bellaciores, Minerua doctiores, Gratijs humaniores, Euterpe concinniores, Aristide iustiores, Penelope castiores, Ulysse sagaciores, Achille fortiores, Numa Sanctiores, Regulo fideliores; & sic de alijs comparisonibus, quas tamen concinator debet potissimum facere, per ordinem ad alias res, aut personas in virtute illa laudatissimas, quæ habentur in diuinis scripturis.

Vltima denique, & eque nobilissima ratio variandi elocutionem est per Metaphoras, siue etiam per Allegoriam, neque enim aliud Allegoria est, quam Metaphora continuata. Vbi igitur verba non suppetunt propria, quibus res explicetur, vel proprium nomen est ita nobile, sed tritum, & commune, recurrendum est ad metaphoras, & eoque libentius, quo in diuinis Scripturis frequentior earum usus est, & homines plerumque translatis, alienisque magis delectentur verbis, quam proprijs, & suis; cuius causa est, quod translatio est similitudo ad vnum verbum contraria; similitudine autem, misisæ capionetur animi. Eo tamen distat, quod illa comparatur rei, quam volumus exprimere, hæc pro ipsa re dicitur. Comparatio enim est cum dicitur fecisse quid hominem, vt leonem, vel agnum; translatio est, cum dicitur de homine leo est, agnus est. Variæ eius species assignantur, prima cum ab inanimis ad animata, secunda ab animatis ad inanima; tertia ab animatis ad animata; quarta ab inanimis ad inanima transfertur aliquid. Quam diuisionem alij magis explicant hoc pacto, à bestijs ad inanima, ad plantas, ad homines; à plantis ad ina-

nima, ad bestias, ad homines; ab hominibus ad inanima, ad plantas, ad bestias; de quibus redibit sermo libro huius operis sexto.

Quia autem omne id, quod est metaphora respectu alterius, de aliquo propriè dicitur: indignari enim, quod de Araxe fluuio metaphoricè dixit poeta, pontem indignatus Araxes, de homine proprijsimè dicitur: Ideò prima radix, aut ratio inueniendi metaphoras videtur esse: si habeantur ad manus voces propriæ, cuiusque rei, & artis; hoc enim pacto facile erit transferre proprium vnius ad aliud; Exempli gratia, si sit describenda tempestas poterunt sumi metaphoræ ab ijs, quæ propria sunt rei bellicæ, aut militaris, & sic dici, digladiare ventos, liquidis arictare montibus cœlum; vt si è contra sit describenda pugna militaris, poterunt assumi ea, quæ sunt propria procellæ, quæve pertinent ad Nauticam, arque ita dici, fluctuare victoriam, vix vnum aliquem è tot fluctibus liberum enatare.

Aliam rationem inueniendi metaphoras docuit Aristoteles in Poetica, & est; cum accipitur genus illius rei, cui intendimus metaphoram applicare; & cum sub eodem genere sint diuersæ species, aliæ quidem nobiliores, ignobiliores aliæ, has assumimus, vt vituperemus, illas vt laudemus. Exempli gratia, vult quis laudare magnanimitatem Achillis: In genere magnanimi sunt, tanquam species Aquilæ, Leones, Heroes: si vis igitur laudare, dices Aquilam, vel Leonem; species verò ignobiliores in eodem genere directè illis oppositæ, sunt Lepores, Columbæ, vnde ad explicandam alieuius timiditatem, dices leporem, vel columbam.

Tertius modus, illeque facillimus inueniendi metaphoras est per respectus, quos habet res aliqua ad alias, v.g. ad suas causas, & effectus, ad paria, ad maiora, ad minora, ad contraria, ad antecedentia, ad consequentia. Sit exemplum in eo, qui vult Solem descri-

describere per metaphoras conglobatas: utillas inueniat, consideret varios Solis respectus, vel ordines, ad suas causas, nimirum Deum, cuius dicit thronum esse, & imaginem; ad cælum, cuius dicit esse oculum; ad patia, vt sydera, quorum dicit esse patrem, & regem; ad situm in quo est, & dicit esse cor mundi; ad effectus suos, & dicit esse aurigam lucis; ad mundum, & dicit esse lampadem in hoc vastissimo Dei templo veluti suspensam. Vt autem hic modus felicius succedat, attendendum est diligenter in rebus ipsi, cū quibus inest hic ordo, qualiter accipi soleant, & per metaphoras definiri: vt Exempli gratia mundus ad quem Sol habet respectum, alijs animal est, alijs theatrum, alijs templum Dei: vnde si Sol refratur ad illum quatenus animal, sicut eleganter appellabitur eius cor, & oculus; ira ineptè dicitur lampas, secus atem comparatur ad illum, vt habet rationem Templi. Quartus modus erit, si res propriæ vnius sensus transferantur ad alias, quæ sint propriæ alterius, & sic dicatur, bibere voces auribus, deuorare aliquid oculis, serere verba, & similia: serere enim quod manus est proprium, trāsferetur ad linguam, & deuorare, & bibere proprium gutturis, transferetur ad oculos, & aures. Quintus si accipiantur res propriæ cæli ad significanda ea, quæ sunt in terris, & è contra; sic aptè dicitur, florescere cælum astris in æterno illo vere; & suis distingui syderibus cælo æmulam terram, cum floret. Sextus denique, cum res vnius artis proprias transferimus ad alias artes, & sic rectè dicitur circinare; & tornare periodos, transferendo ad oratoriam, quod est mathematices, & artis tornatilis; Naturalium item ad artificialia, & è contra, sic cælum dicimus Academiam syderum, mare tumulum Solis; ac tandem ciuilia ad rem rusticam, & è contra, quo pacto dicimus Rempubicam florescere ciuibus, & similia.

Quemadmodum autem metaphora-

ram perfectio in hoc potissimum attenditur, primò quod sint nouæ; quæ enim passim teruntur à vulgo, minus placent. Secundò, quod sumantur à proprietate, quæ magis elucet in re. Tertiò, quod non solum per eas innoscescat simpliciter res, quæ exprimitur, sed etiam eius proprietas, & modus, aut maior aliqua conuenientia vnius in alium, quæ per verbum proprium non ita innosceret. Sic rectius dicitur plueri ex oculis lachrymas, quam scaturire, aut fluere, plueri enim videtur explicare modum lachrymarum, quo cadunt, quem non explicant alia duo verba. Quartò metaphora, quæ attribuit animam rei inanimatæ, & repræsentat res in actione perfectissimæ est, sic dicuntur sagittæ volandi auidæ, Aetna flammæ cruciæ, & his similia; quibus propter rerum magnitudinem diuinæ non raro vtuntur litteræ; Tale est illud: flumina plaudent manu, simul montes exultabunt à cōspectu Domini. Et alio loco: tunc exultabunt omnia ligna sylvarum à facie Domini, &c. Rei enim magnitudo, nempe Christi Domini in mundum aduentus; hoc exigere videbatur; Cur etiam tanto opere placeant huiusmodi metaphora, ratione reddunt aliqui, quia quæ actiosa sunt, magis mouent sensus, vt patet in pictura, cuius rationem aliquam habent Metaphoræ. Vt, inquam præfata ad earum perfectionem concurrunt; ita etiam eorumdem defectu plurimum illi præiudicatur; nec non ratione improportionis, vt si quis vocet Solem candelam; item ratione materiæ, vt sunt illæ desumptæ à rebus fordidis; ratione obscuritatis, ac tandem si nimium sint hyperbolicæ; quæ tamen vitia facile corrigi possunt per apposita, seu epitheta, cum enim alia sint ab eccēssu, alia à defectu, prima quidem per appositum minuens corrigentur; vt si de Sole dicatur esse lampadē, tenuis metaphora erit; apponatur epithetum augens, & corrigeretur dicendo, immen-

inmensam esse lampadem, vastissimo hanc Dei templo parem; & in vniuersum, nihil est, quod magis metaphoram ornet, quam epithetum, dummodo non sit inane illius complementum.

Ad eandem Elocutionis dignitatē, præter dictos illam variandi modos, pertinent quoque ea omnia, quæ tam gravitatem, & cruditionem, quam argutiam illi addere possunt: ubi per gravitatem non intelligitur ea, quæ se tenet ex parte inuentionum, & probationum, sed quæ solum facit ad ornamentum elocutionis. Fit igitur potissimum grauis sententiarum admixtio; hæc autem sunt propositiones quædam absolutæ, continentes aliquod receptissimum apud Sapientes dictum, vel præceptum aliquod ad mores spectans. Huiusmodi sententiæ aliquando continent rationem, & causam illius, quod asseritur; modo quidem ynam, modo verò plures: Earum locus proprius est in fine argumentorum, ubi conclusimus aliquid, & per sententias quodammodo exultamus in victoria. Ad crudicam elocutionem faciunt, prouerbia, fabulæ, historiæ, allusiones ad illas, comparationes cum rebus, vel naturalibus, vel artificialibus; quæ, ut cauendum ne extra rem, ita etiam ne plusquam par est, asserantur, præsertim à Concionatore; Paulus namque Apostolus in suis epistolis triginta quinque vicibus citat David; & Esaiam viginti septem, tum etiam passim veteris legis commemorat loca: Ter autem duntaxat Ethnicos citat Poetas. Arguta denique reddunt elocutionem, dicta quædam acuta, seu formulæ quædam dicendi à communi ratione valde remotæ, quæ continent, vel causam inexpectatam alicuius effectus, vel analogiam aliquam, vel equiuocationem,

vel ananominationem, & affinitatem vocum, vel contrarietatem, siue oppositionem continuam, aut aliquid huiusmodi.

## §. V.

*De memoria; & pronuntiatione quarta, & quinta Theologia Panarctica partes.*

**P**RÆTER ea, quæ iam breuiter pro instituti nostri ratione notauimus lib. 3. huius operis sect. 7. cap. 3. de memoria, & pronuntiatione, nihil hic amplius occurrit dicendum; tantum, ergo sit de partibus Theologiæ Panarcticæ earumque regulis; plura enim de illis desiderans, nec nobis de modo illis vtendi pro diuersitate materiarum concionabilium primo huius capituli paragrapho explicatarum; poterit consulere sequentes authores; Franciscum Panigarola Ital. Ludouicum Granatem de Ecclesiastica Rhetoricâ; Didacum Stellam de modo concionandi, Ioannem à Iesu Maria de arte concionandi, Paulum Arctium de eadem Italicè, Concionatorum rudimenta Petri Rodulphi à Tossignano, Iacobum Piresium de sacra ratione concionandi, Instructiones prædicationis verbi Dei ex Concilij Prouincialis III. Mediolanensis decreto editas iussu S. Caroli Boromæi; Ioannem Scgobiensem Ord. Prædic. de Prædicatione Evangelica, & vt omittam plures alios, qui de hac eadem materia, aut rebus ad illam pertinentibus scripsere, Caroli Regij à Societate Iesu opus inscriptum Christianus Orator, tribus partibus, & decem libris distinctum, numerique omnibus meo iudicio absolutum.

F I N I S.

•••••



Moni-

## Monitio ad Lectorem.

**H**Vnc quintum librum sexto huius Operis Tomo destinatum, complere deberet promissa aliquoties brevis, resolutoriaque, epitomes præcipuarum materiarum, vel quæstionum Theologicarum salua fide inter Doctores Catholicos controuersarum, iuxta methodum, ex supra allatis, specialiter ab Angelico Doctore Diuo Thoma in Summa obseruatam, miramque eius doctrinam, sed quia pro meis votis nondum est numeris omnibus absoluta, interim, vt hoc nostrum Opus sit, quantum ad præsens institutum sufficit, perfectum, placuit in hoc quinto libro, sextoque tomo tradere, quæ vniuersim spectant ad Theologiam, quatenus suas disponit materias, & certas præscribit regulas, illas tractandi, indeque dicitur *Methodica*, tum in sequentibus libris sexto, & septimo, comprehensis tomo septimo, & ultimo, quæ ad eandem pertinent, quatenus vtendo Metaphoris dicitur *Symbolica*, prouocando autem, vel dirigendo affectum in Deum *Mystica*.